

M. ANTONII FLAMINII PA-
 RAPHRASIS IN DVODECIMVM
 ARISTOTELIS LIBRVM
de prima philosophia.

NET CERATAS

NON SATIS VNA TE.




ANCHORA PUPPES.

In geminam anchoram.

*Fundabat satis Aonias una anchora puppes,
 Dum tantum Ausoniis musa nataret aquis.
 Nunc quum Palladia fulcant maria omnia naues,
 Visa & una parum est anchora, facta duplex.*

*Lutetia Parisiorum cum priuilegio ad sexennium, per
 Nicolaum Diuitē iua sacerdotū, ad diuā Gen-
 tiliam, sub insigni gemina anchora.*

Anno M.D.XLVII. Cal. I.



SANCTISS. PATRI PAVLO

III. Pont. Max. Antonius Flaminius.

Axima quidem, & excellentissima ingenia
 m tulit antiqua illa ætas Pont. Max. Paule iij.
 sed tamen ex omnibus, quicunque post ho-
 minum memoriam in studiis literarum floruerunt, ne-
 minem habemus, qui cum Aristotele conferri posse ui-
 deatur. Etenim cum natura res suas maximis obscuri-
 tatibus inuoluisset, ut uideretur cognitionem sui nobis
 inuidere, uir ille celestis splēdidissimo ingenij diuini lu-
 mine omnia illustrauit: & cum cælum, & maria, &
 terras animo peragrasset, atque abditissimas rerum
 causas inuestigasset, illa omnia cū hominibus ætatis suæ
 liberalissime communicauit. neq; eo humanitatis genere
 contentus, quicquid in rerum natura perspexerat mo-
 nimentis literarum consignauit, ut posteritatem munere
 afficeret immortalī. Itaque cum eius ego libros incredi-
 bili cum uoluptate & admiratione perlegerem, ueni a-
 liquando ad duodecimum primæ philosophiæ librum,
 qui tamen apud Græcos undecimus est, in quo quidem
 libro de Deo, deque cæteris mentibus singularibus ac
 sempiternis tanta diligentia ac subtilitate disputatur, ut
 si mortales aliquam earum rerū scientiā ex hac minuer-
 sa natura aspectabili consequi possunt, eam scientiam uir
 ille in eum librū inclusisse uideatur. Sed ut cætera eius
 omnia, ita hæc de rebus excellentissimis disputatio est
 perobscura, & maxime difficilis ad intelligēdū. Poterat
 certe uir ille diuinus, si uoluisset, omnia ita perspicue ac
 dilucide literis mādare, ut uel mediocri homines ingenio

difficillima quæq; eius inuēta intelligrēt. nam cum illius
copiosissima doctrina certabat aureum flumen eloquen-
tiæ. sed in ea opinione fuerūt omnes antiqui philosophi,
ut magnum se faciūsus admittere existimarent, si naturæ
arcana in uulgus temerè enuntiaffent, itaque omnia fa-
bularū integumentis ab aspectu imperitæ multitudinis
remouerūt. Aristoteles autem cū eorum propositum lau-
daret, fabulas improbareret, dissimilem ipse ingressus est
celandi rationē: cū enim operosa illa figmēta repudias-
set, & simplici oratione, ac uerbis propriis omnia dispu-
taret, tāto tamen artificio philosophiā suam obscurauit,
ut post tēporū interualla uix paucissimi inueniri potue-
runt, qui ad eius intelligētiam aspirarēt, tāctsi eius disci-
plina omnibus tēporibus floruerit, & excellētissima in-
genia non defuerint, quæ in iis libris percipiēdis & ex-
planandis omnem suā operā, omne studiū, uitam deni-
que omnem collocarēt. Itaq; cū liber ille, de quo cōperā
dicere, mihi nō minus difficilis, q̃ excellens uideretur, fa-
ciendū putauī, ut oratione mea conarer eius obscuritati
aliquid luminis asferre. Neque uerò nō sciebā, nōnullos
extitisse apud Latinos, qui eū librū satis doctè expla-
nauiſſet, sed homines ingeniosi, dū rerum cognitioni sese
totos tradūt, nimīū mihi uidebātur cōtēpſisse orationis
elegantia, ut qui bonas literas attigisset, eorū libros for-
midaret attingere. itaque non me operā omnino perdi-
turū arbitrabar, si hoc interpretādi negociū suscepissem.
Dedi autē operā, ut nōnullis in locis de circulo expla-
nationis defleſcerē latius uagās. modo ut more Platonis
eo animū legētis disputatione rerū difficillimarū ingrat-
uescētē leuare, atq; reficere: tū autem ut nōnullas quæ-

stiones enucleatius explicarem, quæ tenebras Aristotelis
 maximopere illustratura uidebantur. denique id mihi
 proposuim fuit in hoc opere, nō tam philosophi huius sen-
 tētiæ ut enodarē, q̄ ut res pulcherrimas, quas ille bre-
 uiter, atq; obscure p̄secutus fuerat, ego dilucide, ac com-
 piose tractarē, nunq̄ tamen ab ipsius uestigiis discēdens,
 simulq; periculū facerē, num pure, ornate, atq; ad rerum
 dignitatē apte explicari posset ea, quæ philosophi latini
 neq; Latine, neq; elegāter disputare solēt, quæ de re mul-
 tos homines nō indoctos uehemēter addubitare cernebā.
 Quod nisi ualitudinis infirmitas, quæ multos iam annos
 grauissime cōstictari soleo, me prohibuisset, fecissem pro-
 fecto ut totū opus à primāpio quammaxime posse plane,
 ac dilucide interpretarer: cōfido tamen nō defuturos es-
 se, qui lōge maioribus, q̄ ego, corporis, & ingenij uiribus
 eiusmodi onera sustinere possint, et uelint. iā enim bonæ
 literæ, quæ multa secula extinctæ iacuerāt, coeperūt re-
 uiuiscere: iā barbaries inculta, quæ uniuersas Italiæ ciui-
 tates occuparat, & ingenuas artes crudelissima tyrānide
 oppressas tenebat, tātis excellētū in literis uirorū opibus
 oppugnatur, ut de uictoria iā minime dubiā spem, &
 planē exploratā habere debeamus. exarserat enim iā
 dudū in terra Italia incredibilis quædā cupiditas bo-
 narū literarū, facta erat ingēs clarissimorū uirorū cōspi-
 ratio, quæ literas sanctas, philosophiā, legū sciētiam, cæ-
 terasq; disciplinas defendēdas susciperet, atq; eas in an-
 tiquū dignitatis locū reuocare conaretur, dux tātum iis
 strenuis hominibus deerat, & egregius aliquis impera-
 tor, atq; huius iustissimi, ac salutaris belli moderator, cū
 ecce deus Opt. Max. incōmoda nostra miseratus summā

rerū omnium diuina tua sapiētia cōmisit, qui religionem
conuulsam & labefactatam, constitueres: qui pacem
& oīum reipub. christianae conseruares: qui eloquen-
tiam, & liberales disciḗlinas non modo à barbarorum
iniuriis uendicares, sed etiam tuo patrocinio augeres,
& amplificares, & præstantium uirtute, & literis ui-
rorum studia singulari tua liberalitate incitares. quid
enim aliud expectari debeat à principe nobilitate, inge-
nio, eloquentia, magnitudine animi, prudentiāq; floren-
tissimo, qui à prima pueritia literis Græcis, & Latinis
semper deditus fuerit, & animum omnibus optimis ar-
tibus diligenter exornarit! sed ut ad prima redeamus,
cum librum illum Aristotelis quammaxima poteram di-
ligētia explanassem, & hos meos labores honestissimo,
atque optimo uiro Giberto Pontifici Veronensi destina-
rem, quippe qui me domi suæ alat, & studia mea sua
præstanti liberalitate sustenter: homo tuæ sanctitatis ob-
seruantissimus maluit, ut hoc munusculum, qualecunque
illud esset, ad tuam sapientiam deferrem: ut qui liber
de Deo, deq; sapientia differeret, is liber ad eum prin-
cipem mitteretur, qui sapientissimus foret, & in terris
grauissima Dei munera obiret: & quæ materies inter
omnes philosophiæ libros nobilitate, & grauitate prin-
cipem locum obtineret, ei uiro muneri daretur, qui in-
ter mortales uniuersos primum dignitatis gradum suis
diuinis uirtutibus consecutus esset. Ego uero quanquam
uerebar, ne in aliquod arrogantiae uitium incurrerem,
si tuas salutare, & sanctas cogitationes meis scriptis le-
gendis interpellarem, malui tamen id periculi subire, q̃
Giberti, hominis de me optime merentis uoluntati repu-

gnare. Itaque reformidans quidem, ad te tamen mitto
libellum meum: qui si forte ob materiæ ipsius dignitatē,
& eius uiri, quem sequor, grauissimam auctoritatem te
nonnihil delectarit, incredibilem profecto uoluptatem
capiam, neque id tam mea, quàm ipsius Giberti causa:
meq; tum deum maximum, ac pulcherrimum meorum
laborum fructum cepisse existimabo: sin autem liber
neque ita elegans, neque satis eruditus à te iudicabitur,
imperitiam tu quidem meam accusabis, Giberti uerò
uoluntatem tui studiosissimam amabis, & singulari bo-
nitate hominem excusatum habebis. qui dum me nimium
amat, & ob eam causam mea pluris aestimat, quàm de-
bet, dumq; optat quibuscunque potest rationibus san-
ctitati tuæ gratificari, & à cunctis mortalibus suam exi-
miam erga te pietatem intelligi, uoluit hoc meum opuscu-
lum sub tuo sanctissimo, ac honorificentissimo nomine
apparere, atque in uulgus edi: ut quandiu maneret ipse
liber, tandiu maneret in à cum eo hoc quaecunque in-
credibilis suæ erga te obseruantiae monumentum.

Handwritten text, likely a letter or document, written in a cursive script. The text is arranged in several paragraphs, with some lines appearing to be underlined or separated by a horizontal line. The handwriting is somewhat faded and the paper shows signs of age and wear.

11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

5

M. ANTONII FLAMINII PARAPHRASIS in duodecimū Aristotelis librum de prima philosophia.

E substantia ^{ita} dispositionem instituimus, si-
d quidem scientia rerum diuinarū, quam do-
cemus, principia rerū inuestigat, porro sub-
stantia in rebus primas tenet, quomobrem faciendum
est ante omnia. ut de eius causis, & initiis differamus.
Etenim si uniuersam hanc naturæ molem omnia com-
plexu suo coercentem ita spectemus, quasi corpus quod-
dam multis ē partibus politissima arte perfectum, in
iis partibus substantia principem locum obtineat, neces-
se est, quippe quæ fundamentis magnificentissimæ do-
mus simillima existat, atque eandem habeat proportio-
nem, comparationemque cum cæteris rebus, quam ha-
bet natura cordis ad reliqua membra. Sin autem nihil
in hac uniuersitate inter se coherens, aut coagmentatum
singamus esse, ita tamē omnia deinceps disposita, ac colla-
ta, ut acies instrui uidemus, nihilo minus substantiam in-
ter omnia primā, & antiquiorem esse constabit. Quin
etiā si uere, ac proprie loquendū sit, nihil cæterarū re-
rum entis nomine appellādū erit. qualitas enim, & mo-
tus, & cætera eius generis nunq̃ uerè sunt, ut eo nomine
digna sint, quod rem esse demonstrat. Dabitur autē no-
bis, ut in iis rebus, quas ueteres latini nō attigerūt, inusi-
tatis aliquādo uocabulis utamur: ne si res simplices cir-
cūscribēdæ erunt, in aliquod obscuritatis uitium incada-
mus, & quas res oratione illustrādas suscepimus, iis re-
bus nō lumen attulisse uideamur. sed tenebras offudisse.

2
Neque tamen quoties aut *ens*, aut *essentiam* appellabi-
mus, uerbis apud Romanos antiquos inauditis utemur,
siquidem quo tempore Latina lingua maiestas una cū
imperio florebat, Sengius, & Flavius philosophi &
hæc, & alia plurima eiusdem generis uocabula nouaue-
runt: id quod sine ulla dubitatione faciendum est in re-
bus nouis explicandis, aut noua omnia prætermittenda,
neque à tritis, & peruulgatis unquam recedendum.
Quod utinam maiores nostri in hoc ipso genere tam se-
ueri non fuissent, & Græcorum laudabilem liberta-
tem imitari maluissent, tanta certe paupertate oratio-
nis non laboraremus. Verum iam institutam disputatio-
nem persequamur. Diximus ea, quæ substantiæ inhærēt,
nō uere existere, illa Græci *συμβεβηκότα* nominant, nos
uerbum è uerbo, accidentia appellare non uerebi-
mur, hoc enim uocabulum homines docti assiduo iam
sermone triuerunt. Neque tamen sumus ignari, Lucre-
tium in suo poemate hoc rerum genus euenta nominare.
Quamquam igitur accidentia non sunt uere, minime ta-
mē mirandum accidere debet, si illa soleamus entia nū-
cupare: quando iis etiam, quæ priuantia uocantur, &
negantia, id nominis impertiamur, dicimus enim non al-
bum esse. neque id uero, quasi non albū existat, sed quo-
niam substantia aliqua sit, quæ colore albo careat, quod
idem de accidentibus sentiendum puto, ea beneficio
substantiæ entia nominari. Iam uero ea rerū natura est,
ut cum substantia se pulcherrime sustentet, cetera om-
nia sic in illa innitantur, ut sine perniciē diuelli nō que-
ant: ex quo efficitur, primas in rebus sine ulla dubitatio-
ne substantiæ deferendas esse. Neque uero philosophi

uetustiores id non uiderunt, quorum nemo de initiis re-
 rum disputauit, quin cæteris dimissis principia substan-
 tia uestigare. Eandem philosophandi rationem secuti sunt
 inferioris etiam ætatis homines, eos dico, qui disciplinam
 Platonis adamarunt: hoc tamen interest, etenim sub-
 stantiarum alia cum in sensus cadant, maioremque par-
 tem digito demonstrari soleant, alia uero sint commu-
 nes notiones, quas animus ex multarum rerum, quæ sen-
 sibus usurpantur, similitudine collectas in unam for-
 mam effingit: Platonicæ has posteriores, quæ sola cogita-
 tione continentur, non modo per se existere, uerum etiã
 prioribus illis, quas sensus comprehendit, existendi cau-
 sam esse putauerunt. atque illi quidem certe in eum erro-
 rem inciderunt, propterea quia non ut interpretes natu-
 ræ, aut doctores sapientiæ, sed ut artifices differendi ad
 hæc considerata accesserunt. dimissis enim iis, quæ
 proprie ac uere sunt, communes illas rerum notiones per-
 sequebantur, neque rationibus ullis necessariis utebantur
 sed probabilibus quibusdã argumētis foris assumptis,
 neq; eñ natura rei, de qua agebatur, coherētibus cõtēti
 erāt. Veteres cõtrariã ingressi rationē in eas disputatio-
 nes incubuerunt, ut docerent, quæ substantiæ sensum
 mouerent, ac contingi possent, cuiusmodi est ignis et
 aqua, eas substantias quasi parentes, ac procreatrices
 esse omnium rerum, quæ hoc amplissimo celi sinu co-
 hiberentur. Verum de hac sententia ab Aristotele in
 alijs libris satis, superq; disputatũ est. Reliquũ est igitur,
 ut quid ea de re senserit ipse, quã maxime possumus pla-
 ne, ac dilucide exponamus. Principio substantia in tria ge-
 nera diuisa est, unum enim genus est eorũ quæ sensibus

subiiciuntur, & generantur, & intereunt, de quibus
nemo unquam dubitauit, eiusmodi sunt animalia om-
nia, & quæ gignuntur è terra. Altero genere conti-
nentur illa, quæ licet sub aspectum cadant, semper ta-
men sunt, neque ullum habent ortum, cuiusmodi quin-
tam illam naturam diuinam esse arbitrantur Peripa-
tetici, ex qua cœlestes globi, & omnes stellæ uagæ,
& inerrantes constitutæ sunt. & harum quidem re-
rum nos in primis initia molimur indagare, siue illa
sint plura, siue unum. Tertium genus est earum sub-
stantiarum, quæ nullo unquam motu cidentur, eas quidẽ
etiã Pythagoras, & Platonis studiosi, simplices, & ab
omni corporis societate liberas dicunt, sed non minima
inter illos dissensio intercedit. nam Platoniorum alij ter-
tiũ hoc genus in duas naturas partiuntur, in mathemati-
cas inquam formas, & eas species, quas ideas uocant:
alij uero isthæc duo ad unã, & eandem naturã perti-
nere contendunt. Pythagorei autem ideas tollunt, mathe-
maticas relinquunt. Sed cum substantiarũ quædam ani-
mo, quædam oculis cernantur, nos in medio illarũ sita es-
se mathematica existimamus, ut naturas utrarumque
quodammodo attingant. cum enim eorum nihil, quæ
mathematica docent, corporea materia sit expers, eam
tamen illi cogitatione detrahunt, & quantitatem ab om-
ni concretionem aspectabili uacuum reddunt. Quod
igitur mens facit, ut lineas, & triangula & cate-
ras eiusmodi formas à sensibus abducat, id Pythago-
rici uere esse, & in rerũ natura maximam uim ad res
gignendas habere confirmant, ut ex numeris, & Ma-
thematicorum initijs omnia uelint proficisci. Caterum

substantias omnes sensum mouentes, siue illæ sint mortales, siue sempiternæ, ad physicos pertinere necesse est. quicquid enim motu aliquo agitur, scientia rerum naturalium continetur: sapientiæ uero munus est, de eo genere substantiarum disputare, in quibus nullum motus aut quietis principium inest, quæq; intelligentia tantum & ratione comprehenduntur. neque enim ea, quæ motu prædita sunt, quæq; illo uacant, ab eodem principio proficiuntur. Illud tamen scire oportet, siquid utriusque substantiæ commune sit, utranque substantiam ad eam disciplinam reuocandam esse, quæ naturam illam communem considerat. Quamobrem cum physicus de substantiis tantum corporeis, ut motu ciantur, memorare soleat, sapiens & has, & illas alteras corporis expertes amplectitur, sed eatenus, quo utrique generi & natura entis impertitur, & substantiæ nomen ac definitio conuenit. His positis ad disputationem substantiæ aspectabilis, & corporeæ iam aggrediamur, de quæ principis eius breuiter illa explicemus, quæ alibi longa disputatione tractata sunt. Cõstat igitur substantiam omnem, quæcunque sentiatur, mutabilem esse: mutatio uero omnis aut ex oppositis certe, aut ex naturis mediis efficitur, quæ & ipsæ ad eam rem appositæ sunt, pro eo quod uim contrariam in sese cohibent: neque tamen ob eam rem existimandum est, quæcunque inter se non conueniant, ea continuo ad res immutandas accommodata esse, siquidem fit album ex eo, quod est non album, non tamen quicquid est eiusmodi, ad coloris albi procreationem ualet, uox enim est non alba, ex qua nunquam tamen colorem album effingi uidemus. Quamobrem intelligendum est,

eam facultatem proprie attributam esse iis, quæ Aristoteles ἐναντία, Cicero aduersa nominat in Latinum uertens, nam contraria dicit appellanda esse, quæ ille ἀντι κείμενα uocare atque usurpare consuevit. Neque uero quenuquam moueat quod substantia, cui nihil aduersatur, mutationis tamen expers esse non soleat: id enim incommodum accidit ei generi substantiarum, quibuscum priuatio coniuncta est, porro priuationem in aduersis quodammodo habendam, alibi iam demonstratum est. Omnis igitur mutatio fit aut ex aduersis, aut ex rebus quibusdam mediis: nam ex uiridi etiam nigrum generatur. id si ita est, necessitas cogit, ut etiam natura quædã tertia existat, quæ aduersorum alterum abiciat, alterum asiscat. neque enim cum nigra exalbescent, color ater conuertitur in albū, sed simulatque hic superuenit, illico ater in nihilum it. Et profecto uidemus, nullum esse mutationis genus, in quo non aliquid maneat, aliquid intereat. cum enim album efficitur nigrum, albus color deletur, corpus ipsum manet. Itaque minime dubium, & planè exploratum esse debet, aliquam rem esse tertiam, quæ aduersis subiiciatur, illam physici materiam appellant: eius natura quæ sit, paucis exponemus, quãdo in libris rerum naturalium longa de his rebus habita est disputatio. Mutatio quadripartito distribuitur, unum enim genus ad substantiam pertinet, alterum quantitatis est, tertium in qualitate uersatur, quartum omnia locorum spatia comprehendit. Et primum quidem genus constituit generatio simplex, & interitus: secundum accretio, & diminutio: tertium alteratio: quartum ea, quam Græci ποσὸν uocant, nos si uerbū è uer-

bo uolumus, lationem appellemus licet. Quòd si mutatio quæque contraria requirit, ut iam dictum est, sua cuique mutationi aduersa tribuenda erunt, qualis in primo genere forma est ac priuatio: in quantitate magnitudo, & paruitas: in qualitate dulcedo, & amaror, & quicquid aliud ad tertium qualitatis ordinem refertur: quarti uero generis aduersa erunt loca supera & infera, quæq; ad dextrâ & sinistrâ, ante & ponè iacent. Illud itè explicatum est, ad mutationem conficiendam, tertiam illam naturam desiderari, quæ uicissim pugnantia recipiat, eam nos materiam appellabamus. Enimvero, si materia suscipere debeat contraria, suapte natura informis, & nulla specie prædita ipsa sit, necesse est, quo possit Prothei cuiusdam more in uarias sese formas induere, quibus uniuersitas naturæ exornetur, & hæc pulcherrima rerum caducarum descriptio semper ab interitu uendicetur. Quamobrem uehementer errasse iudicandi sunt, quicunque materiam uel sua ita corporatam esse putauerunt, ut ueluti cætera corpora, existeret, & subiecta sensibus foret: contrariæque diuinum quendam hominem fuisse Aristotelem, prædicandum est, qui rem obscurissimam, & tenuitate sua non oculorum modo, sed animi obtutum penè effugientem comprehenderit, & primus acutissima acie ingenij eam totam perlustrarit, nobisque probarit illa ratione, quæ cõuinci nō posset, materiam nihil habere præter habilitatē ad cõtrariorū paria quæq; recipienda, per quam & ipsa sit: & omnia gignantur, & uicissitudo rerum orientium, atque occidentium continentem, & perpetuū cursum nanciscatur. Hoc posito difficilis admodum,

Et perobscura quaestio facile explicatur, quæ quidē antiquiores illos philosophos ita implicauit, ut cum sese expedire non ualerent, generationem rerum omnium sustulerint. Etenim conuenit inter omnes, fieri non posse, ut ex nihilo quicquam fiat: atqui ex eo item quod iam existat, nihil omnino procreari posse uidetur. qui enim oriantur ea, quæ iam sunt: falsum itaque sentiunt, qui generationem introducunt. Hunc modum nullo negotio nos dissoluemus, rerum enim omnium duplicem ordinem efficiamus, ut nonnullæ ἐνεργείαι sint, nonnullæ δυνάμεις: alterum nos actum appellemus licet, alteram facultatem, siue potestatem, si modo ita recte conuersum uideatur: esse uerò materiam facultate, perspicue iam demonstrauimus. cuncta igitur efficiuntur ex ea re, quæ tum est, tum non est: fiunt enim ex materia, quæ facultate est, actu non est: fiunt item ex priuatione, quæ nihil est, Et ex materia ipsa, quæ aliquid est, longe tamen dissimili modo ex his duobus principiis res constituntur. alterum enim nascentis rei pars fit, alterum, cum per seipsum nihil existat, nullius cuiusquam rei ulla omnino pars effici potest. Neque tamen priuatio non materiam uim habet, sine qua neque ortus rerum, neque interitus consequatur. nisi enim materia sit orbata earum rerum formis, quæ gignantur, quomodo per Deū immortalem illæ gigni queant? nisi rursus eisdem formis spoliatur, quomodo res ortæ occidant, aut quicquam ullo tempore absumatur? ac non potius immutabilis rerum ordo, ac dispositio confundatur? ut quæ natura fragilia sunt Et caduca, immortalia fiant, Et aëo sempiterno cum rebus caelestibus fruantur. Ni-

9
mirum hanc materia vim somniabat Anaxagoras,
cum illud suum unum introduceret. existimabat enim
uir ille, omnia, quæ in sentiendi rationem caderent, à
principio in unum corpus confusa fuisse, quod immode-
rate agitatum & turbulentum mens accipiens, sedatū
& quietum reddiderit. Sed quanto sapientius noster
Aristoteles, qui docet, omnia in materia inesse facultate,
quàm Anaxagoras, qui ex iis rebus, quæ olim confu-
se, ac temere coaceruata iacerent, dicat, uniuersitatem na-
turæ esse procreatam: neque enim efficere sic potest,
quin ex iis rebus, quæ actu iam existant, omnia consti-
tuantur. quamobrem generatio, quam importuna illa
quæstio oppugnat, nullo per eum præsidio firmatur.
Quinetiam cæteri ferè omnes, qui de natura disputa-
runt, ad eam materia cognitionem ueritate duce uehe-
bantur: sed rem magnis inuolutam obscuritatibus sub-
odorari magis, quàm uidere potuerunt. Quid enim al-
liud significabat discordia illa Empedoclea ordinis pa-
rens, mundi procreatrix, quam dicit istum splendidis-
simum cali ornatum effinxisse, & quatuor illa magna
corpora tanta sapientia discreuisse, ut ea, quæ inter se
se aduersissima essent, & naturis maxime dissidentibus
continerentur, disiunctis etiam sedibus collocaret: quæ
contrà aliquam inter se propinquitatem, & beneuolen-
tiæ causam haberent, iis propinqua domicilia distribu-
ret: quid item aliud sibi uult illa eiusdem philosophi
concordia, quæ mundi partes inter se utiliter dissentien-
tes pernicioso amore copulare soleat supera inferis com-
miscēs, & omnem naturam fortuita confusione per-
uertens: contra tamen accidere dicebat in iis mundi para-

ticulis, quæ multiplici primorum quatuor corporum tem-
peratione ggnuntur: has enim figurat concordia, discor-
dia disiciat, & ad mortem crudelissimè impellit. qua de
re sunt eius philosophi uersus elegantissimi, quos ut gra-
tum faceremus iis, qui Gracè nesciunt, in Latinum
conuertimus, & qualescunque illi essent, infra sub-
scripsimus,

Nonne uides hanc mœlè, atque hæc uariâtia mœbra?
Nunc illa inter sese arcto coeuntia nexu
Exercent placidam felici foedere pacem:
Sensiferi unde uigent mortali in corpore motus,
Irarum ingenti nunc tempestate coorta
Incipiunt rimis agitata fathiscere, donec
Disiliant duro uitai in littore facta.

Talibus inter se uiabibus uoluntur in orbem
Et pecudes, & montiuagum genus omne ferarum,
Et uolucres pictis tranantes aera pennis,
Quæq; que latent liquido Nerei sub gurgite monstra,
Veliuolæq; ratis, & amantis aspera dumi.

Sed iâ ad institutam disputationem redeamus. Diceba-
mus Anaxagoram, & Empedoclem nescio quo modo
naturam materiæ suspicatos esse, hos consequitur Ana-
ximander, qui principium rerum omnium infinitum es-
se, & inter naturam animæ, atque ignis intercedere sen-
tiebat, & contraria cuncta olim in eo inclusa fuisse
memorabat. Sed nemo antiquorum ad cognitionem ma-
teriæ propius Democrito acceßisse uideri potest, qui ex
particulis quibusdam indiuiduis mundum fabricarit,
quarû facultas omnia complexa esset, anteaquâ inter se
côcursu illo temerario cohaesissent. omnes igitur ferè, qui

de natura rerum memorandum aliquid literis consignarunt, materiam illi quidem, sed obscurè nimis attigerunt. Iam uerò quæcunque mutationi subiiciuntur, materiam quidem habent, sed non eandem omnia: rerum enim aliæ caducæ sunt, aliæ sempiternæ: & illæ quidem cū oriantur, & cadant, materiā necessario requirunt, quæ formam, & priuationem abiiciat uicissim, & ascat: hæ uerò cum neq; ortum, neque occasum sentiant, neque unquam aliquid præter locum uariare soleant, materiā adeptæ sunt naturæ suæ congruentem, eam dico, quæ unam loci mutationem pateretur. Cum uerò generentur omnia ex eo, quod non est, quærat aliquis quòdnam illud sit: tria enim numero sunt, quæ non esse memorentur: Primum, id, quod nō modo re ipsa non existit, uerū ne cogitatione quidem adumbrari potest, hoc quidē certè genus à generatione penitus abhorret, cum ex nihilo quicq; fieri, natura nunquā sinat. Alterum genus ad priuationem formæ pertinet, quam quidē ad ortum rerū eliciendum necessariam dicimus, non quo ex ea res aliqua conficiatur, sed quòd inhæreat materiæ, ex qua res procreantur. Tertiū genus ipsam materiā facimus, quæ nō esse dicitur, propterea q; actu non existit, quāquā facultate semper est, & ipsa quidē rerum mortaliū est fecunda mater, quæ innumerabilibus gravidata formis omnia gignit, & fundit ex sese: uerum de iis supra etiā satis multa dicta sunt nobis. Quanquā autem materiā, communem rerum parentem nuncupauimus, non tamen ob eam rē existimandum est, quamq; rem ex quaque re generari posse, quæ res enim formas dissimiles habent, eas materia quoque dissimili præditas esse oportet: ne

quemadmodum Pythagorei, formas uagas, & uolatiles inducamus, ut ex homine in elephantum, ex elephanto in culicem aut formicam immigrare cogantur. Quam obrem persuasum nobis esse debet, materiā esse illā quidē cūctarū receptaculū formarū, iis tamen admittendis certum ordinem à natura adhibitum fuisse. Principio ingentem illam materiae molem formae uestiunt ignis, & aeris, aqua item, & telluris: quibus illa formis induta iam spectabilis efficitur, & manibus attrectatur. Porro materia in has quatuor naturas compacta tum deum facultatem nanciscitur, ut reliquas omnes formas parere ualeat, & mundum ea, quam spectamus, uarietate distinguere. Etenim cum prima illa corpora, quae uocantur elementa, inter sese misceri consuerint, quot proportionum temperationibus ipsa in unam naturam coagmentari possunt, tot item species rerum possunt existere, & hoc pulcherrimum mundi theatrum suis imaginibus exornare. Compertum sit igitur, unam esse quidē rerum omnium materiam primam & communē, sed multas item esse materias propinquiores, quae rebus certis accommodatae sint, & propriae. Quod si natura tāto ordine ad generationem rerum progredi solet, profecto temerē, & inconsideratē loqui uideri debent, qui quamque rem ex quaque uulgo generari dicunt: quod sanē fieri natura ipsa non fert, nisi fortē res in primam illam, & communem materiam interire dicantur. Non igitur audiendus est Anaxagoras, qui eiusmodi sententiam tueri conatus sit, qui tametsi cūctas res in suam illam materiam unam, & inordinatam congerisset, ut ex ea membra omnia mundi, & omnes particulas effin-

gere posset, parum tamen caute consuluisse uidetur generationum rerum. neque enim res materia minus differunt, quam forma: cum aliam homo, aliam æs, aliam uitis desideret. quod si una tantum gignendis rebus adhibita est materia, unde quæso tanta uarietas, et innumerabilium penè rerum dissimilitudo? Cur non potius cunctarum una et eadem est facies, et natura? unam enim Anaxagoras introducit uim et causam efficiendi, mentem dico: unam item naturam, quæ sese illi præbeat, et ab ea patiatur. unum igitur necessario id erit, quod efficitur, illud inquam, ad quod efficiendum materia accommodata erat. ubi enim res efficiens una est, itemque patiens, unam etiam rem effingere consueverunt, ut alibi perspicua ratione demonstratum est, quod etiam facile exemplo declarari potest: ex uitis enim materia, quæ una est, non ficus aut olea, sed una uitis propagatur. Hæc de materia dicta sint nobis. Nunc ad alterum principium substantiæ corporeæ explicandum aggrediamur. Tres igitur sunt causæ, triaque principia earum rerum, quæ mortali generantur conditione: eorum duo quidem sunt contraria, forma scilicet, et priuatio, tertium est materies ipsa: dictum est enim, omni mutationi id commune esse, ut duobus contrariis conficiatur, et tertia aliqua natura, quæ sese illis subiiciat, atque effingendam tradat. Cum itaque substantia mutabilis sit, et oriatur, et intereat, nimirum tria hæc principia requirit. Illud autem scire oportet, neque formam, neque materiam gigni: materiam tamen primam, et formas simplices dico, aliarum enim longe dissimilis est ratio. Verum quod proposuimus, clarius est

ostēdēdum. Si quid in lucem edendum est, tria semper
interesse debent: causa, quæ uim efficiendi habeat: mate-
ria, quæ patiendi: forma, quæ finis sit effectiōnis. quōd
si formam etiam ipsam gigni oporteat, nimirum tria
isthæc genera iterum adhibenda sint. forma igitur com-
paranda est ad effingendam formam, at illa nusquam
erit, nisi & ipsam superior aliqua eiusdem generis natu-
ra procrearit. Itaque nullum, quantum uideo, genera-
di modum faciemus, sed innumerabilis quædam series
formarum, quæ gignant, & gignantur, connectenda e-
rit. Quōd si natura infinitatem istam causarum non a-
mat, sententiam illam nostram teneamus, formæ, in-
tēque materiæ nullam generationem esse. Illud item
scire oportet, omnes eas substantias, quæ natura con-
sistunt, parentibus suis ad imitationem formæ similes gi-
gni, illorūque nomine, ac definitione contineri: quod
rerum genus Aristoteles uocat οὐνώνυμα, nostri phi-
losophi uniuoca uerterunt, nos melius, uerbum è uer-
bo, res cognomines appellari existimamus. Hominem in-
taque generat homo, equus equum, & animantia
quæque generatim ex sui similibus procreantur. Ars in-
tem, quæ naturam diligenter imitari solet, simile amat
institutum. qualem enim speciem domus animo cer-
uit architectus, talem is domum è lignis, ac lapidibus
molitur. Naturæ uerò, & artis ea est distinctio, quōd
illa res eas mouet atque uersat, in quibus intus inclu-
sa est: hæc uim suam rebus externis effingendis adhi-
bet. Fortuna uerò, & casus, ut declaratum est in di-
sputationibus physicis, non sunt ueræ causæ rerum gi-
gnēdarum, sed naturæ potius, & artis errores, ac pec-

eam quædam, ut minime mirandum accidere debeat, se
 res casu, aut fortuito orta non exprimant formam
 eorum, à quibus procreantur. Quinetiam ueluti si
 quid erroris incidit in artificiis, id neque artificiosum,
 neque artis effectum appellare consueuimus: ita si
 quid monstri è semine uitiato in lucem edatur, eius or-
 tus naturæ neutiquam ascribendus erit. Sed quæstio
 perobscura nobis sese offert de iis animalium formis,
 quæ ex limo aut re putri sæpenumero exprimuntur: ad
 casum enim ea referre, minime conuenit, cum in re-
 rum natura certum ordinem habeant, ac certis anni
 temporibus oriantur: in casu uerò omnia sint incerta,
 atque inordinata. quo fit, ut sine ulla dubitatione na-
 tura constet horum animalium generatio. Atqui nul-
 las naturas cernimus, è quibus prognata similitudinem
 ducant eam, quam requiri dicebamus in omnium sub-
 stantiarum ortu, qui natura constitisset. An Solis, &
 aliorum syderum calor eius generis animantium mo-
 litor est, ac procreator, isque celestis calor uim quan-
 dam admirabilem secum gerit, quæ similitudinem con-
 tineat rerum omnium, quas producit: an putreda
 semini genitali comparanda est: atque ipsa quoque uim
 illam creatricem habet, quam Aristoteles, solet ar-
 ticomparare: utq; ab arte, sic ea ui similia excu-
 duntur: illamque in semen sol & homo, in rem pu-
 trem solus inserit sol: id si ita est, ut certe uidetur esse,
 nulla necessitas cogit, species illas Platonis introducere
 ad generandas eas animantes, quas è limo, aut re putri
 natura moliri, atque effingere consuevit: idq; uere con-
 cludi potest, quicquid naturalem ortum habet, aut

à natura planè cognomine procreari, aut certè ab eo,
quod uim naturæ talis obtineat, & proportionē sit in
dē atque illa. Verùm hæc hæcenus. Ostēdimus formā
non oriri, diximus substantiam quamque genitorum suo-
rum formam imitari: nunc quod superest, diligentius
inquiramus, utrum formæ rerum mortalium, materia
nitantur, eiusque coniunctionem necessario requirant:
an potius, ut quidam maxima authoritate philosophi
putauerunt, eius societate non ita egeant, sed ui propria
se egregie sustentare possint. Triplex igitur est substan-
tiarum ordo, primusque materiam continet, cuius na-
tura ita est difficilis ad intelligendum, ut uel prudentes,
atque acutos fallere queat. Siquidem ad sensum, &
speciem non ipsius rei pars, sed tota res existit. cum
enim lapides, & ligna nullo ordine congesta iacent, se-
que contingunt, materiā adificij futuri, eam esse intel-
ligimus: cum uerò faber ea coagmentauit, atque in
speciem domus composuit, adificium nihil aliud es-
se nisi illam ipsam materiam existimamus. quod qui-
dem exemplum physici antiquiores ab arte ad naturā
ipsam transferentes, ad ea corpora, quæ aspectu, uel
tactu sentirentur, materiam primam retulerunt, utq;
in rebus artificiosis, ita in iis, quæ natura constarent,
non formam, sed materiā, cuiusque rei substantiam es-
se iudicarunt. Alterum ordinem sibi uendicat forma,
quæ generationis est finis, quæq; ob eximiā dignitatem
natura solet appellari, tametsi materia quoq; eodē uoca-
bulo rite nūcupetur. Tertius ordo ex utroq; hoc genere
cōflatur, cuiusmodi sunt omnes illæ substantiæ, quæ tan-
guntur, & oriuntur, & cadunt. Compertum est igitur,

Et planè exploratum, nonnullas formas esse, quæ ma-
 teria carere non possint, qualem dicimus esse formã do-
 mus, quæ sublati lignis, & lapidibus nusquam manet,
 nisi si quis artem ipsam ædificandæ domus formam vo-
 cet. At hæc, & cætera eiusdem generis formæ in animo
 tantum, atque intelligentia inhaerent, quocirca neque or-
 tum habent, neque occasum, sed quadam alia ratione
 dicuntur esse, aut fuisse: animi enim cogitatio facit, ut
 sint, atque non sint. Si quæ igitur formæ sunt, quæ ad-
 miniculo materiæ non egent ad se sustentandas, eæ ni-
 mirum naturales sunt. quamobrem non malè Plato,
 qui rebus artificiosis species nullas assignauit, sed iis tan-
 tummodo, quæ natura constarent: non malè, inquam, il-
 le, si modo sunt ullæ species huius etiam generis. perspi-
 cuum enim est, quasdam formas naturales esse, quæ cõ-
 cretione materiæ sine pernicie spoliari non queant, qua-
 lis est forma capitis, & ignis, cæterarumq; rerum, quæ
 singulis substantiis conficiendis eam materiam suppedi-
 tant, quæ ultima, siue proxima nuncupari solet. Quin-
 etiam, si uerum uolumus fateri, uix ulla forma est, quæ
 sine materiæ adminiculo consistat: quod quidem ut pla-
 num fiat, illud in primis attendendum est, quæ causæ
 sint efficientes rerum, eas causas necessariò iis rebus atate
 antecedere, quas efficiant: ab illarum enim fonte motus
 ille salutaris profluit, ac uitalis, q. naturam ad pariendũ
 ciet. contrà causæ illæ, quas formas appellamus, semper
 æquales, & coæuæ iis corporibus esse consueverunt, cum
 quibus aptæ, connexæq; degunt, ut nunquam ipsis ma-
 iores natu existant, aut illa uel momento temporis ante-
 cedant. tunc enim primum bona existit ualētudo, cum

primum bene cœperimus ualere: itemq; figura globi tñc
exoritur, cum artifex globum ipsum ad uolubilitatem
rotundauit. An uerò ullæ formæ dissolutis corpori-
bus supersint, perobscura quæstio est, de quæ ea re sum-
ma semper philosophorum dissensione certatum, & in
libris rerum naturalium ab Aristotele diligentissime di-
sputatæ est; qui quidem hoc in loco prædicat, & cla-
rissima uoce promuntiat, nihil impedire, quominus ali-
qua forma post mortem remaneat, si modo anima for-
ma sit, ut profectò est: neque tamen illam omnem immor-
talem esse diat, sunt enim partes eius nonnullæ concre-
tæ, ac generatæ, quæ quidem ex ipsa materia pullu-
lant, atque radices in ea tam alte infixas habent, ut
nullo modo aut auelli, aut sine ministerio corporum
quicquam muneris fungi queant: eiusmodi sunt sentien-
di facultates & partes animæ libidinum atque irarum
æstu fluctuantes, & siquid aliud nobis ac brutis ani-
mantibus æqualiter à natura communicatum est. Has
igitur cum corporibus interire, minimè dubitandum est.
at uis illa animæ præstantissima ac diuina, quæ sapit
atque intelligit, quæq; principia & causas rerum cernit,
earumq; progressus, & cum præsentibus præterita, fu-
turaque coniungit, ea nimirum uis sine ulla dubitatio-
ne foris uenit, neque ex sordibus materiæ, sed cælo hau-
sta, atque libata est: neque in corpore ita hæret, atque in-
fixa iacet, ut sine eius ope consistere non ualeat, & sua
ui, diuina illa munera pulcherrimè obire. Quocirca mē-
tem ipsam semper integram, atque incolumem stare, ne-
que ulla mortis fata subire, constantissimè credendū est:
neque temere audiendi sunt nonnulli homines qui gra-

uisissimas cum immortalitate animorum inimicitias ge-
 runt, eiusq; opinionem cum natura hominis natam, at-
 que altam, inque illa præstantissimo Dei munere infi-
 xam, atque insitam euellere, ac radiatus extirpare co-
 nantur, perinde quasi ægerrimè ferant, uitamque parum
 uitalem putent, nisi sibi ac cæteris hominibus cum maxi-
 mo eorum incommodo, ac dolore persuaferint, natu-
 ram nostram esse totam mortalem, ac pecudum more
 deleri, ac funditus interire. Sed iam ad eum sermo-
 nem, ex quo egressi sumus, reuertamur. Ostendimus for-
 mas rerum naturalium uinculis corporum exolui non
 posse, quam ob causam non est uerendum profiteri, spe-
 cies illas, quas Plato mirabiliter amplexabatur, esse res
 imanes, atque commenticias, præsertim quæ nihil agere,
 neque ullas utilitates in rerum naturalium societatem
 conferre posse uideantur. Nam quòd natura in illas
 intuens, formas rerum corporearum soleat effingere,
 id uerò absurdum ac fabulosum uidetur. singuli enim
 homines singulos homines generant, itémque scientia
 medicinæ bonam ualeitudinem parit, atque eius pla-
 nè similitudinem gerit, ut nihil causæ uideatur esse,
 quomobrem accersamus formas illas communes, qua-
 rum exemplar in formis singulis effingendis natura se-
 quatur: similitudo enim ea, quam requirit generatio,
 in singulis rebus ipsis, ut sæpe iam dictum est, satis in-
 uenitur. Sed alienum fore non uidetur, si breuiter ex-
 posuerimus, quid de hoc uniuerso genere senserint philo-
 sophi ab Aristotele profecti, atque eius institutionibus e-
 ruditi: quæ quidè omnia, ut facilius intelligantur, facien-
 dum uidetur, ut ab opinionibus aliarum disciplinarum

sumamus exordium. Quia igitur Anaxagoræ rationem
sectamq; sequebantur, ij formas latitare existimabant,
Et cum de rerum ortu disputarent, aiebant eas omnes
in singulis occultatas esse: itaque generationē tum deum
existere, cum ex illa fortuita, Et temeraria coacervatione
res ad ordinem traducerentur, idq; munus proprium
esse eius causæ, quæ in se contineret efficientiam natura-
lem, Et confusa ac perturbata posset digerere, ex eisq;
descriptionem elegantem designare atque conficere. Ex-
orti sunt non ita longo post tempore Academici, qui sen-
tentiam Anaxagoræ oppugnarēt, formasq; rerum cor-
porearum negarent semper extitisse, illasq; dicerent ab
ea causâ, quam modo dicebamus, effingi ac creati con-
sueisse, atque in materiam inseri, causamq; illâ affirmarēt
uniusmodi, Et simplicem esse, Et ab omni materiæ cō-
cretionē secretam ac liberâ. Non defuere tamen nonnul-
li, qui eam duplicem constituerent: ut una eius naturæ
esset, quam exposuimus, eâque formandis animantibus
præfesset, quæ rem corporeâ sui similem non haberent,
unde gigneretur: altera uerò cōcreta foret, atq; tracta-
bilis, cuiusmodi est ignis ignem procreas, atq; hominem
homo. Itaque cum hæc disciplinæ tanto intervallo inter se
disiunctæ essent, Peripatetici sese illis interiecerunt, ac
mediâ quandâ rationem, ac sententiam tenuerunt, quæ
minus certe dubitationis haberet, Et ad similitudinem
ueri propius accederet. Disputant enim illi, neque for-
mas eas, quæ iam absolutæ ac perfectæ sint, è latebris
materiæ depromi: neque rursus illas, quæ penitus non
existât, à re efficiente creati, Et cum materia congluti-
nari, sed quod ex utraque hac natura constet, hoc certe

effici, ac generari promuntiāt, idq; negocium à ui mouen-
 te administrari: quæ materiā ciendo, miscendoq; , ac ul-
 tro, citroq; uersando sic afficiat, ut forma, quæ facultate
 iam inerat, ex ea extundatur, & tandem erumpat in
 actum. Non igitur apud Peripateticos conficiens causa
 ex nihilo formas fabricatur, ut apud Platonicos facit,
 aut eas foris assumptas informi materiæ adiungit: sed fa-
 cultates earum in sinu illius inclusas, ut iam dictum est,
 efficacia sua traducit ad actum, & perfectionem, at-
 que ad hunc modum res naturales constantur, quæ ex
 materia, formaq; consistāt: idq; non solum de substantia,
 sed de cæteris quoque rerum generibus sentiendum pro-
 bāt. ex quo efficitur, ut cum dicimus, rem quamque à re
 simili generari, nequaquam intelligendum sit, formas effi-
 ciētes usquequaque similes effectis esse oportere: satis e-
 nim superq; est, si uim illæ ac efficientiā teneat, quæ re-
 rum formandarum similitudinem in sese cohibeat: quā
 ob causam ignem non modo ab igne, sed etiam à motu
 uidemus excitari. Itaque cum res aliqua animatur, mi-
 nime suspicandum est, animam extrinsecus acceptā, aut
 effectam ad ipsam materiam duci, & cum ea copulari,
 sed quæ anima iam facultate in ipsa intus inesset, eā ani-
 mam per efficientiā causæ in actum erumpere, atque
 ita ex rudi, & inchoata in absolutionē perfectionemq;
 politissimam adduci. Quæ cum ita se habeant, itaq; na-
 tura comparatum sit, ut si qua res aliam rem in actum
 proferre debeat, cum ea re nonnullam similitudinem,
 ac conuenientiā habere cogatur, necesse est, uim illā se-
 minis præpotentem ac generatricem, quæ formas ani-
 mantes ac spirabiles effingit, ipsam quoque animantem

esse facultate: similiter atque domus illa potestate est, quā animo gestat architectus, quam ob causam Aristoteles eam uim arti comparare solet, quæ uis profectò res quaedam excellentissima, ac diuina indicanda est, quippe quæ uitam rebus, & iucundissimam spiritus usuram munificè largiatur, eadēque rationis ac intelligentiæ particeps esse quodammodo uideri potest, cum ingrediatur artificiose, & certam sibi metam proponat, ad quam uitalem illum suum cursum dirigat, quem persequitur usque eò, dum optatissimum animationis præmium capeßit. Vtitur autem facultas hæc diuina ministerio caloris ad spirantia simulachra effingenda, isque calor, ut memorat Aristoteles in libris de generatione animalium, non ignis, non talis facultas aliqua est, sed spiritus, qui in semine, spumosoque corpore continetur, & natura, quæ in eo spiritu est, proportionē respondens elemento stellarum: quamobrem ignis nullum animal generat, neque constitui quicquam densis, uel humidis, uel siccis uidetur: at uerò solis calor, & animalium, non modo qui semine continetur, uerum etiam siquid excrementi sit, quanquam diuersum à natura, tamen id quoque principium habet uitale. Hunc igitur salutarem calorem, ac fecundum ciet homo, & rerum omnium sol generator ac parens: quocirca hominem dicit idem Aristoteles ab homine, & sole procreari. Quinetiam ille manans à cunctis syderibus, terras & maria omnia irrorat, seq; per ingentia illa corpora infundens, ac penitus insinuans ex iis gignit ac fundit foetus uniuersos, quicunque nullo semine progignuntur. Multiplices uerò stellarum cursus, earumq; congressus

digressusq; , & propinqua aut longinqua intervalla,
disparésque item earum inter sese obtutus teporem istū,
satorum rerum atque altorem uariè temperant ac mo-
derantur , atque ad multiformes animantes figuran-
das aptum atque habilem reddunt . Neque uerò syde-
rum motiones ipsæ , ac dissimiles conuersiones non
suos duces , ac moderatores habent, qui & ipsi subi-
ciuntur libentes imperio patris sempiterni , quem qui-
dem supremam ac principalem artem, rationis & in-
telligentiæ compotem rite nominare possumus, quæ reli-
quarum artium naturæ magistra est, atque iis pruden-
tissime omnia facienda præscribit, & splēdidissima cœ-
li templa, & quatuor naturas, quæ deinceps consequun-
tur, & omnia quæ ex earum dispari temperatione ori-
untur, incredibili charitate, ac consilio regit ac guber-
nat, & infinita sapientia moderatur: utq; illa bruta &
omni specie carens materiæ infimæ moles facultate sua
res omnes mortales complectitur , seq; illarum formis
acipiendis facilem præbet: sic in illa pulcherrima &
excellentissima forma supremæ & sapientissimæ artis,
cunctæ formæ mortales immortalesq; ui, ac efficientia
rerum omnium præpotente continentur , atque ab eius
incredibili bonitate permanent , & conseruantur om-
nia , quacunque hoc latissimo cæli amplexu cohibē-
tur: ut minimè mirandum uideri debeat, si natura, quæ
non sapit , ad gignendum tamen progrediatur ratione
& uia, tantoq; ordine tamq; admirabili artificio hæc
pulcherrima opera conficiat , quæ uidemus: quippe
quam mentes illæ singulares , ac beatæ regant , mo-
ueant, gubernent. Hæc igitur Peripatetici de generatione

rerum doctissimè disputare consuerunt. Sed nos ad reliqua exponenda pergamus. Itaque causæ, & principia substantiæ, ac reliquorum generum sint eadem necne exquirendum uidetur. Nimirum si propria, & singula quæque generum principia quærimus, non eadem sunt: sin autem loquimur uniuersè, atque eā rationem sequimur, quæ ἀναλογία Græce, Latine comparatio, proportionē nuncupatur, omnium eadem quodāmodo uideri possunt. Neque tamen ea res ita perspicua, aut explorata est, quin animus diligentius expēdens maximo-
pere addubitare cogatur. Etenim admirādum accidit, si substantia, quæq; illi sunt inhærentia, ab eisdem initiis efficiātur, atque eadem elementa, & tanquam semina habeāt, unde generentur, atque nascātur. Ut enim reliqua genera missa faciamus, quam necessitudinem, aut congnationem habere possit substantia cum iis, quæ Aristoteles τὰ πρὸς τι, nostri autem philosophi uulgo relatiua appellāt, at Cicero elegantius, sub eandem rationem cōdētia usurpare ac nominare consueuit: quid igitur substantiæ cum iis rebus? Nempe illa per se ipsa, & sua spē consistit, hæc usque eo imbecilla atque exili natura sunt, ut cogitatione potius depingi, & ab animo informari uideātur, quàm in rerum natura locum aliquem habere. Quòd nisi beneficio reliquorum accidentium substantiam attingant, atque ad illam eo modo annitātur, in nihilum profectò recidāt. Agge uerò si ab eisdem initiis cunctæ res ortum habent, cuiusmodi oro illa existunt: an in ordine decem summorum generum collocātur: an potius excedunt extra, & illa antegrediuntur? Scilicet elementa solent iis semper antire, quæ consti-

tuunt: At nihil decem illis generibus est prius, atque adeo quicquid rerum usquequaque est, eorum uniuersitate continetur. At neque substantia elementum est eorum, quæ cum aliquo conferuntur, rerumue cæterarum, quæ in illa adhærescunt, multoque minus illa substantiam generare queant. primum enim initia, quæque ab iis permanent, in eodem genere semper inesse oportet: deinde substantia in naturas accidentium solet interire: quicquid enim dissoluitur, in sua elementa dissipatur: non igitur rerum omnium eadem principia sunt ponenda. Iam uero nihil suimet origo et principium est, sed alia semper sunt elementa, atque ea quæ ex iis temperantur: uidemus enim inter Socratem multum interesse, et illa quatuor corpora, unde ipse concretus factusque est: sint igitur oportet natura diuersa decem summa genera, eorumque principium, at illa cunctas naturas amplectuntur, non est igitur decem generum unum idemque elementum. Ex hoc etiam apparet, Platonicos in maximo errore uersari, qui existiment unum, atque ens rerum omnium esse elementa. si enim uera loquantur, coguntur isthæc duo in iis omnibus inesse, quæ construuntur ex ipsis. ut igitur a, et b, plurimum differunt ab ea syllaba, in qua insunt, quamque constituunt: ita longe discrepabunt unum, et ens ab iis omnibus, quæ ex eorum copulatione constantur: quocirca neque substantia, neque qualitas, neque quicquam aliud eorum, quæ decem generibus subiciuntur, ens erit, atque unum. Quæ uero fieri potest, ut hæc duæ res, quæ sunt communes animi notiones uniuersitatem rerum continentes, fiant elementa earum rerum, quæ sub aspectum et tactum cadunt?

Nullo igitur modo concedendum uidetur, aut ens, atque unum, aut alia quæpiam communia rerum esse principia, ex quibus omnia fluant atque construuntur. An, ut initio huius disputationis dicebamus, tum eadem, tum alia, & diuersa sunt: uidentur certe comparatione ac proportionem eadem esse, specie uero plurimum discrepare: idque ita esse, primum in iis causis ostendemus, ex quibus natura cuiusque rei constat. Compertum est igitur, res omnes mortales ac caducas, ex forma & priuatione, ac materia confici: ueluti corporum, quæ sensibus percipiuntur, forma fortasse uis caloris est: priuatio, frigoris natura: materia uero ea res, quæ primum ac per se ad hæc accipienda potestatem habet. Diximus autem dubitanter, uim caloris & frigoris formam & priuationem esse rerum corporearum, propterea quòd re uera eiusmodi non sunt: tanetsi non mediocres philosophi id affirmarint, nos autem illustrandæ quæstionis causa isthæc exempla usurpamus. Itaque si uis caloris ignem atque artem informet, uis autem frigoris, quam priuationem appellauimus, aquam & terram constituat: nimirum utraque hæc natura, itémque materia substantia existat, necnō etiam quatuor prima corpora, quæ ex iis conficiuntur, itemq; si qua sunt alia, quæ ex ui caloris & frigoris commista & temperata consistant, cuiusmodi carnem atque ossa uidemus existere. Hæc uero differunt à corporibus simplicibus, quia illa & materias & formas uniusmodi & simplices, hæc easdem permistas atque concretas habent: ex quo existit substantiarum corporearū eadē quidem esse principia proportionem, eaque omnia inter se comparari:

*Specie tamen esse disparia, longeq; disiuncta. Ex iisdem
 igitur principiis, atque elementis quodammodo cunctae
 substantiae generantur, reliqua uero genera summa, quae
 deinceps consequuntur, atque illarum adminiculo consi-
 stunt, aliis praedita sunt initiis, maximeq; diuersis, quae
 tamen proportionem redduntur eadem, quae substantia-
 rum: ut enim in primo rerum genere, sic in ceteris omni-
 bus tripartito principia distribuuntur: in formam, pri-
 uationem, atque materiam. sed harum rerum in uno-
 quoque genere longe dissimilis est ratio, & natura: in co-
 loribus enim, qui ad qualitatem referuntur, albus est for-
 ma, ater priuatio, materia summum corporis, quod ad
 omnes colorum uarietates accipiendas facultatem habet.
 Item in distinctione temporis lux formae locum tenet,
 tenebrae priuationis, aer materiae: ex quibus certe initiis
 dierum nocturnumq; uicissitudo incunda, & salutaris or-
 tum habet. Enimvero causae, quas adhuc commemora-
 uimus, sunt insitae in rebus, atque intus inclusae: sed aliae
 reperiuntur, quae non haerent, aut insunt: qualis est ea,
 quae uim efficiendi habet. Perspicuum est igitur, princi-
 pium ab elemento plurimum interesse: nomen enim alte-
 rius in omnia genera causarum patet, alterius in iis so-
 lum ponitur, quae partes rei sunt. Proinde fundamenta
 domus, tum principium dicimus, tum elementum: archi-
 tectum uero non elementum domus, sed principium rite
 nominamus. Sunt igitur elementa rerum tria comparatio-
 ne, quae iam saepe dicta sunt nobis: principia uero in
 quatuor genera secantur, materiam, formam, priuationem,
 uim mouentem: neque uero eadem sunt omnium re-
 rum, sed sua propria cuiusque: ut in animalibus, exempli*

causa, forma est bona ualētudo, morbus priuatio, materia corpus, scientia medicina res efficiens. In aedificiis eundem ordinem habent: certa domus descriptio, et contraria confusio, lateres, aedificandi ratio. Et nomen quidē primāpū isthac omnia comprehendit. Iam uerō singula res à similibus efficiuntur, ut supra disputatum est: in naturalibus enim hominem generat homo, in artificiosis item forma, quae animo ac mente opificis comprehensa est, formam sui similem effingit: ex quo sequitur, formā esse effigiem quandam, et simulachrum efficientis causae, et primāpia tum in quatuor genera dilatarī posse, tū in tria coarctari: idq; ex eo, quod forma et uis efficiendi numero dissideāt, specie coniungantur. cōstat enim medicina scientiam quodammodo ualētudinem esse, itemq; aedificandi rationem aedium formam: et in iis, quae natura gignuntur, semen hominis quodammodo est homo. Quid uerō si falsum sit, effecta cum efficientibus similitudinem habere, eorumq; imaginem ac speciem gerere? quae enim similitudo serrae apparet in sectione, quam efficit illa! an serra instrumentum est, causa uerō efficiens est ipsum exemplar sectionis, quod in animo, atque in mente artificis impressum haeret! Itaque ut ueritas eius sententiae cōsistat, quae profitetur, ē similibus omnia gigni, atque fingi, excludenda sunt ab ea instrumenta omnia causarum, item fortuna, et casus: neque omnes quidem causae efficiētes retinēda, sed propiores tantum, et quibus aliqua cum rebus effectis uicinitas est, longinquitas enim dissimilitudinem semper affert. Nos autem de genere causarum mouentiū adhuc locuti sumus, quae effectis propinquae, et finitimae sunt: sed reliqua est nobis

illa causa excellentissima, & sempiterna, quæ à cuncta natura corporea longissime abest, quæq; omnium causarum principatum obtinet, atq; uniuersitatem rerum ui sua saluari ac præpotenti mouet ac gubernat, de qua nobis hæc omnis disputatio suscepta est. Videmur quidem satis ostendisse, principia decem summorum generum eadem esse proportionem, nunc alia uia ingrediendum est, ut doceamus à primo rerum genere quasi à fonte omnia manare, & quibus ex initis substantia nascatur, ex eisde cætera, quæ ex illa apta sunt quodammodo progigni. Etenim cū rerum aliæ sint separabiles, & quæ suis sese uiribus sustineant: aliæ neq; separari, neq; ui sua nullo adiuuante niti queant: perspicuum est, priore genere substantias contineri, posteriore uniuersam naturam accidentium: affectiones enim, motusq; & cætera eius generis, substantiarum adminiculum requirunt: & nisi ad earum naturas annituntur, in nihilum continuo intereant. Ut igitur ex suis initis substantia, ita ex ipsis substantiis accidentia sunt apta: quibus positis conficiatur, accidentia q; sint, q; esse dicantur, q; in rerum natura incolumia, ac salua conseruentur, id omne à substantia principis habere. Quid uerò si non omnes substantia ab accidentibus separabiles sint? qui enim accidere potest, ut quæ concretæ, atque tractabiles sunt, eæ incolumitatem, ac salutem retineant, nisi accidentium natura præstò sit, quæ materiam in officio contineat, illamque aptam, atqueabilem conseruet ad formas earum sustinendas, ac tuendas? num igitur solitariae, ac secretæ sunt illæ tantum, quæ non oculis, sed intelligentia, atque animo cernuntur? Sed ad propositum reuertamur. Ostendi-

mus, substantiam esse principium reliquorum generum.
nunc roget aliquis, à quibus ipsa initiis fluat. Num igitur ab anima, & corpore: an potius à corpore, mente, appetitione? Nimirum cum substantia bipartita sit, & unum genus animantes, alterum naturas inanimatas, atque mortuas comprehendat, ratio postulare uidetur, ut eius principia ponamus primum animata, ne res animales ab inanimatis efficiantur: deinde immortalia ac sempiterna, qualis est globorum caelestium natura, quam Aristoteles animatam putat. Quæ si uera sunt, corpora illa sancta cohibent ipsa quidem in sese mentem, atque intelligentiam. eamque uiam, quam Aristoteles ὁπερ ἐν, nos appetitionem appellamus, cæteras uero partes animæ neque habent neque desiderant: quippe quæ ad salutem, & conseruationem corporum fragilium, & caducorum à natura sunt constitutæ. Ea re factum est, ut cum diceremus, initia substantiæ esse animam atque corpus, continuo quasi nosmetipsos corrigentes adderemus, ea potius esse mentem, appetitionem, corpus: nequem uidelicet ea uerba in illum errorem inducerent, ut audiens, animam esse principium, existimaret, omnes animæ partes in globis caelestibus collocatas esse. Verum quod supra disputabamus, à principijs, quæ essent eadem proportionem, decem summa genera proficisci, id aliam ingressi uiam, atque alijs usi argumentis confirmare possumus: eiusmodi enim principia sunt actus, & facultas, quæ omnia quidem comprehendunt, sed ita, ut diuersa sint, & alia cuiusque generis, atque alio modo. neque enim aut una est ratio cuiusque actus, & facultatis, ut paulopost uidebimus: aut idem actus exempli causa, eademque fa-

cultas est principium substantiæ, & qualitatis. Hæc autem duo esse initia rerum omnium, id euidenti argumēto esse potest, quod unaquæque res modo actu, modo facultate est, ut uinum, caro, homo. Verum nequis hac oratione inductus existimet, principia rerum esse plura quatuor, si iis, quæ supra enumerauimus, accesserint actus, & facultas, attendendum est, hæc duo ad materiã, formã, priuationem & uim mouentem commodè, atq; appositè referri, ac reuocari posse. forma enim si separabilis à materia sit, actus planè est, itemq; id, quod ex utraque natura consiit. Quin etiam priuatio est quodammodo rudis actus, & inchoatus: ut tenebræ, & qui ægra uale tudine sunt. Materies autem facultas est, quippe quæ habilitatē habeat ad formã accipiendam, similiter atq; ad priuationem. Apparet igitur, quæ principia sex uidebantur, ea plura quatuor non esse. Proinde quæ neque materia, neq; forma inter se consimili sunt, ea nimirum facultate pariter, atque actu differre cōsue runt, quod exempli appositione perspicuum ac planum fiet: constat enim, materiam hominis esse ignem, & reliqua elementa: formã, animam ipsam: causam uerò, quæ efficienter antecedit, bipartitam esse: ut altera propinqua & finitima sit, qualis est pater: altera sit longinqua & procul remota, cuiusmodi est sol, & signifer orbis: hæc igitur duo, ut nihil in sese cohibent affine, aut simile materiæ, ac formæ, & priuationis, ex quibus homo cōstat: ita facultatem nacta sunt, atque actum longe disparē, plurimumq; distantem. Illud præterea scire oportet, cum aliæ causæ communes sint, aliæ singulorum propria, uera initia rerum ad secundum genus reuocanda

esse, ut singuli actus, singulaq; materia sine causa primæ
cipales. Primum enim res singula, ac indiuidua tametsi
ratione ac intelligentia posteriores sunt naturis commu-
nibus ac uniuersis, re ipsa tamen antegrediuntur, ut ab il-
lis oriri non queat. Deinde fallitur maxime, si quis putat
communem aliquam formam extra animum, ac mentis
informationem consistere. Postremo sic à natura cõmu-
nibus communia effici par est, ut à singularibus singu-
laria fieri uideamus. Socratem enim generat Sophroni-
scus & Phænareta, & Achilles Peletatu Thetidisq;
cõceptu editus est: at communis homo nullus existit, nul-
lā igitur formā communem, hominis effectricem in re-
rum natura esse, perspicuum est. Hominem tamen dici-
mus ab homine procreari ob eam rem, quòd tu, ac pa-
ter tuus homines sitis: similiter atque statuam à fectore
dicimus fieri, propterea quòd Phidias Iouem Olym-
pium, aut Minervam fingat. Quòd autem accidere di-
cebamus principiis decem summorum generum, ut in-
ter se natura dissiderent, tametsi intercedente propor-
tione, quæ magna rerum cõaliatrix est, societate coniun-
gerentur, id ipsum scire oportet in eisdẽ generibus eue-
nire singulatim: ut in quoque aliæ rerũ aliarũ sint cau-
sæ, atque elementa. nam, uerbi gratia, in primo diuersis
è principiis efficiuntur homines, atq; equi. Sunt etiā cau-
sæ, quæ specie sese attingat, numero distinguantur. nume-
ro enim alia est tua materia, atq; mea: item forma, ac uis
mouens: hæc tamen omnia proportio, ac uniuersa ratio
tam arte conciliat inter sese, ut non modo societate coi-
re, sed etiam eadem penè fieri uideantur. Ut igitur
huius disputationis summam breui colligamus, si quis

roget, eadem rerum principia sint, necne: respondendū
 erit, illum eadem omnium reperturum, si rationem cau-
 sarum uniuersam animo contempletur: sin autem singu-
 la initia rerum persequi malit, multiplices planè, uariā-
 que materias, ac formas, & priuationes eius animo se-
 se oblaturas esse. Dicendum est etiam, initia cuncta pro-
 portione inter se apta, colligatāque esse, eadēque exi-
 stere quodam modo: propterea quod exēpli causa sub-
 stantiæ forma ad ipsam substantiam habet eandem cō-
 parationem, quam habet qualitatis forma cum sua qua-
 litate: quod idem de materia, & reliquis principijs om-
 nino sentiendum est. Quid uero, quod sublato primo
 genere summo, nouem reliqua tolluntur: ut minime cun-
 ctandum sit profiteri, initia substantiæ quasi fontes ali-
 quos perennes, ac redundantes esse, unde omnia orian-
 tur, ac fluant, quæcunque natura rerum capit, & con-
 tinet. Ex quo factum est, ut non modo Aristoteles uir
 iudicio atque ingenio diuino, sed etiam superiores phi-
 losophi arbitrarentur, si ad primas causas substantia-
 rum indagando peruenirent, se primordia omnium re-
 rum inuestigauisse. Iam uerò etiam causa rerum efficiē-
 tes, quæ priores effectis, & cum iis penè continua-
 tæ ac coherentes, omnes inter sese comparari solent, &
 quasi eadem proportionis causa iudicari. In primis ue-
 rò contraria, & aduersa in natura rerum caducarum
 nomē sibi principiorū uendicarūt, formā dico, & priua-
 tionē, quibus planè subiiciēda est materia, in cuius gre-
 mio illa uiuissim cōquiescāt. Ea uerò neq; genere sunt ea-
 dem, neq; ex toto dissimilia, aut diuersa, sed inter utrū-
 que extremum interiecta mediū quēdā locum obtinet,

atq; inter se ea, quã sæpe usurpauimus, proportionẽ cõd-
liante copulantur. Quæ principia rerum corporearum,
& quot numero essent, & quo pacto tum eadem, tum
diuersa forent, satis est dictum nobis: quãobrem
harum rerum disputatio hunc habeat finem: iam enim
maiora nos uocant, iã acies ingeni est acrius intendẽda,
& dimissa omni cõcretione mortali, & quicquid in cer-
nendi, aut tangendi sensum cadit, ad ea, quæ uix ani-
mo, & ratione, aliqua ex parte comprehendì possunt,
summa cum reuerentia, & castimonia accedendum
est, deque Deo, ac ceteris mentibus singularibus, ac sem-
piternis oratio est suscipienda. Quòd si poetæ regum
mortalium bella scripturi Apollinem, & Musas inuo-
care consueuerunt, quæ suis orsis successus prosperos
dent, quanto magis nobis faciendum est, ut de immor-
tali regum rege sermonem habituri, eius ipsius auxi-
lium pie ac suppliciter imploremus: Adsis igitur ô Di-
uûm, atque hominum Pater & uniuersa natura san-
cte procreator. Tu certè homini naturã cõpotẽ rationis
ac cogitationis ea re impertisti, ut tuã immensã potesta-
tis, atque sapientiæ, ac bonitatis simulachrum in terris
existeret, utq; cum ceteræ animantes uentri, pabulõ-
que seruirent, ille in tui muminis maiestate suspicien-
da, & prædicanda omnem suam uoluptatem, om-
nem operam, mentem denique omnem collocaret, tẽ-
que pie colendo, & assiduè contemplando summũ bo-
num consequeretur. Da igitur pater, ut quando ne-
mo mortalis præstantissimam tuam sapientiam, ac bo-
nitatem neque dicendo, neq; cogitando assequi potest: da
saltem, ut nihil de te absurdũ, nihil tuo cultu alienũ, aut

impiū meditemur, aut loquamur, nōsque ab omnibus ui-
 tilis, & maculis integros, castōsque conserua, ut in hu-
 manis corporibus uitam cālestē imitari, & eādē mem-
 brorum uinculis relaxati in conālium mentiū beatariū,
 & in sedem illam tuam, ac aternam domum peruole-
 mus, ubi perfectam augustissimi numinis tui sāctiam cō-
 sequamur. Primāpio substantia tripartitō distribui-
 tur: Tñ in corpora mobilia, & caduca: Tñ in ea quæ
 in motu quidem sunt, uerum continenti ac sempiterno.
 Tertiū genus est earum substantiarum, quæ sunt om-
 nis motionis expertes, & ob eā causam naturales appel-
 lari nō possum. De hoc genere deinceps oratio nobis est
 habenda. Necesse est igitur substantiam aliquam perpe-
 tuam, atque immobilē existere: ut enim supra explicā-
 tum fuit, substantiæ reliqua omnia rerum genera antecē-
 dum, sublatis autem primis, ea quæ ex ipsis apta consi-
 stunt, pariter concidant oportet. Quocirca si nullius sub-
 stantiæ uita perennis existat ac sempiterna, sed omnes
 mortali sint conditione, uniuersa atque omnia profe-
 ctō sunt caduca, & curriculum uiuendi nacta, quod
 certa temporum circumscriptio metiatur. At fieri non po-
 test, ut motus habeat ortum, aut occasum, semper enim
 fuit, neque item temporis ullum primāpium esse potest,
 aut extremum, nullius enim rei generatio, aut interitus
 sine prioris, & posterioris notione comprehendī potest.
 itaque si tempus natiuum sit, antea non erat, postea ex-
 titit: contrā si mortale est, pōst non erit, cum prius exti-
 tisset. Atqui neque prius, neque posteriū sine tempore
 constare possunt, nihil enim aliud est tempus, quā mē-
 sura prioris, & posterioris in motu. Itaque si tempus,

oritur, tempus erat aliquod, cum nullum tempus esset: si
occidit, tempus erit nullū, cum iam nullū tempus fuerit:
quæ quidem in cogitationem si cadere non possunt, tē-
pus certe nullo est generatum ortu, nulloque mortis fato
perimitur. Iam uerò tempus aut motus est, ut nō minūtī
quidam philosophi putauerunt: aut certe mensura ip-
sius, ut planum fecit Aristoteles in scientia rerum natu-
ralium. proinde cum res altera distrahi non possit ab
altera, necessitas cogit, uel neutram esse perpetuam, uel
utramque: motus igitur perennis est, ac sempiternus: non
tamen omnis, sed is, qui ad locum pertinet, atque ex eo
genere sola globorum in se per sua uestigia replicata cō-
uersio: quibus de rebus copiose disputatum est in physica.
Hæc Aristoteles. Sed authoritas grauissima religio-
nis, & literæ sanctæ mundum esse natium, & ab in-
finita bonitate Dei ex nihilo creatum fuisse, clarissima
uocæ proficetur, quarum testimonio fidem non habere,
nefas profectō, atque impium duco, tametsi neque argu-
mentis, neque rationibus ullis earum sermo cōfirmare-
tur. quo quidem de genere uniuerso planè faciendum uel
datur, ut pauca semel exponamus: animaduerti enim
eos homines, qui sese ad studia literarum, & libros le-
gendos dedissent, in tria potissimum genera distractos
esse: nonnulli enim cum in libris Aristotelis pauca quæ-
dam reperirent, quæ à sanctitate religionis abhorre-
rent, philosophiam quasi certam animorum pestem ex
societate hominū exterminandā, atq; illi aquā, & ignē
interdicenda putauerunt. Hoc hominum genus acerrimè
reprehendit uir sanctissimus Gregorius Nazianze-
nus, cōsque appellat σκαίους καὶ ἀπειθεύτους, id est ru-

des, & imperitos: atque illos dicit omnes sui similes esse cupere, quo in multitudine minus sua appareat insipientia. Nonnulli contra, diuinum Aristotelis ingenium, & uberrimam cunctarum rerum scientiam usque eò sunt admirati atque amplexati, ut nihil neque uerum neque probabile iudicarent, quod ab eius institutionibus & disciplina discrepasset: dumque sapientiam humanam diuinæ antepomunt, ad eam insipientiam perducti fuerunt, ut religionem, superstitionem: literas sanctas, fabulas auiles existimarent. Quin etiam reperiuntur homines adeo stulti & arrogantes, ut cum uix primis, ut dicitur, labris gustarint philosophiam, sese religionis hostes profiteantur, quo uiri sapientes, & ueri, ac germani Peripatetici existimentur. Tertium genus intermedium, & quasi temperatum est eorum hominum, qui ad percipiendam Aristotelis doctrinam elegantissimum, ac salutare iudicium adhibentes, pauca illa, quæ religioni aduersabantur, prudentissimè repudiarunt: & innumerabilia ferè, quæ ad usum uitæ necessaria, & ad agnitionem animi pulcherrima esse uidebant, non minus sapienter approbarunt, ac retinuerunt: & cum philosophiæ studium cum literis sanctis cõiunxisent, incredibiles utilitates, & maximum decus religioni sanctæ attulerunt. In hoc genere apud Græcos in primis floruerunt Basilus magnus, & duo Gregorij, Nyssenus alter, alter Nazianzenus: apud Latinos multi quidem, sed ante omnes sine ulla controuersia Thomas Aquinas uir sanctitate morum, & literarum gloria præstantissimus: qui profecto, si disciplinam Aristotelis contempnisset, pulcherrima illa monumenta nobis non reli-

quisset, quæ tendentibus ad cognitionem sapientiæ splē-
didissimum lumen præferunt, atque in sacraria rerum
diuinarum abdita, & penetrabilia, tuto ac facili itine-
re perducant. Horum uestigijs ingressi sunt ætate no-
stra duo clarissima lumina Italia Ioannes Picus philo-
sophus excellentissimus, atque ingenio, & literarum ua-
rietate cum omni ferè antiquitate comparandus: &
Gaspar Cōtarenus, qui hodie maxime floret, homo per-
fectus, & politissimus omnibus maximarum artium di-
sciplinis, quibus tantum decus religionis, & reliquarum
omnium laudum cum summa uniuersæ Italiae admira-
tione coniungit, ut cum in eo uiro præstantissima doctri-
na cū sanctitate singulari contēdat, utri palma sit deferē-
da, non facile diiudicari possit. quarum uirtutum amo-
re incensus PAVLVS III. Pontif. Maxim. ui-
rum clarissimum nuper in summorum antistitem colle-
gium cooptauit, charissimumque, & amore coniunctis-
simum habet. Ex quo perspicuum esse potest, principes
docti & intelligentes quid præstent principibus idio-
tis & imperitis. Horum ego summorum uirorum imi-
tatione contentus disciplinam Aristotelis mirabiliter am-
plector, sed ubi parum illi cum theologia nostra conue-
nit, philosophiam defero, religionem sequor, & im-
mortali Deo gratias immortales ago, qui earum rerum,
quæ intelligentiæ à sensibus profectæ uim effugebant,
cognitionem ipse nobis sua benignitate impertuerit.
Proinde siquid usquam in his disputationibus non ita
pium, aut religiosum uideatur incidere, neminem certe
suspiciari uelim, ita nos sensisse, sed Aristotelis sententiā
enodare uoluisse, cuius librum interpretandum suscepis

sensus ob multas admirabiles, & maxime fructuosas
 quæstiones, quæ in eo doctissimè, atque acutissimè ex-
 plicantur. quæ quidem in re nos secutos esse exemplum
 viri sanctissimi Thomæ Aquinatis, profectò nunquā
 poenitebit. Neque tamen ea conclusio, quam philoso-
 phus affert ad æternitatem mundi confirmandam, tam
 explorata uideri potest, ut neque redargui, neque con-
 futari queat. non enim qui temporis aliquod tum prin-
 cipium, tum extremum esse dicit, naturam prioris &
 posterioris reipsa introducit, sed eam tantum cogitatio-
 ne depingit. Etenim ut isthæc duo uocabula tempus so-
 uare uidentur, ita nulla alia huic uerbo extra subie-
 cta notio est nisi locorum. num igitur cum dicimus, ex-
 tra calum nullum esse corpus, cogimur, locum ali-
 quem extra mundi terminos ponere uerum atque ex-
 pressum, ac non potius animo fictum atque adumbra-
 tum? Neque uerò non scio, quid soleant Peripatetici
 ad hæc respondere, sed longa est disputatio, nōsque
 iam nimium saepe ab ea breuitate discedimus, quam no-
 bis proposueramus, & religio nostra satis diuinitate
 sua munita est, cuius tanta est authoritas apud homi-
 nes sanos ac pios, ut argumenta & omnes rationes phi-
 losophorum, eius gravitate præponderentur, nullā-
 que alia nota & regula tam certa reperiri possit, quæ
 uerum à falso internoscatur. Caterùm theologi sunt, qui
 sublata motus æternitate, tamen nihilominus necessario
 demonstrari posse asseuerant, substantiam esse aliquā
 & primam, & sempiternam, & omni materia uacan-
 tem. Si enim mundus, aiunt, est aliquo generatus or-
 tu, aliqua certe natura antecessit, quæ illum moliretur,

Et procrearet: quæ si natiua sit, Et ipsa generatorem suum habeat necesse est, atque ita aut series infinita causarum continuanda erit, aut ad aliquam substantiam ueniendum, quæ prima, atque æterna, Et ab omni facultate uacua existat, Et ob eam causam omni quoque cōcretionē libera sit, Et simplex. Hæc theologi, sed phisicis magna est cū illis hæc de re turba, atque rixa: quæ dimittenda est, ut aliquando ad explicandam sententiã Aristotelis reuertamur. Aeternitas motus aditum nobis dedit ad inuestigandam perpetuitatem substantiæ: idem, cuiusmodi illa sit, aliqua ex parte nos docebit: si enim sempiternus est, nullaque uetustate labefactatur, neque ad senectutem, interitumque compellitur, necessario aliqua existit natura, quæ illum semper, atque continenter aiet: hanc igitur non satis est mouendi, ac efficiendi habere potestatem: accidere enim solet, ut quæ facultatē aliquā habent, ea non semper utantur. Hæc sane Plato si cū animo suo diligentius cogitasset, liquidò uidisset, species illas suas commentitiū quiddā, atque inane esse. quo enim substantiæ illæ, quāuis sempiternæ, si nullam uim mutandi habent: at quam habere possunt, cum naturæ sint communes, atque uniuersæ: quid formæ illæ mathematicæ Pythagoreorum: nonne sunt eodem in errato, quo ea, quæ à Platone finguntur: Valeant igitur Et hæc, Et illa: quando motū extinguī necesse est, nisi aliqua substantia sit illum efficiens, Et globum celi æterna uolubilitate conuersans. Neque tamen ad motus immortalitatem hoc satis est putandum, sed ab eius causa facultas omnis procul amandanda est, quo illa sit actus simplex, Et planè integer, atque syn-

cerus. nam siquid facultatis in eius substantia insit, sine dubitatione illam mortalitas consequetur. quicquid enim potestate est potest non esse, & deletur ad extremum, atque non existit: quando nulla facultas est, quæ non erumpat aliquando in actum. nihil enim in rerum universitate cassum, aut inane est. Et quoniam materia facultatem rebus adiungit, quæ substantiæ facultatis omnis expertes sunt, eas esse oportet mentes simplices, & uniusmodi, immobilēsque nulla materia adiuncta: alioqui quomodo sempiternæ erunt? at esse tales necesse est, si motus & tempus nullis terminis circumscribuntur, sed immensum vitæ stadium currunt. Ita quæ posita æternitate motus, necessario demonstramus, aliquam substantiam immortalem ac sempiternam esse, quæ motionem continentem ac perpetuam cieat, quæque sit actus merus & simplex, & ob eam causam ab omni materia ac potestatis admittance uacua atque pura. Sequitur item, Platonis ideas inanes esse, ac superuacaneas, quæ nullam efficientiam in sese cohibeant, neque ad continuandum, & perpetuandum motus cursum aliquid nauent, aut laborent. Sed mirabile accidat alicui, si principium rerum omnium sit actus, qui tamen à facultate uideatur anteiri. neque enim ista recipiantur, ut quemadmodum efficientem necesse est posse: ita retrorsum uicissim, qui possit, semper efficiat. ex quo sanè fit, ut facultas actum antecedere uideatur, non aliter, quàm animal prius homine dicimus ex eo, quòd omnis homo est animal, nō autem omne animal est homo. Hæc si uera sunt, aut primū rerū principium non est actus, aut ipsius aliqua origo: ex facultate

enim procreabuntur uniuersa, Sed quid hoc esse potest
absurdius? usu enim uenit, ut res existere illæ quidem
possint, necdum tamen existant: quòd si primæ substan-
tia non sint, nihil profectò rerum cæterarum erit, quæ
ex ipsis manant. Quamobrem neque ueterrimi illi poe-
tæ, qui theologi numerabantur, sunt audiendi, qui ad
generationem mundi nullam uim mouentem adhibue-
runt, sed noctem rerum omnium parentem esse memo-
rarunt: siue illi materiæ, siue nihilo per quandam signi-
ficationem nomen noctis tribuerent. Neque rursus pro-
babile quicquam dicunt physici, quorum est opinio, uni-
uersa, atque omnia à principio in unam rudem molem
atque informem confusa fuisse, quod Græce dicitur $\chi\alpha\omicron\varsigma$,
& facultatem omni actu antiquiorem extitisse. At qui
uidere poterant, neque cementa, neque ligna nullo fa-
bro adhibito aut architecto, ædificationem aliquam
moliri: neque foeminam, sui seminis materia conten-
tam esse ad foetus procreandos: terram item parturi-
re, arborésque ac stirpes progignere, uariâsque funde-
re fruges ac fructus, cum grana atque semina concepis-
set. Hæc igitur flagitia quidam ut uitarent, actus ater-
nitatem approbarunt, in quibus est Leucippus, & Pla-
to, qui asseuerant, motum semper extitisse. Alter enim
in Timæo narrat, Deum, posteaquam sua præcellenti
bonitate adductus mundum gignere constituisset, mate-
riâ sibi assumpsisse fluctuantem, seque immoderatè iactâ-
tem, quam elegantissime digesserit, & ad eam, quam cer-
nimus & admiramur, speciem ac descriptionem per-
duxerit. Alter immensa quædam, atque infinita regio-
num spatia depingit, per quæ innumerabiles atomos

ad infinitum tempus uolitantes facit, quarum fortuita con-
 cretione innumerabiles mundi existant, qui singulis tem-
 porum momentis alij oriantur, alij cadunt. Sed graui-
 ter peccant Leucippus & Plato, qui ne uerbum qui-
 dem de iis, quæ totam motus quæstionem continent,
 quinam ille sit, multa enim sunt genera, aut quamobrem
 existat, cur item quædam hoc, quædam illo motu ciean-
 tur. nihil enim profectò iudicandum est temerè cieri, sed
 sua cuique causa semper est præstò. itaque lapis directò
 in inferiorem locum natura fertur, externa uis & pul-
 su in superiorem: at ignem contrà uis ad terrā trahit,
 natura in sublime uehit. Quid mens? nōne hominum
 corpora uariè moderatur, ut modo sursum, modo de-
 orsum illa ferantur: nunc anteuersus, aliàs retro!
 hanc eandem uim obtinet in aliis animantibus ea uis
 animæ quam Græci ψυχήν uocant, quòd tanquam
 in tabula, sic in ea species, & imagines rerum sensibus
 haustæ insculpantur, unde memoria oritur, & maxi-
 mæ utilitates ad degendam, & tuendam uitam con-
 sequuntur. Dicendum etiam illis erat, cuiusmodi es-
 set primus motus: magni enim interest, naturæne, an uis
 illum efficiat. Sed quanquam de tanta re nos celatos es-
 se uoluerunt, facile tamen sponte nostra inuestigare pos-
 sumus, quid illis placeret. Cum enim ante originem re-
 rum & molitionem mundi, motionem illam turbu-
 lentam atque immoderatam introducunt, quæ possint
 aut sibi, aut alteri probare, illā naturalem esse: at quid
 excogitari potest absurdus, quæ qui motus contra naturam
 sit, ut is motum naturalem antecadat! Neque uerò Pla-
 tonem tueri potest anima illa mundi, quam seipsam,

agitare dicit, & reliquis esse principium mouendi, hæc enim unâ cum calorum natura est, ut agitationem illam inordinatam excitare non potuerit, quæ naturam rerû uniuersam antegressa est. Quid igitur de actu, & facultate sentiendum est: ecquid utramque rem altera tum priorem esse, tum posteriorem: scilicet in singulis naturis rerum orientium, atque cadentiû facultas anteit, subsequitur actus: sed quoniâ ex facultate nihil ad actû adduci potest nisi per actum aliquem externû, rursus necesse est, illâ subsequi, hunc antecire: forma enim Sophronisci prior est Socratis facultate. Sed in libro nono huius operis copiosè explicatû est, quomodo actus tẽpore, definitione, natura, perfectione facultatem antecadat. Hanc nostram sententiam ueram esse confirmat Anaxagoras, qui mentem rebus omnibus antiquiorem facit, est enim mens actus: item Empedocles, qui loco mentis pacem, & discordiam ponit: confirmant denique omnes, quicunque motum perennem esse, ac sempiternû asseuerant, ut Leuæppus, & Plato. Itaque in maximo errore uersatur opinio eorum, qui noctem, aut informe illud chaos, iactant immumerabilia secula ante actum & motum extitisse: uiciâsitus enim generationis & interitus semper fuit, & ad immensa seculorum spatia propagabitur uel eo modo, quo scribit Empedocles in suo poemate dicens, aliquando pacem uniuersitatis imperiû obtinere: illamque tam arctam inter elementa omnia necessitudinem conglutinare, ut infera superis permiscerantur, atque uniuersa inter sese incredibili temeritate confundantur, unde perniciēs, & interitus naturæ consequatur: quæ longo intervallo ad uitâ reuocetur & ui-

geat, cum discordia suam aduersariam de imperio de-
 turbarit, & elementa inter se alienata sua quodque do-
 micilia repetiuerint: ita antiquum cali ornatum reuiu-
 scere, & ignem, & maria, atque aerem, terrásque ite-
 rum florere. Aut igitur hoc modo alterum rerum or-
 tum, atq; obitum perpetuari necesse est: aut, quod proba-
 bilius uidetur, uniuersa natura quatuor corporũ primo-
 rum ipsa quidem incolumis atque inuolata permanet,
 eius uerò particula uiásiim oriuntur & cadunt: dumq;
 perpetuò cuncta sursum ac deorsum commeant, rerum
 generatio & interitus circuitum conficiat, & quasi orbẽ
 quendã. ex terra enim humor, ex humore nascitur aer,
 ex aere ignis: & deorsum uersus ex igne aer, ex aere
 oritur humor, ex humore terra ultima. atque eadẽ cer-
 te ratio est eorum quæ ex iis quatuor naturis constant,
 eodẽque illa cursu & conuersione circum sese torquẽ-
 tur, dum ex homine fit semen, ex semine homo. Nulla res
 itaque in nihilũ interit, nullaq; non reuiuifcat, & uniuersa
 res caduca, & fragiles si non eadem ad numerum
 permanent, certe ad speciem eadem renascũtur. Quòd
 si uiási tudo uitæ mortisque perpetua est, neq; ulla tem-
 porum longinquitate deletur, aut aliqua ex parte immu-
 tatur, profectò aliquid esse sempiternum oportet, quod
 uno eodemq; motu semper ciendo, aternitatem genera-
 tionis interitusque tueatur atque conseruet. Sed quoniã
 hæ duæ mutationes sunt aduersæ, maximẽque inter se
 pugnantes, neque ullo modo fieri potest, ut una eadẽ-
 que motio rerum contrariarum sit efficiens, rursus alia
 natura sit, necesse est, quæ uarietate motus delectetur, &
 mutabili ratione sese agans, modo uitam & salutem

rebus caducis largiatur, tum autem calamitatem & per
niciem importet. Quæ quomodo gerantur quæue sint tã-
tarum rerum effectores, paulo altius è media Peripate-
ticorum philosophia repetendum esse uidetur. Est igitur
eorum opinio, uiaſitudinem iſtam rerum orienti-
um atque cadentium è corporibus caeleſtibus mana-
re, ex quorum ſempiterna conuerſione fiant tempeſta-
tes, ac temporum mutationes, unde ortus, uita, &
mors omnium rerum conſequatur: ut non ſit ueren-
dum affirmare, naturam ipſam, per quam omnia ge-
gnantur, nihil aliud planè eſſe quàm uitalem illam
uim ac ſalutarem è calo deſluentem, ac per ignem,
aerem, maria, ac terras commeantem. Hæc autem ra-
tione atque ordine hoc fieri docet Ariſtoteles, exiſti-
mat enim cælum uniuerſum octo globorũ amplitudine
connexum eſſe: quorum primus, qui altiſſimam oram te-
net omnia complexu ſuo coercens, & inmanerabiliũ
ſyderum candore collucens, incitatiffima conuerſione ab
ortu ad occaſum feratur ſeptem reliquos ſecum unà con-
torquens, in quibus ſanctiſſima Solis ſtella ſit collocata,
quæ ſecundum ſupra terras ambitum obtineat, & ex-
terna uic circumuecta noctem atque diem efficiat, modo
ſublimis radios ſuos nobis oſtentans, modo ſub pedi-
bus ab oculis noſtris obliſcens, ac regiones aeris lon-
ge lateque opacans. Illam uerò cum Luna & quinque
errantibus, ſuo pte motu in contrariam partem commea-
re atque extimum orbem, illamque ipſam ſeptem glo-
borum principatum obtinere, & unà cum illis per ſi-
gniſerum circulum ita moueri, cum ille obliquus exiſ-
tat, ut nonnunquam ad regionem aquilonalem, ali-

quando ad australem iter inflectat suum : hinc aestates,
 & hyemes exoriri , & reliquas duas anni uarietates,
 quæ quodammodo ex hyemis frigore, ac æstatis calore
 temperantur : hinc denique omnium quæ caduca &
 mortalia sunt , ortum atque obitum duci. cum enim Sol
 ad loca edita septentrionum sese conuertit, & stellâ suâ
 rerum omnium parentem atque altricem propius admo-
 uit, uniuersa continuo exhilarantur ac uigent, terra flo-
 ribus redimitur , & herbas ac fruges multiplices gi-
 gnit ac fundit , arbusta gemmas trudent , & uiridita-
 te foliorum uestiuntur , necnon animalia cuncta amo-
 ris stimulis incitantur , & in amplexus uenereos ru-
 unt, ac uberrimo foetu urbes , rura, syluâsque, & ma-
 ria frequentant. Aest eadē Solis stella ad meridiem cur-
 sum suum reflectens, & à sedibus nostris longius digres-
 sa latitiam & iucunditatem omnem secum aufert, hor-
 rescit terra, arbusta foliis & baccis spoliantur, & bo-
 na pars eorum quæ natura fecunditas ediderat, labe-
 factatur, ad & senectutem mortemque frigore compelli-
 tur. Itaque solstitiali ac brumali reuocatione Solis uniuersa
 nascuntur uicissim, atque occidunt. Ut autem uicissitudo
 ista nullis seculorum ætatibus interrumpatur, sed cō-
 tinuata permaneat ac sempiterna , non iam id sponte
 sua Sol præstat nullo adiuuante , sed primi globi uolu-
 bilitas illum circūuehens, eiusque ortu atque occasu crebro
 alternum dierum nocturnumque ordinem perpetuās, etiam
 uiuendi ac intereundi uices efficit sempiternas. fac enim
 Solem suo tantum motu circumferri , signiferum orbem
 peragrantem , perfectò dies unus, unaque nox annua spatia
 commetietur, & perpetuum illum ordinem nascendi, &

moriedi uidebis illico perturbari, ac uniuersam ferè naturam rerum caducarum interire: id quod apertissime docent nonnulla terrarum loca ob eam causam uacua, & ab hominibus ac bestiis ferè deserta atque uastata. Huius igitur quæstionis summa paucis ita colligenda est: Vnde uitæ mortisque uicissitudo: ex decessione solis, ac reuersione. At istius uicissitudinis perpetuus tenor, atque constantia unde: ex crebra, & perpetua uicissitudine dierum, atque nocturnum, quam Sol efficit, semper eodẽ modo totius cæli ambitum incredibili celeritate perlustrās. Suone motu, an alieno impulsu: externa certe circũuectione. Erratiũmne syderũ, an potius extimi orbis: extimi: quippe qui nõ stellam solis modo, sed reliquas omnes sibi subiectas in orbẽ incitatus secũ rapiat, motu simplicia, ac uniusmodi à dextra cali regione cursum uoluens, atque ad idem caput rapidissima agitatione reuertens. Iam uerò sol, reuersiones ab extremis partibus contrarias ui sua facit: ut uerò ad infinitum tempus illas faciat, id omne à primi ambitus natura, ac inuiolabili æternitate habet. Itaque perpetuitatis omnis fons & origo est globus extimus, uarietatis autẽ Sol: ut uerò uarietas perennis ac sempiterna maneat, utriusq; uis præpotēs facit. Cũ itaq; motus cæli satis superq; sit ad perennitatem generationis, quid per Deum immortalẽ, discordiam, aut ideas cõmunsimur: quinimò si repudiamus motus aternitatẽ, noctem & chaos amplexemur, necesse est: quæ si mera portenta sunt, illa mordicus tenenda est, & summa contentione defendenda: sic enim & mendacia illa facile coarguemus, & necessario demonstrabimus aliquid esse, quod in motione semp sit, motio-

nē illam dico, quæ in orbē incāta tur: id uerò ita esse, nō
 solum ratio docet, sed etiam res ipsa clamat memoriam
 omnium seculorum testem citans, quæ à ueteribus, &
 prisca hominibus deinceps posteritati prodita est. quam
 obrem primus cæli globus neque natus est, neque uetu-
 state ulla labefactatur & frangitur, aut morbo aliquo,
 aut senectute extabescit, sed innumerabiles seculorum
 ætates uiget ac floret semper sui similis, nihil ullo tempo-
 re uarians, ab omni penitus erratione secretus. Hæc A-
 ristoteles: nos autem, quid ea de re sentiendum esset, an-
 tea satis opinor exposuimus. Verū siquid in perpetuū
 mouetur, cum nihil à seipso moueatur, aliqua perfectio
 natura est perennis ac sempiterna, agitationem illā cōs-
 sed omni ipsa motione uacans. quicquid enim mouetur,
 magis perfectio pendet ē uī mouente, quā cōtra. quōd
 si, quæ magis extrinsecus apta sunt, ipsa per se ac sua spō-
 te consistendi uim obtineant: quanto iustius hac eadem
 conditione utentur ea, quæ minus aliunde pendent? At
 in rerum natura quædam tantummodo mouentur, est
 item quod mouetur & mouet, qualis est altissimus orbis
 omnia complectens: existit igitur sine ulla dubitatione
 tertium quiddam, quod cætera mouens, ipsum immobi-
 le maneat, idq; sempiternum ac diuinum erit, & sub-
 stantia atque actus ab omni facultatis admistione segre-
 gatus: aliter enim immobile non existet, quādo motus est
 facultatis comes sempiternus. Multo igitur sapiētius Ari-
 stoteles quā Plato, qui omnibus quæ mouerentur, fon-
 tem atque originem mouendi esse uoluerit ex eo, quōd
 ipsum à se moueatur. existimabat enim ille, res simpli-
 ces ac indiuiduas suo motu agi & cieri, ut una eademq;

omnino res mota sit & mouens. quæ quidem sententia uidetur absurda, & tanto philosopho (pace eius dixerim) non satis digna. Sed quæ dicta sunt nobis de immobili principio, hac item uia explicari solent: Cum duo in unâ speciem ita temperantur, ut alterum eorû sua ui constare possit, alterum itidem potest: itaq; mulsû ex uino ac melle cõficiatur, mel autẽ per seipsum manet, manet igitur & uinum. Atqui media quædam natura est, quæ ex re mouẽte ac mobili cõflata est, ut paulo ante explicauimus, resq; illa mobilis per se ipsa consistit, igitur & mouẽs: immobilis illa quidẽ permanẽs, uniuersis autẽ motum ac uitã largẽ, liberaliterq; suppeditã. Verũ propositio huius argumentationis nimium latẽ, fusẽq; dicta est nobis, & ob id apertior est ad reprehẽdendũ, quã obrem omnino coarctanda, & in angustius adducẽda est, quo munita sit ac firma, & facilius omnem reprehẽsoris effugiat calũniam. quod enim proposuimus, siquid ex duobus constaret, quorum unum sponte sua consistere posset, alterum quoque eandem uim nasci, id intelligi oportet in iis uerum esse, quorum neutrum alterius adminiculo ad permanendum egeat, quæq; sint inter se aliqua ex parte contraria. Ostendimus, quæ uis uniuersis principium mouendi foret, eam uim immobilem ipsam esse: nunc summa diligentia indagandum est, quõnam modo illa efficiat motum. sed operæ pretium mihi facturus uideor, si nonnulla prius de ui, ac natura celi strictim attigero, quò facilius ea, quæ deinceps differẽda restant, explicari queant. Asseuerant igitur Peripatetici, globos celi animantes esse, atque ad eã rem confirmandã multis, ac uariis argumentis uti solent: sed nos obscur

riora nunc missa faciamus, & nonnullas rationes aper-
 tiores ad intelligendum, & magis populares, quæ ab il-
 lis dilatantur, angustè concludamus hoc modo: Quæ na-
 turæ apud nos animata, & rationis ac intelligentiæ
 participes appellantur, eas figuris esse terminatis, atque
 ex se ipsis, ac sua sponte, & ratione quadam, & nume-
 ro moueri cernimus, motusq; habere definitos ac uolun-
 tarios, unde oriatur bona pars eorum, in quibus homi-
 nū status & uita consistit. At hos motus in globis æthe-
 riis esse, quis nō intelligat? modo paulo diligentius atten-
 dat ipsorum dispares cōuersiones, quæq; in eorū stellis
 eueniūt congressiones, digressionesq; , ac multiplices cū-
 sūs, dum aliquando ponē labuntur, rursus anteuertunt,
 nunc infra terras delitescent, nunc supra caput sese ape-
 riunt, in quibus uarietatibus admirabilis ordo, & con-
 stantia in æterno temporum spatio conseruatur, unde
 longe maximæ, atque incredibiles utilitates in naturam
 uniuersam rerum mortalium consequuntur: ut qui ui-
 deat stellas ita circumuolui, moderariq; cūsus, eas ad
 uniuersam naturā fouendam & tuendam conspirasse
 cogatur existimare. Quæ cum ita se habeāt, & omnes
 celi partes certis figurarum terminis circumscribantur,
 animātes sunt profectò globi caelestes, cōpotesq; ratio-
 nis. Quid? quod innumerabilia penē corpora uidemus
 uilia, contemptaq; , ac minutissima, quibus tamen infinita
 liberalitas Dei naturam participem uitæ, ac cuiusdam
 prudentiæ impertiuuit, quò possem illa existere, seq; tue-
 ri & conseruare, uitæq; omnia quæ nō cuncta uiderē-
 tur. cur igitur ille corporibus magnitudine & natura
 præcëlēti tam præclarum munus diuinumq; negauerit,

eaque planè indigna existimarit, cum quibus partem aliquam uitæ atque intelligentiæ communicaret: Quid! cū illa res omnes corporeas, animantesq; regant & gubernent, quī possunt ipsa uitam atque animam non habere? Quid! cum ea, quæ præ sunt aliis, sapientia & consilio præstare oporteat, consentaneū mne est, naturam cælestem neque animalem esse, neque perfectione mentis ac rationis excellere: his Peripatetici atque aliis rationibus adducti non dubitant, omni asseueratione confirmare, cælum esse animal diuinum atque sempiternum, nullis tamen sensibus præditum, quippe quod eorum usum atque operam, nullam omnino ad rem desideret. sensus enim animantibus affixit natura, quo possent inde se, ac uitam, corpusq; tueri, atque ad res salutares accedere, pestiferas declinare, omniāq; percipere, & comparare, quæ forent ad uiuendum utilia, ac necessaria. at cælum illi aiunt neque nasci, neque interire, neque morbo, aut alia ui maiore conflictari posse, aut tentari. Carere item aiunt parte illa, quam Græci Φαντασίαν, Cicero cogitationem appellare solet, in qua imagines ad animum peruenientes imprimuntur: hæc enim uis cum sensibus ita conglutinata est, ut ab iis nullo modo auelli queat: & ipsa quoque ad cōseruationem corporum, atque incolumitatem uitæ à natura mortalibus tributa est. Itaque cælum uiuere aiunt, propterea quod per se, ac sua sponte mobile sit, atque appetitu, ac perfectā intelligentia utatur: quæ sanè uita pulcherrima est, ac cæteris omnibus uiuendi rationibus ad honorem & uoluptatem antecellens. Volunt igitur, cælū uniuersum esse maximum animal figura globosa & rotūda, quæ pulchri-

*tudine ac dignitate reliquis figuris antecedit. Ac ueluti
 mortales animantes ad ingrediendum motione utuntur
 ea, quæ totum corpus amplectatur, singula tamen mem-
 bra suos proprios motus habent: sic aiunt, una altissimi
 orbis conuersione uniuersam celestis animantis molem
 circumferri, cum interea singuli globi, quæ sunt ipsius
 membra suos quoque proprios, & illos quidem longe
 dispares ambitus conficiant, qui item singuli suis formis
 præditi sint, quæ faciunt, ut illi existant, & moueantur:
 quod idem in corporibus eueniat fragilibus, & cadu-
 cis. Illos autem animalia uinculo inter se colligatos esse,
 atque ita unum corpus constituere, omnesq; ad unum
 atque eundem finem reuocari, unde salutaris ipsorum
 inter se conspiratio consequatur ad uniuersæ naturæ cõ-
 modum & gubernationem: ex quo efficiatur, unū esse
 principium, ad quod omnes omnium conuersiones mo-
 tusq; dissimiles referantur: quam similitudinem cernere
 possumus in iis artibus, quæ inter sese ita aptæ, connexæq;
 sint, ut in iis tamen una imperium, ac principatum obti-
 neat. porrò haud aliter formas illas diuinas, quæ suos
 singulæ globos dispari motione in orbem ciunt, unum o-
 mnes, atque idem habere principium omnium rerum
 optimum ac præstantissimum, & totius naturæ imperio
 dominatūq; dignissimum, unde ipsæ fluant, & quò refe-
 rantur: hoc itaque caput esse, atque originem cunctarum
 causarum, uimq; uniuersam mundi illo niti & contine-
 ri, eamq; formam atque ordinem, quæ in ipso insint, cū-
 ctis formis ordinibusq; longe plurimū antecellere: quin-
 imò quicquid dispositum recte, quicquid eleganter de-
 scriptum, uidq; & ratione procedens appareat in uni-*

uerso, id omne ex illo pereunni, purissimūq; ac uberrimo
ordinis ceterorumq; bonorum fonte manare. Ipsarum
uero formarum, quas inde oriri diximus, gradus multi-
plices esse: quò enim quæque ad primam illam mentem
undique absolutam perfectamq;, & omnibus muneris
expletam, aut propius accedit, aut longiore interuallo
disiungitur, hoc uel absolui magis ac perfici, uel magis
inchoatam impolitamq; relinqui. Esse autem illas solu-
tas & liberas, atque ab omni corpore ac materia se-
gregatas, neque earum essentiam ex suis globis ulla ra-
tione pendere. quò enim possent illos motus ciere sempi-
ternos, cum omnis corporea uis principium habeat &
finem? Quamobrem nec diuiduas quidē esse, ac rite mē-
tes singulares & solitarias usurpari, atque nominari: ē
contrario autem orbes ipsos ex suis mentibus uniuersos
pendere, ut pote quorum illæ formæ sint, quod uel una
ratione perspicuum esse possit: sublati enim mentibus,
nullam penitus cælo reliquam esse formam: & si uera
eius definitio nobis afferenda sit, essentiam mentis sin-
gularis omnino explicandam esse. Interrogāt iidem, mo-
tus & intelligentia globi ne causa, an mentis, cælo tri-
buantur: quòd si mentis, eam inquirunt sine dubitatione
formam esse, materiam globum. His positis, paruo neg-
cio consiciunt, illas orbium suorum causas efficiētes esse,
cum ab iis habeant illi, ut sint atque existāt: ex quo etiā
intelligi possit, rationem finis eiusdem conuenire, quòd in
iis, quæ materia uacāt, uis efficiēs, & finis re sint idem,
cogitatione distinguantur. una enim eademq; res in hoc
genere intellecta est, atq; intelligēs, intelligere autem illas
memorāt, motū esse uitæ quādam, & perfectionem re-

rum naturalium, seq; perenni, ac continenti agitatione corporum suorum perennes conservari, itaque nunquam illas motum intermittere: nullus enim labor, aut defatigatio in calum potest pervenire, quin etiam, dum perpetuas conversiones iterat, illas sese Deo simillimas reddere, uita & salute naturis mortalibus & caducis summa benignitate largendis. Neque uerò nos praeterit, quod attinet ad quaestionem istam, Peripateticos in magna esse dissensione constitutos. etenim multi sunt, qui negent, mentes singulares esse formas, quae calum perficiant: sed illas aiunt in globis aetheriis perinde insistere, ut in nauigio nauiculator solet: sunt item, qui rationem finis ac formam Deo relinquat, uim omnem causae efficiētis tollant. uerum si quis contrariarum rationum momenta diligentius perpendat, facile (meo quidem iudicio) cernat, eam, quam nos secuti sumus, opinionem in disciplina Aristotelis praeponderare: ut minime mirandum esse uideatur, illam clarissimos Peripateticos habere defensores. Sed his omnibus quanta fieri potuit breuitate commemoratis, ad eam quaestionem, quam proposueramus, iam aggrediendum est. Itaque dicimus, mentem illam simplicem, aeternam, atque immobilem mouere, propterea quod intelligentiam, atque appetitionem aiet: sola enim quae sic mouent, ipsa non mouentur. Etenim cum motus bifariam distribuatur, & quaedam natura moueant, quaedam uoluntate: priora certe dum mouent, ipsa quoque necessario mouentur, siquidem hunc efficiunt motum ea, quae res uariant & gignunt, quod iis profectò sine sui mutatione accidere non potest. Voluntas item & cupiditas, dum ad agendum impellunt, & ipsa impulsu incitantur alieno, ut

in libris de anima copiose disputatum est. Restat igitur,
ut quæ sub appetitum cadunt, ea sola non moueantur,
& moueant: ut puellam flos, adolescentem amica simu-
lachrum: hæc autem ea re motum faciunt, quod uim
boni atque finis in sese cohibeant. Mens igitur prima, à
qua motus principium ducitur, est finis, & bonum non
expetendum modo, sed etiam ratione ac intelligentia cõ-
prehensum: id quod in rebus fragilibus & caducis non
usquequaque contingit. neque enim apud nos quacumq;
optabilia sunt, eadem continuò rationem mouent, imò
magna ex parte ab illa respuuntur. Hæc ut perspicua
fiant, illud scire oportet, appetendi uim esse in partes di-
stributam duas, quarum altera uoluntas dicitur, altera
cupiditas & libido, quam Aristoteles ἐπιθυμία uocat:
admirabile est autem, quantum illæ inter se dissideant:
uoluntas enim mentem ac rationem colit, cupiditas sen-
sum atque corpus: illa, uera solidaq; & expressa bona
persequitur, qualis est illa mens prima rerum omnium
præstantissima: hæc uanis bonorum simulachris delini-
tur, & capitur, uoluptatum atque amorum turpis an-
cilla & ministra, deliciis, luxuriaq; diffluens, summūq;
bonū in sensus titillatione constituens. Facit autem hæc
gestiens, ac temeraria uis, ut quæ intemperanter appeti-
mus, bona uideātur: è contrario uoluntas uera bona cõ-
sectatur, propterea quia & uidentur, & natura sunt
talia: oritur enim ex intelligentia, porrò intelligendi uim
mouet ens, ac uerum, quæ sola sub scientiam cadunt: ue-
ra igitur & solida bona ad uoluntatem pertinent, ina-
nia & adumbrata ad libidinem & cupiditatem. At
species assimulati boni quī possit ætherios globos in quā

attingere ! cum illa nihil nisi sensum moueat, & nullam
 vim obtineant sentiendi ! nihil est igitur in iis optabile
 atq; expetendum, quod non idem animo & scientia cō
 prehendi possit. Ast infra lunā innumerabilia bona men
 tita, & fallacia, plenaq; futilitatis circum terras assidue
 uagantur, mortaliū sensus inani ac falsa uisione pul
 santia, nosq; in omne flagitium, atque turpitudinem im
 pellunt, nisi uirtutum præsidio corroboremur, & cupi
 ditatem exultantē, omnibus uiribus atq; opibus coercēa
 mus, illamq; acerrimo studio obedientem rationi ac mē
 ti efficiamus: quæ profectō cura nobis antiquissima sem
 per esse debet, si atatem uolumus honestē, ac latē, placi
 dēq; traducere. quid enim per Deum immortālē fœ
 dius, aut miserius cogitari potest intemperātē, nequā, &
 perditō a soto, ac nepote, assiduū furis pestiferarū uolu
 ptatum agitato, seq; dies, ac noctes in luto libidinum, &
 flagitiorum uolūtante, atque in figura hominis uitam &
 feritatem gerētē belluarum ! beatus igitur, quisquis ita ui
 tã instituit suā, ut nihil haberet charius, nihil antiquius,
 nihil quod magis uotis omnibus expeteret, quàm decus,
 quàm laudē, q̄ uirtutem: atque opinionem omnem effœ
 minatam & prauā ita ex animo suo extirpauit, ut ne
 quid gerere aut cogitare posset excellenti natura, ac pro
 p̄ diuina hominis alienum atque indignum. Hæc pro
 fectō sola ratio est, qua possimus hoc, quod datum est ui
 tæ, summa cum laude, ac tranquillitate colere: his deni
 que curis, & studiis agitatus atque exercitatus animus,
 seq; à uoluptatibus fœdis & corpore longius abducēs,
 agilis efficitur & uelox, ut membrorum nexibus exolu
 tus summa celeritate peruolet in sedem illam, & ater

nam domum suam, ubi caelesti uita, quam imitabatur in
terris, & honestissima, ac incredibili, perpetuaq; uolu-
ptate potitur. Sed ad propositam disputationem reuer-
tamur. Dicebamus, mentem illam præstatißimam, unde
primipiū est uniuersi motus, nō optabilē modo atq; ex-
petendam esse. sed etiā mente percipi ac ratione: his ad-
dendum est, quæ per se intelliguntur, ea dignitate atque
honore multum excellere, & uniuersa eius generis, si mo-
re Pythagoreorum placeat loqui, ad ordinem bonorum
aggregata esse. Pythagorici enim, cum de primipiis rerū
memorarent, in duas series illa distribuerunt: unam, bo-
ni atque habitus: alterā, mali & priuationis: utriq; de-
cem primipia sic assignantes, ut altera alteris aduersa, ē
regione collocarem: appellarunt autem eos ordines οὐ-
σιότητας, quod in iis cōtinerētur res consentientes, & na-
turæ cognatione sese attingētes. Quamquā igitur, quæ bo-
ni atque habitus seriem efficiūt, ea per se intelliguntur o-
mnia, tamē ea in re cæteris omnibus substantia antecellit,
atque huius generis in primis illa, quæ simplex est, atque
actu, cuiusmodi esse primā uim mouētem explicauimus:
hæc igitur per se ipsa maxime ad intelligendum aperta
sit, necesse est. Quod autem substantiam immobilem di-
cimus simplicem esse, nequis errore ductus ex eo conclu-
dat, illā unā esse (sunt enim plures, ut infra docebimus)
neque duobus his uocabulis eadem uis & notio subie-
cta est, sed uoce unius mēsurā significatur, ut in libro de-
cimo huius operis dictum fuit: simplicem uerō dicimus
rem, quæ sit uniusmodi, & ab omni cōcretionē, ac per-
mixture segregata, qualem esse primā uim mouētem de-
monstrauimus, quam si quis etiā unā appellet, propterea

quod sit rerum omnium mensura, is profecto non erra-
 rit. Illius uero natura cum sit eiusmodi, cui primæ defe-
 rantur in eo rerum genere, quæ per se ipsa intelliguntur,
 necesse est etiã, ut in rebus expetendis altissimum gradum
 obtineat: siquidem ista recipiuntur, ut siquid ex se &
 propter se exoptandum sit, idẽ sponte sua ac per se pos-
 sit intelligi: & siquid ad hunc modum sit perceptum, idẽ
 sua ui suaq; natura sit exoptandũ. bonum enim ipsum,
 & quæ nos specie sua cõmouent, suoq; nomine incunda
 existunt, connexa sunt, & naturali uinculo copulata cõ
 iis, quæ per se ratione, atque animo comprehenduntur:
 quamobrem in eadẽ serie atque ordine collocantur, &
 uno nomine, quod in quoque genere primum est, id opti-
 mum semper est, aut cum optimo ipso comparabile. est
 igitur primum mouendi principium rerum omnium o-
 ptimum, & supra cætera omnia expetendum, atque ad
 intelligendum natura sua maximopere apertum. Sed ali-
 quis roget, quomodo ad mentem immobilem rationem
 finis accomodemus, cum Aristoteles in quarto libro
 huius operis docuerit, eam causam, quæ finis appella-
 tur, à rebus immobilibus abesse? Ad hæc breuiter est di-
 cendum, bipartitum esse eum finem, cuius gratia aliquid
 facimus: aut enim ante rem gerendam existit, aut rei ge-
 stione comparatur. prioris generis exemplum est, cum
 ualeitudinis tuenda causa deambulamus: alterius, cum
 medicus ad eam efficiendã agroto medicinam facit. Hoc
 igitur genus res immobiles ac ætherias nunq̃ attingit, al-
 terũ semper cum iis aptum connexumque est: est enim,
 quod ante attigimus, mens quæque singularis motionis
 efficiens & finis, quæ duo genera causarum in naturis

caducis materiae diuortio separantur, scilicet hæ omnes
duas formas habent: alteram, quæ cū ipsa materia con-
iuncta, & sociata est: alteram, quæ ab illa per oculos in
animum influens sine corpore, in illo hæret infixa, &
cogitationi sese obliuiscens mirabiles aliquando amores
excitat alterius formæ, cuius ipsa simulachrum existit,
neque nobis stimulos admouere intermittit, quo ad uel in-
uitos cupiditate potiundi ad illam trahat. quod ita acci-
dere facile intelligas, si quando amasti, & speciem puel-
læ meministi olim animo tuo obuersantem, teq; sæpenu-
mero è somno excitantem, ac præcipitem de media no-
cte ad fores amicæ rapientem. Est igitur forma illa in-
tima motionis effectrix, externa uero finis, utpote quæ
rationem boni in sese continet: quæ quidem si materia li-
beretur, una omnino & eadē existet atque altera illa,
motusq; erit efficiens causa pariter ac finis. Cum itaque
mentes illæ sempiternæ sint ab omni contagione corpo-
ris liberæ ac synceræ, quis dubitet philosophiam sequēs,
illas motum non efficere modo, sed etiā propter seipsas
efficere: intelligunt igitur illæ sese, quòque præstantiores
& amabiliore sunt cunctis naturis mortalibus, hoc ar-
dentius se diligūt atq; amant, isque amor in primis ad
mouēdum ipsas impellit intelligentes, perennitate motus
perfectiōem suam atq; immortalitatem contineri, qua de
re antea locuti sumus de sententia Peripateticorum. Ad
hanc primam, & potissimam mouendi causam accedit
incredibilis quædam charitas, atque amor rerum fragi-
lium & caducarum: quarum illæ non modo sunt præsti-
des & custodes, uerumetiam procreatrices ac parētes.
Ac ueluti mens excellentis architecti uariis ædificiorum

formis grauidata parere gestit, atque urbes & oppida pulchritudine sua sobolis decorare: sic mentes illæ liberalissima munificentissimaq; uim salutarem procreandi ac gignendi in sese continentes innumerabilibus rerū formis redundantem, pro eximia bonitate sua gaudent illas continēter in lucem profundere, ac uniuersas mundi regiones admirabili uarietate natuarum imaginum augere ac perpolire: proinde at herios globos sempiterna cōuersione circunvoluentes materiam magnā matrem rerum ad cōtinuos partus eliciūt: inde quatuor illa corporum elementa sursum ac deorsum assidue cōmeant, & constanti uiciissitudine generantur & generāt: inde concilia, & coetus mortaliū cōcelebrātur, & tot genera existunt, tamq; disparia bestiarum cicurum, ferarumq; & pennigerorū animantiū picta uarietates, & quæ fluminibus, & mari belluæ occultantur: hinc denique ortus suos ducunt arbuta, fruges & infinita uis rerū ceterarū, quas benignissima terra profundit ex sese. Ac ueluti natura cunctis animātibus ingenerat præcipuā quādam illecebrā amoris erga eos, quos procreauerūt, ut illos & alere, & saluos esse cupiant, & summo studio tueātur: sic mētes illæ beata, quibus motionibus uniuersa gignūt, eisdē motionibus illa nutricātur, & fouent, innumerabilia ciborū genera suppeditātes, unde omnia alātur, pubescāt, & maturitatē suā cōsequantur. Perhibēt autē iidem Peripatetici, inter præstātissimum numē primæ mentis, & reliquas inde prognatas hoc præter cetera interesse, q̃ illa spatiis immutabilibus uniuersum æthera ab oriēte ad occidētem sua tantum causa circunvoluit, uiciissitudinē dierum, nocturnūq; cōficiētes: etenim

ad quem alium finem dirigit illa motum suum, cum ipsa
sit rerum omnium principium, & finis: ast aliae mentes suos
ambitus non sua solum causa conficiunt, sed pulcherrimi
parentis amore incitatae, ut quo ad eius fieri potest, ad il-
lius similitudinem proximè accedat, & quacunque pos-
sunt ratione, uoluntati eius obtemperet. desiderat autem
optimus pater uniuersitatem rerum, quam ipse procrea-
uit, saluam, incolumemq; ad infinitum tempus permane-
re, quod profectò sine continua, dispariq; caelestium glo-
borum conuersione contingere non potest: ex quo illud
etiam apparet, mundum, & naturam uniuersam simil-
limam esse magnae, & pulcherrimè constitutae Reipub.
quam diuinæ illae mentes inter se quasi ciuili societate de-
uinctae communi consilio, & prouidentia administrēt.
Mouet itaque prima mens incredibili pulchritudine ad-
mirabiles amores sui excitans ipsa uerò immobilis ma-
net. At globus altissimus ab ea circūuectus incitatissima
conuersione inferiores orbes mouet, & cetera omnia,
quae infra lunā uicissim generantur, & occidunt. q̄ si quae
mobilia sunt, immutari debēt omnia, neq; uno & eodē
statu semper esse, primum etiam globum, qui semper in
motu est, mutationi subiectū esse, confitendū est, nimirum
illi, quae ad locū pertinet. nam ipsa aetheria natura, cum
sempiterna natura sit, omni tēpore eadē, suiq; simillima
permanet, nullaq; mutabilitate praedita est. At prima uis
mouēs, cū sit actus solitarius & simplex, neq; ullū mo-
tum habeat, omni etiā mutatione uacua sit, necesse est: si-
quam enim habet, primā certe habet, porro prima est
mobilitas ea, quae conuersione rotunda in orbem circū-
fertur, ut in physicis euidentē ratione demonstratū fuit, at

hâc efficit ipsa mēs, ut ab eadem pati nulla ratione ipsa possit: ex quo intelligitur, primā mentem uim esse immutabilem, & necessariam, qualis uidelicet esse debet natura principij. Habet autem uox necessarij triplicē uim: ita enim appellamus tum id, quod ui, atq; animo repugnante factū sit: tum etiam cuius opportunitas tanta est, ut sine eo bene se res habere non possit, quod genus necessitatis cū adiunctione aliqua semper est: ut cum dicimus, equū ad iter faciendum esse necessarium: hic enim adiunctio est ea, si cōmodè, & facilè ire cupiamus. Tertia notione necessarium dicitur, quicquid naturam, & cōditionem eam habet, ut neque mutari, neq; ulla ratione possit aliter esse, atq; est: quam necessitatem recte appellamus simplicem, & absolutā. Tali igitur ui præditum est principium illud potētissimū, unde calum, terræ, maria pendent, quod si aliter sit, uniuersa profectò natura intereat, & in nihilum recidat, necesse est. Quis autē tanto ingenio, tantāq; doctrina ullo tēpore existat, qui satis cogitatione complecti, nedum uerbis explicare possit, quanta sint gaudia, quātæ uoluptates, quām denique beata sit, & bonis omnibus redundans uita illius diuini principij seipso sine ulla interpellatione fruētis, & suum præstantissimum numen in omni aternitate contemplātis? At tamen, si fas est, sempiternam illā summi boni perfectionē cum re aliqua mortali & caduca comparare, profectò nihil existit in terris, quod ad eius similitudinem propius uideatur accedere, quām iucundissima & perfectā sapientium uita, præsertim si quis aliquo tēpore possit existere, qualem Peripatetici cogitatione depingunt. Emga-
mus enim hominem primum animo ab omnibus uitis

integro & casto, deinde sensu acerrimo, & acumine ingenij excellentem: neque enim sapientia mentes aut tardas, aut impuras in sua sacraria intromittit. Is itaq; uindē diuini cupiditate incēsus, seq; ab omnibus uoluptatibus corporis, & à uulgi oculis longissime abducēs, omne uitae tempus consumat in cōtemplatione rerum diuinarum, eorumq; omnium indagacione, quae magnis tenebris natura circumfudit. Ac primum diuina mens huius praestātissimi hominis naturam omnem rerū caducarum peragrans, earumq; formas uarias, & penē innumerabiles sibi induens, hoc ornatu non contenta in sublime deinde sese attollat, ēque caligine crassa, concretaq; rerum mortalium, in altissimas & purissimas caeli regiones euadens gradatim ascendat, singulas aetherae mentes perlustrās, & in earum pulchritudinem admirabili cum uoluptate sese transformans: dumq; insatiabili cupiditate semper ad oras altiores rapitur, perueniat aliquando ad supremū omnium rerum satorē, & moderatorem Deum, seq; uinculo arctissimo cum illo coniungens, sanctissimo & beatissimo numine perfruitur: tunc profectō mens peregrinandi finem faciet, tunc denique post tot uigilias susceptas, post tantos labores exanclatos in portu summi boni iucundissimo conquiescet Deo plena, Deum intuens, atque suspiciens, bonis omnibus affluens, tot denique, tantisque gaudiis referta, quanta mens nulla praeter illam ipsam cogitare possit. Qualem igitur Peripatetici fingunt sapientis hominis uitam, talem esse aiunt, imò infinitis etiam partibus iucundiores, & perfectiores altissimi principij uitam. sed hunc statum pulcherrimum in sapiente breuem,

Et fugacem esse dicunt, propterea quod uim illam con-
 templantem, per quam is comparatur, una cum corpo-
 ribus interire quodammodo necesse est omnibus uis e-
 uanescentibus, quibus ipsa nitebatur. At illa mens beatif-
 sima auro fruens sempiterno, seq; perpetuo intelligens
 aeterna potiatu uoluptate necesse est. etenim ut corpus
 umbra, sic uoluptas cōsequitur actū, ob eamq; causam
 sensus, et uigilia, et intelligentia maximā delectationē
 habent: quinetiā quicquid affert iucunditatis memoria,
 et spes id semper oritur ex actu: alterius enim munere
 praterita bona representantur, alterius futura quodāmo-
 do præcipiuntur. Nimirum uoluptas omnis in actione
 consistit, cupiditasque gerendi semper aliquid una cum
 animantibus nata cum illis alitur, atque adolescit, ut ne-
 mo animum ocio, languore, ignauia tam infectum, at-
 que oppressum habeat, quin aliquid semper delectatio-
 nis causa agere gestiat, et mente, ac sensibus moueri: ne-
 que profectò somnus ob ullam aliam causam nobis est
 iucundus, nisi quod animum corpusque reficit, nosque
 aptiores ad uigiliam, et res gerendas facit. quod siquē
 omni actione penitus spoliare cōtendas, is profectò mor-
 tem uitæ inertissimæ anteponat. Sed ad reliqua perga-
 mus. Iam explicatum fuit antea, quæ per se intelligen-
 tur, ea optima esse, et siqua maxime perciperentur ad
 eum modum, illa optimorum tenere principatum: pro-
 inde cum initium rerum omnium sit maxime simplex,
 et nulla omnino commistione concretum, et ob eam
 causam existat ad intelligentiam maxime apertum, idem
 altissimum bonitatis gradum obtinere consitendum est:
 cumque omnia bona delectationem aliquam habeant,

ad illud munus præstantissimum fungendum utens. Est autem contemplatio rerum non modo maximarum, sed etiã sape leuiorũ tã dulcis, tam suavis, & iucunda, ut nihil gratius, nihil optabilius in uita excogitari posse uideatur. Etenim uidemus præclara ingenia delectatione scientiæ irretita honores, opes, uires corporis, ipsam ualitudinem continere, nullosque labores aut pericula peregrinationum extimescere, quo possint animũ scientiæ & cognitione rerum pulcherrimarum auctum & refertũ domum reportare: multos etiam cernas uigiliis assiduus, & laboribus studiorum exesos, & tabescentes, qui perire tamen prudentes uidetisque malint, quã uitam propagare literarum oblectatione uacantem. Neque profectò mirandum id cuiquam accidat, si cum animo suo reputarit, naturæ omni rationis & intelligentiæ participi ingenitum esse insatiabilem quendã amorẽ cognitionis, & scientiæ, ut nihil ipsam æq; uideatur attingere. Itaque pueros uidemus, quãprimũ niti ac pedibus insistere potuerunt, ad spectacula auidos discurrere, omnia curiose sciscitari, fabulis mirabiliter capi, & quibusq; actionibus uirorum quãuis seueris & grauib; cupere interesse: crescit ætas, studium crescit intelligendi, & sciendi: & quo præstantiore quisque est indole, & ingenio, hoc illustrius huius honestissimæ cupiditatis specimẽ præbet. itaque agrestes etiam, & barbari homines, quique ab omni cultu, & humanitate longissime absunt, se tamen temperare nõ possunt, quin aliquid audire, spectare, aut cognoscere semper aueant: nemoq; ferè adeo rudis est, aut à natura tã male informatus, quẽ historias legere, et res omnium seculorum scire nõ delectet.

Ut uerò homines etiam imperiti peregrinationibus læ-
tantur, ut sæpe ad longinquas oras adeunt propter ui-
fendi cupiditatem nullum incommodum aut periculum
uitæ reformidantes, ut etiam gloriantur & commemo-
rare gestiunt omnibus, quos mores hominum, quas ur-
bes uiderint, quas terras, quæ maria perlustrarint: q̃ si
forte ad eas usque regiones penetrarint, quas uasta ocea-
ni spatia diuidunt à nobis, quâsque habitant eæ natio-
nes, quas Græco uocabulo antipodas uocamus, quòd ue-
stigia nobis contraria insistant, tum uerò illi se beatos du-
cunt, & cum magnis hominibus comparandos. Quòd
si talium rerum spectacula imperitæ multitudini tantas
suppeditant uoluptates, quanto gaudio, quàm celesti in-
cunditate compleri: qua uesè ambrosia necesse est ani-
mum philosophi cum pulcherrimis, & planè diuini-
tis semper habitantem cogitationibus: & cælum, ma-
ria, terras omnes animo dies, ac noctes peragrantem:
tum occultissima animarum rerum, inanimarumq; prin-
cipia, & causas acumine mentis intuentem: neque earum
ortus, progressus, fines ignorantem: tum etiam syderum
naturas, effectus, motus, conuersionesque multiplices no-
tantem: ad illam denique admirabilem mentium æter-
narum cognitionem usque penetrantem: Enimvero, si
conuenienter natura sua uiuere, unicuique optimum est,
maximèque iucundum, nihil profectò homini contingere
potest æque dulce, ac optabile, ut uita à mentis agita-
tione permanens. Etenim mens in homine longe plurimùm
excellit, porrò id quamque rem maximè esse iudicandū
est, quod in quaque re præcipuum atque optimum exi-
stet: ut exploratum esse debeat, hominem suam mentem

potissimum esse, & qui mentis ade fruat, eñ sua pro-
 pria uita maxime perfrui, & ob eam causam tam be-
 ne, atque iucunde uiuere, ut nulla imperia, nulla opes
 cum eius hominis studiis, & delectationibus conferen-
 da uideantur. Quid ? nõne Deum beatissimum esse
 demonstrauimus ex eo, quod perpetua sui contempla-
 tione frueretur ? oportet igitur hominũ uitã suauissimã,
 beatissimãque contineri ea potissimum actione, qua
 diuinã proxima, maximẽque cognata existit. Quamob-
 rem uidemus, ceteras animantes à summi boni con-
 secutione longissime abesse, propterea quod mentis, & in-
 telligentia nulla cum iis particula communicata est. Ita-
 que uita mentium sempiternarum perfectè, cumulatẽq;
 beata est, quia pfecto intelligendi munere perfunguntur:
 homines autem perinde beati sunt, ut quisque ad huius
 pulcherrimã actionis similitudinem proxime accedit, cu-
 ius cetera animalia cum expertia sint, summi etiam bo-
 ni excellenti præstantia deficiat necesse est. Dicendum est
 igitur, beatam uitam peruenire, quoad progredi potest
 maximarum rerum contemplatio: & in quibus menti-
 bus maior insit hæc uirtus, has mentes uitam colere bea-
 tiorem, & maioribus gaudiis abundantem. Cum itaq;
 ne Sol quidem lucem igniculi tantum splendore suo uin-
 cat, quantum mens illa altissima menti hominum infimã
 antecellit, quãnam per illum Deum, de quo loquimur,
 aut uis eloquentia dicendo, aut acies ingenij cogitando
 uel minimam partem possit adumbrare dulcedinis, &
 iucunditatis, quam percipit sempiternis seculorum æta-
 tibus summus Deus semetipsum intelligendo, & illã suã
 pulcherrimã formã, perfectissimãque contemplan-

do: Habet igitur omnium rerum parens admirabilitatem certe tantam, ut nihil admirandum æque uideatur, ac si qua mens possit tanti numinis maiestatem & absolutissimā perfectionem satis admirari, colere, uenerari. Quæ cū talia sint, quis audeat negare, Deū nō modo uitā esse, sed etiā uitā præstantissimā beatissimāq; scilicet actus mentis, & agitatio uita est, & præstabilis illa quidem, maximēque excellens: Deus autem purissimus est actus nihil omnino admistum, nihil duplex, nihil copulatum in sese cōtinens: cumq; sua sponte, suāque uī talis existat, nihil aliud nisi seipsum intelligens, & cōprehendens, profectō actus illius uita perfectissima, & sempiterna sit, necesse est, ut iam non sit cunctandū affirmare, Deum esse animal optimum, æternum: quāobrē Deus uita fruītur, atque a uo continuato, & perenni, neque aliud certe existit sanctissimum illud numen, nisi uita optima, ppetua, & sempiterna, è quo perēni, augustissimoq; fonte uniuersis animantibus uita manat, & spiritus: & naturis inanimatis forma omnis, & omnis existendi, ac permanendi uis munificē, prolixē, large suppeditatur. His expositis omni luce clarius apparere potest, q̄ iniuste, & parum sapienter Speusippus, & Pythagorei naturā principij exagitarint, atq; contempserint, scilicet ū, cum semina stirpium, & animalū uidissent imperfectum quiddā esse, atq; impolitum, quæ uerō inde gignerentur, naturam habere absolutam, & suis omnibus numeris, & partibus expletā, ex principio res quidē bonas, & perfectas oriri: sed ipsum esse inchoatum, & rude, ac deforme existimarunt, q̄ seminibus rerum, naturam, & nomen principij tribue-

rent, & omnem vim initiorum eiusdem modi esse iudicare. sed parum certe isti homines uiderunt, cur enim hoc nomine præclaro non afficerent potius res perfectas, atque absolutas, unde semina ipsa generantur, & fluunt? Dicendum est igitur, animalium, & omnium eorum, quæ terra nascuntur, uera principia existere non semina aliqua, sed naturas eas à quibus unaquæque res progignitur: sunt autem naturæ illæ bipartitæ: nam quæ genera à sui similibus effinguntur, in iis eadem est planè absolutio, perfectioque parentum, & natorum: at quibus in generibus quæ procreata sunt, nullam habent similitudinem cum procreatoribus, in iis tantum abest ut principium gignendi sit deterius iis quæ nascuntur ab illo, ut etiam admirabile sit, quantum excellat: siquidem harum omnium rerum generator est Sol, & orbis ille obliquus in duodecim signa distributus, cuius ambitum Sol ipse, & Luna, & reliquæ Stellæ, quæ uocantur errantes, disparibus quæque temporibus lustrant. Quinimò nihil aut ferax, aut ad partus edendos natum, atque aptum esse possit, nisi uis illa præpotens Solis animantibus aeris, aquatilibus, terrenisque fecunditatem largiatur. quamobrem Aristoteles hanc stellam prosperam, & salutarem appellat *ἡνυκτικὴν*, quod illa omnium rerum sit procreatrix, & parens, idemque hominem dicit à Sole generari, atque homine. Est igitur natura principiorum contraria atque Pythagorei dicunt, excellens, absoluta, elaborata, & perpolitata: primi autem principii, de quo paulo ante disseruimus, tanta est pulchritudo, tamque admirabilis, incredibilisq; perfectio, ut quicquid aliud pulcherrimum, optimum, absolutissimum in uniuerso eminere ui-

detur, atq; excellere, sit illius præstâtissima naturæ ad-
umbratū simulachrum, & quædā obscurissima imago.
His rebus ad hunc modum explicatis, satis perspicue
docuisse uidemur, substantiā aliquam esse immobilem,
ac sempiternam, & ab omni earum rerum, quæ sensu
continentur, coniunctione secretam. Explicatum est au-
tem in libris de motu, eandem nulla magnitudine præ-
ditam esse, sed partibus carere, atque indiuiduam existe-
re, neque ulla ratione secari distrahiq; posse, quippe
quæ motum calò afferat sempiternum: ex quo intelligi
debet, uim eius infinitam esse, neque ullis seculorum ter-
minis circumscriptam: cumq; nihil finitum infinitam uim
habere possit, substantiā immobilem omni magnitudi-
ne terminata carere necesse est: at immensam, atque in-
terminatam habere quî possit, cum nulla amplitudo ta-
lis existat in rerum natura: ut alibi argumentis necessa-
riis ab Aristotele conclusum est. Itaque cum omnis ma-
gnitudo uel finita sit, uel infinita: sequitur, quod immen-
sis uiribus præditum sit, id neque corpus esse, neque ul-
lam cum corporibus societatem habere. Declaratum est
item, eandem substantiā impatibilem existere, omnemq;
effugere uim, atque impressionem earum rerum, quæ ue-
riè sensus afficere solent, quod genus Græci ἀλλοίωσις,
nostri philosophi alterationem uocant. Id uerò ita esse,
facile quius intelligat, si secum ipse consideret, reliquos
motus omnes esse posteriores illo, qui ad locum perti-
neat: quo motu cum prima omnium rerum causa uacua
sit, cæteris item carere, ratio ipsa docet: sublato enim pri-
mo, omnia consequentia tolluntur: itaque in nullam pla-
nè rem uideas cadere cæteras mutationes, quin eandē

mobilitate loci præditam cernas. Et profectò intueri liceat, in hac pulcherrima uniuersi descriptione admirabilem quendam ordinem adhibitum esse, ut à primis naturis, & quodammodo inchoatis ad perfectiores semper ascenderetur, usque dum ad ultimas, absolutissimâsque peruentum esset. Etenim cum omnem naturam corpoream mobilem esse oporteret patibilémque, quæ corpora aduoca forent, magisque cōcreta, ea omni mutationum generi proposita fuerunt, ut nulla uis externa esset, quam acipere, ferréque non possent: at globi ætherij, qui facile inter cunctas naturas corporeas excellerent, mutationem loci, quæ præstantior esset, adepti sunt, reliquas omnes effugerunt. Gradus autem rerum altissimus est earum mentium, quæ sine corporibus uitâ colunt beatissimâ, & sempiternâ: quas decuit esse omnino impatibiles, immobiles, omnisque mutationis expertes, cum ceteris omnibus ipsæ & motum afferrent, & tantum ad honorem & dignitatem antecellerent, quantum ne cogitatione quidem comprehendere possent. Neque uerò nos præterit, quæ paulo ante à nobis breuissimè p̄stricta fuerunt de ui finita rerum, infinuitâque, ea solere à multis copiose dilatari, quòd is locus amplissimam disputandi materiam subministret: sed nos suis quæque locis dicenda existimamus, quamobrem hæc quæstiones ad libros de motu cum pertineant, illarum tractationem eò reseruamus: habemus enim in animo, eos libros interpretari, si uita suppetet, & nostra ualeitudinis infirmitas id patietur, interim persequamur illa, quæ magis attingunt eâ disputationem, quæ nobis à principio instituta est: cumque aperte docuerimus, substantiâ aliquam immobilem esse

atque æternam, in qua nihil admistum insit concretum:
ue: nunc, quod reliquum est, quæramus, unāne existat hu-
ius generis, an plures: & si plures, quot numero sint po-
nendæ. Sed operæpretium est, aliorū quoque dicta me-
minisse, & commemorare, quanquam nemo ferè ante
Aristotelem quicquam suspicatus est de substantiis cor-
pore uacantibus, præter idearum inuentores, qui tamen
ipsi ad hanc nostram quæstionem explicandam nihil
omnino definiti, aut perspicui suppeditare possunt. ete-
nim ideas esse numeros uolunt, de numerorū autem co-
pia nihil habent planè, quod liqueat: modo enim infi-
nitam eorū multitudinē introducunt, modo tantam pau-
citatem, ut eos ultra decem procedere nō putēt: neq; ta-
men, cur ita definiant numeros docent, aut argumentum
aliquod graue, & necessarium ad fidem faciē-
dam adhibent. Nobis autem ea, quæ disputata sunt
adhuc, uiam facilem & compendiariam aperire uidē-
tur, qua possimus ad ueritatē huius quæstionis perueni-
re. Docuimus enim unū esse principiū uniuersi, quod ip-
sum planè immobile manens, motum primum cieret, e-
undēque unum ac sempiternū. cum uerò omnia, quæ
mouentur, ab aliquo moueantur, & principium mouē-
di immobile esse, & sempiternum motū à sempiterno,
unūq; ab uno manare sit necesse: cumq; præter conuer-
sionē illam simplicem, qua prima mens immobilis uni-
uersum æthera ab ortu ad occasum immutabili ratione
in orbē contorquet, uideamus alias item æternas arcū-
uectiones earum stellarum, quæ errare dicuntur: cor-
pus enim uolubile, ac rotundum & immortalī est natu-
ra, & semper in motu est, ut in physicis explicatū fuit.

hac omnia cum uideamus ita se habere, quid potest esse iam causa, cur dubitemus, suam cuique sphaera substantiam immobilem, aeternamque attribuere, quae motionē illā perpetuā & continētem citet! Etenim cū natura stellarū, sempiterna quaedā substantia sit, talem item esse quāq; uim mouētē necesse est: id enim quod mouet, prius est moto: & quod prius est substantia, substantiā esse cōfiteādū est, cū nihil aliud sine huius generis adminiculo possit consistere. Itaque si unus simplexq; motus, ab una & simplici causa nascitur, ut demonstratum est ab Aristotele, concludendum uidetur, quot stellarum sint cursus, conuersionesque globorum, totidem substantias mouentes esse natura sempiterna, planēque immobili, quae non sensu, sed intelligentia continentur, cum sint corporis expertes: neq; secari, aut diuidi possint, propterea quod uim habeant infinitam, ut supra diximus, nullāq; uis talis in aliqua magnitudine existat. Quod igitur quaeuebamur, unā substantia immobilis esset, an plures, quoiq; numero essent, id iam inuestigatum nobis, compertūque est: itēque illud apparere potest, ut quisque globus ordine antecedit aut sequatur, ita quamque substantiam aut priorem aut posteriorem esse, quod astrorum mentiūque suarum unus idēque sit ordo atque descriptio. Neque uerō sumus nescii, quid hominī christiano de numero earum & natura sit sentiendum, sed nunc Aristotelem interpretamur, deinceps fauente Deo theologiae nostrae oracula sancta explicaturi. Itā itaque mentē praestantissimā, quae uniuersam aetheris molē concitatissima circūuēctione cōuersat, primū lo cū obtinere, & reliquis substantiis immobilibus natura

et dignitate anteire, uel globi eius præstātia, cui præpo-
sita est, apertissime nobis indicare potest: uidemus enim
reliquos orbes ad illius motum, et conuersionē dirigere
suos cursus tanq̃ ad finem, idēque altissimā nactus est
regionem, atque à nostris domiciliis longissime distantē,
qualem obtinere decebat primāpem orbium reliquorū,
mundique præcipuum moderatorem. Amplitudo uerò
eius est tanta, ut cætera contineat atque arceat complexu
suo, à nullo contineatur ipse. Quid loquar de innumera-
bili multitudine stellarum, quæ in eo infixæ splendore
suo, et admirabili pulchritudine insatiabile spectaculū
mortalibus præbent, et cunctis naturis uitālē uim lar-
giuntur et maxime salutarē, cum reliquæ sphaera unius
tantum syderis candore colluceant! Quid mobilitas: nō-
ne tam rapida, tamque incitata est, ut cum inferiora sy-
dera multū temporis consumant in lustrādis minoribus
circulis, ipse uno circuitu diem, noctēque conficiat! Ita-
que mens tam nobile, tamq̃; præclarū animans corpus,
sine dubitatione cæteris mentibus diuinis non loco solū,
sed natura etiā prior esse, atq; honore ac dignitate plu-
rimū antecellere putanda est. Quinetiā ut quæq; sphae-
ra superiorem locū tenet, ita superiore ac potiore cōdi-
tione est, ut quorundam Aristotelicorū est sententia: do-
cent enim cōtinētia corpora uim formæ maiorem ob-
tinere, et ob eam causam perfectiora esse, multoq; an-
testare, atque ad ea, quæ cōtineantur, eandem habere
proportionem cōparationēque quā totum ad partem
habet. Quinetiā in sese cohibere
patere uideatur:
atq; effe-

Horē esse constet, inde fieri dicunt, ut quo stella quæ
 que uiciorem illi orbem teneat, hoc effectus pariat di
 uturniores: & cum tres primæ superiores ad natu
 ras rerum caducarum stabiliendas, optimèq; temperan
 das, & tuēdas uim habeant admirabilem, reliquas infe
 riores ad motū, & uarietates efficiēdas plurimū uale
 re cōfirmāt, eoq; in genere pulcherrimā Solis stellā prin
 cipatū obtinere, potentiāq; illius in rebus immutandis
 maxime insignem atque illustrem existere: unde fortas
 se factum est, ut homines docti illam ducem appellarēt,
 ac principem, & moderatricem luminum reliquorum,
 mundi; mentem, & temperationem: quāquam id ma
 gis eos impulsisse uidetur ad hæc dicenda, q̄ uiderēt glo
 bum Solis & splendore, & magnitudine longe præsta
 re, & reliquorū syderum motionibus uagus moderari.
 quæ quidē consideratio tātū momenti habet, ut nonnul
 li Peripatetici nobiles existimārint, non absurdam eam
 opinionem fore. si quis dicat, mentem illam, quæ cursum
 temperat Solis, nobilitate proximam esse ab altissima,
 primāq; eius p̄geniem existere, unde postea mens stel
 læ Saturniæ propagetur. Quod si quæ sphaera altitudi
 ne præstant & capacitate, eadem præstant dignitate,
 excellentiāque naturæ, idem profectò euenire necesse est
 in mentes illas diuinas, quarū illa opera uolubilitate sem
 piterna uersantur. Sed quærat aliquis, cur errantium
 syderū ea, quæ propius à terra absunt, celeritate uigēat,
 suōsq; citius cōficiant & peragrent orbēs, q̄ superiora?
 Ecquid accidere id dicendum est, q̄ in mentibus earum
 insit uis, atq; præstantia: at hoc repugnat iis, quæ
 modo. An potius hæc minores ambitus lu

stant, altiora autem magnitudine corporū tardiora esse
uidentur, cum tamen uelocissime moueantur: Quod su-
perest, quando accurata ueritatis inquisitione ad eam
scientiam peruentum est, ut iam compertum explora-
tūque planè habeamus, substantias immobiles, quæ
mentes singulares appellantur, plures una existere, res
perfectò postulare uidetur, ut de procreatione illarum,
et perfectione nonnulla differamus de sententia Peri-
pateticorum, idq; breuiter et summatim: uenit enim no-
bis in mentem aliquando uereri, ne cui nostra hæc dispu-
tationes ultra, quàm satis est, procedere uideātur: quā-
quam res grauissima, maximèque difficiles neque occu-
patis hominibus scribuntur, neque delicatis. quòd si quis
amore philosophiæ incensus sese in literas abdidit, et
omne suum studium ueritatis indagationi dicauit, huic
certe nulla oratio aut longior, aut curiosior uideri pos-
sit, quæ de rebus maximis, et ad cognitionem pul-
cherrimis habeatur. Principio aiunt Peripatetici, unam
quaque mentem singularem seipsam intelligere, idq; pla-
num fieri ex eo, quod menti nostra contingere uidea-
mus, quæ percipiendis iis, quæ sub intelligentiam ca-
dunt, seipsam soleat cognoscere, cum eius essentia sit ea-
dem, quæ rerum animo comprehensarum. quòd si
mens hominis, propterea quia materia nō est affixa, tã-
etsi ex ea pendere uideatur, præclaram illam uim con-
secuta est, ut sese, cōuertat in formam eius quod intelligit,
et unum ac idem efficiatur atq; illud: quid quæso dicē-
dum est de mentibus illis solutis, ac liberis, et ab omni
cōcretionē seiunctis, planèq; integris, atq; sinceris: quis in
quā dubitet, in eo genere intelligentē, atq; id, quod intelli-

gitur, magis unum effici, quàm efficiatur in nobis: Expli-
 catum est autē in libris de anima, id, quod intelligitur,
 intelligentis esse formam, & perfectionem, ut confiten-
 dum esse uideatur, quod percipiant mentes singulares
 præter semetipsas, id causam quodāmodo efficiētem, &
 formā, & finem ipsarū existere: & quæ sic procreata
 sint, neccessario procreatores suos intelligentia comprehē-
 dere: atque ista reciprocari, ut quod intelligit mens præ-
 ter semetipsam, id eam fingat & format: & quod mentē
 fingit & format, id ab ea intelligatur, planeq; noscatur.
 neq; enim fieri potest, ut effectus aliquis scientiā sui cōse-
 quatur, quin idē causam norit unde manat & gignitur:
 atqui mens quæq; seipsam intelligit, igitur causam quoq;
 suā intelligit. Cū autē mens una prima existat, quæ seip-
 sam cōprehendat, reliquas autem omnes comprehensa
 progignat, idemq; sit in eo maxime genere intelligens intel-
 lectumq;, & ob eam causam illarum quæque sit una,
 non tamen hinc effici putandum est, eadem mentes om-
 nes simplicitate præditas esse: hoc enim posito, tolletur
 omne præstantiæ perfectionisque discrimen, & ultima
 primis esse paria, concedendum erit: neque iam unus exi-
 stet princeps, qui sit omnium pfectissimus, atque optimus,
 maximēq; simplex. & cunctarū rerum æternarū adu-
 carumq; potestate dignissimus. Itaq; in rebus celestibus
 hanc simplicitatis & cognitionis rationem atque ordi-
 nē esse uolūt philosophi ab Aristotele profecti, perfecte
 enim simplicē, atq; unū esse iudicant summum Deū, qui
 semetipsum intelligat, nullo aduēticio, externoq; adiu-
 mento ad id munus præstantissimum fungendū utens. Ad e-
 ius autē perfectionem proxime accedere sentiūt secundā

mentem , quæ ex illius intelligentia nascatur , eoque solo ,
atque uno ad se noscendum egeat. Tertium gradum te-
nere dicunt secundam procreationē , eius uerò iam du-
plicem causam esse: primum dico principium , & secun-
dum , quorum illa cognitione consistat , eoque minus sim-
plicem , minusque indiuiduā existere: & quo longius ab
altissima mente substantiæ recesserint , eo plus concretio-
nis & copulationis in sese continere , quæ earū intelligentia
plura principia cōplectatur , à quibus formā , uim , essen-
tiā accipiat . quod si quæque illarū debeat una existere , neces-
se est profectò , ut quod uenit in cuiusque intelligentiam ,
existat & ipsum unum: id autē una ratione fieri potest ,
si plura illa principia , quibus intelligendis unaquæque o-
ritur , atque cōsistit , ad unum omnia sese efferāt , aggre-
gentque; principium , quod est uere unum , & simplex , perfe-
ctumque; , causaque; salutaris , & præpotens , quamobrem
multa & sint & numerentur: & quo quicque propius ,
aut longius ab illo abesse contigerit , hoc magis aut minus
cum eo naturam simplicitatis & unius communicatam
esse , necesse est . quo fit ut mens humana , quæ infimum lo-
cum teneat , ante reliquas omnes mentes concreta &
multiplex esse uideatur . Hæc Peripatetici , sed ueri-
tas huius questionis à theologia Christiana petēda est ,
quæ delapsa de calo sola potest de hoc genere uerissi-
ma sentire , & loqui : nos autem ad emulcandas
Aristotelis sententias iam reuertamur . Conclufum est
argumentis huius philosophi , tot substantias immo-
biles esse numerandas , quot essent conuerfiones cæ-
lestium globorum . est autem numerus earum accipien-
dus ab astrologia , quæ ex disciplinis mathematicis

archissimam cum philosophia societatem habet, quod
 ipsius inquisitio, contemplatioque ad substantiam spe-
 ctet corpoream illam quidem, sed perennem, ac sempi-
 ternam: reliquæ autem omnes in iis, quæ ipsi substantiæ
 adiuncta sunt, uersari soleant, ut arithmetica, ac geome-
 triæ sciëntia: quarum altera numeros, altera magnitudi-
 nes considerat. Plures itaque motiones eorū corporum
 esse, quæ uoluntur in cælo, uel iis apertum esse debet,
 qui scientiam syderum leuiter attigerūt: stellarum enim
 uagantium quæque non una, sed multiplici conuersione
 circumfertur, quæ quidem de re sic explicant astrologiæ
 doctores, syderū triplicem esse motionem: quarum una
 ab uniuersis mortalibus aspectu oculorum comprehen-
 datur, eā dico, quæ sydera ab oriente commeant ad oc-
 cidentem: alteram autem à uulgarī intelligentia remo-
 tam esse, quam Mathematici obseruando notent, non-
 nullis operibus manu factis ad eam inuestigationem usi:
 atque id quidem motionis genus bipartitum esse docet,
 quod nonnulla breuī tempore, quædam uix longinqua
 obseruatione animaduerti soleant, quales fortasse iner-
 rantium stellarum lapsus munere possimus, quos anti-
 quiorum nemo percepit, at uagantium syderum cursus,
 non ita longo tempore ad obseruandum egent: lustratio
 enim Solis annum spatium, lunæ non amplius men-
 struum requirit. Tertiū motionis genus nulla uel immēse
 temporis animaduersione notari potest, nam sola ratio-
 nis, & cogitationis uia ad illius scientiam peruenitur:
 siquidem plures errantium cursus ad sensum & speciē
 sunt uniusmodi & simplices, quos ratio docet copulatos
 esse & multiformes. uideas enim illas tū uelocius labi,

cum tardius: tum anteuersus celerare, tum retrorsum ue-
hi: tum ad cali uerticem australem conuertere curri-
culum, tum ad aquilonalē. atqui repugnat id naturæ cor-
poris ætherij, cuius agitationem omnē & simplicem, &
ab omni temeritate atque inconstantia remotissimā esse
oportet, ut ab Aristotele in libris de motu apertissimē
demonstratum est. Quæ cū diligentius animaduertent
Mathematici, necesse habuerunt introducere multiplices
motus, quibus isti errores, & quasi fortuitæ cōuersiones
ad ordinem adducerētur. de numero autē eorū expone-
mus breuiter sentētiās quorundā astrologorū, quo defi-
nitam aliquā summā possimus in animis nostris habere
informata: neque tamen hac simplicia expositione cōtē-
ti esse debemus, aut satis esse putare ea, quæ à superio-
ris ætatis hominibus reperta sint, sed quædā nos inuesti-
gare cōueniet, quædā item ab iis perdiscere, qui omne tē-
pus inquirendo, & scrutādo in rerū cælestiū cogniti-
one consumūt: qui siquid eorū, quæ dicuntur, minus appro-
barint, aut noui aliquid ipsi suo præstanti ingenio pepe-
rerint, maxima certe gratiæ & iis, & ueteribus habē-
dæ atque agenda erunt, quorū opera ad perceptionem,
cognitionemq; rerum pulcherrimarū adiuti fuerimus:
eā uerò sententiā tenebimus, quæ ad similitudinem ueri
uideatur esse propensior. Hæc præfatus Aristoteles ad
explicandas opiniones Eudoxi, & Callippi de numero
sphærarū aggreditur, summā totius rei breuiter expo-
nēs, q̃ earum rerū tractatio diligens ad astrologiæ po-
tius, q̃ primæ philosophiæ munus spectare uideatur:
quāobrem nec nos quidē in iis explanādis quicquā com-
morati sumus, cū præsertim sciremus, Hieronymū Fra-

Fracastorium hanc partem eleganter, & enucleatè inter-
 pretatum esse in suis Homocentricis, quem librum ille
 hoc anno misit ad P A V L V M I I I. Pont. Max.
 Etenim cum Hipparchus, & qui secuti sunt eum, natu-
 ralem astrologiæ cum philosophia societatem diremisi-
 sent, easque disciplinas interpositis nescio quibus circulis
 commenticiis & fictis ita distraxissent, ut nulla amplius
 ratione coire posse uiderentur, extitit aliquando Ioan-
 nes baptista Turrianus eximium sæculi nostri decus, qui
 duarum grauissimarum artium dissensionem ac diffi-
 dium molestissimè ferret: itaque magnitudine fretus in-
 geniij, & doctrinæ, quibus rebus, ut cæteris omnibus
 uirtutibus, mirabiliter florebat, instituerat eas recon-
 ciliare, atque ad pristinam reuocare concordiam: iam-
 que huius pulcherrimi conatus præclara fundamenta
 iecerat, cum subito eæ uis mortifera morbi hominem
 immortalitate dignum inuasit, qua ille consumptus ad
 ea sydera migravit, quæ dies ac noctes cogitatione per-
 agrabat, Italiam sua clarissima luce orbatam, & gra-
 uissimo mœrore confectam relinquens. Agenda sunt
 igitur immortales gratiæ Hieronymo Fracastorio, uiro
 omni liberali doctrina politissimo atque perfectò, qui
 cum à Turriano homine sibi amicissimo nonnulla se-
 mina eius disputationis accepisset, ex iis pulcherrimos
 atque uberrimos foetus propagauit, edito libro diuino
 & planè cælesti, in quo eorum omnium, quæ in cur-
 sibus stellarum admirabilia, & quasi contra ratio-
 nem accidere uidentur in cælo, tam luculentè, tam-
 que subtiliter causas persecutus est omnes, ut ex iis lo-
 cis uenisse, non ut eas ipse reperisse uideatur, ita omnia

detur, atq; excellere, sit illius præstatiſſimæ naturæ ad
umbratū ſimulachrum, & quædā obſcuriſſima imago.
Hiſ rebus ad hunc modum explicatis, ſatis perſpicue
docuiſſe uidemur, ſubſtantiā aliquam eſſe immobilem,
ac ſempiternam, & ab omni earum rerum, quæ ſenſu
continentur, coniunctione ſecretam. Explicatum eſt au-
tem in libris de motu, eandem nulla magnitudine præ-
ditam eſſe, ſed partibus carere, atque indiuiduam exiſte-
re, neque ulla ratione ſecari diſtrahiſque poſſe, quippe
quæ motum calō afferat ſempiternum: ex quo intelligi
debet, uim eius infinitam eſſe, neque ullis ſeculorum ter-
minis circunſcriptam: cumq; nihil finitum infinitam uim
habere poſſit, ſubſtantiā immobilem omni magnitudi-
ne terminata carere neceſſe eſt: at immenſam, atque in-
terminatam habere quī poſſit, cum nulla amplitudo ta-
lis exiſtat in rerum natura: ut alibi argumentis neceſſa-
riis ab Ariſtotele concluſum eſt. Itaque cum omnis ma-
gnitudo uel finita ſit, uel infinita: ſequitur, quod immen-
ſis uiribus præditum ſit, id neque corpus eſſe, neque ul-
lam cum corporibus ſocietatem habere. Declaratum eſt
item, eandem ſubſtantiā impatibilem exiſtere, omnemq;
effugere uim, atque impreſſionem earum rerum, quæ ua-
riè ſenſus afficere ſolent, quod genus Græci ἀλλοίωσις,
noſtri philoſophi alterationem uocant. Id uerò ita eſſe,
facile quiuis intelligat, ſi ſecum ipſe conſideret, reliquos
motus omnes eſſe poſteriores illo, qui ad locum perti-
neat: quo motu cum prima omnium rerum cauſa uacua
ſit, cæteris item carere, ratio ipſa docet: ſublato enim pri-
mo, omnia conſequentia tolluntur: itaque in nullam pla-
nè rem uideas cadere cæteras mutationes, quin eandē

mobilitate loci præditam cernas. Et profectò intueri licet, in hac pulcherrima uniuersi descriptione admirabilem quendam ordinem adhibitum esse, ut à primis naturis, & quodammodo inchoatis ad perfectiores semper ascenderetur, usque dum ad ultimas, absolutissimæque peruentum esset. Etenim cum omnem naturam corpoream mobilem esse oporteret patibilemque, quæ corpora caduca forent, magisque cōcreta, ea omni mutationum generi proposita fuerunt, ut nulla uis externa esset, quam acipere, ferrèque non possent: at globi ætherij, qui facile inter cunctas naturas corporeas excellerent, mutationem loci, quæ præstantior esset, adepti sunt, reliquas omnes effugerunt. Gradus autem rerū altissimus est earū mentiū, quæ sine corporibus uitæ colūt beatissimā, & sempiternā: quas decuit esse omnino impatibiles, immobiles, omnisque mutationis expertes, cū cæteris omnibus ipsæ & motum afferrent, & tantum ad honorem & dignitatem antecellerent, quantum ne cogitatione quidem comprehendere potest. Neque uerò nos præterit, quæ paulo ante à nobis breuissimè præstricta fuerūt de ui finita rerum, infinitæque, ea solere à multis copiose dilatari, quòd is locus amplissimam disputandi materiam subministraret: sed nos suis quæque locis dicenda existimamus, quamobrem hæc quæstiones ad libros de motu cum pertineant, illarum tractationem eò reseruamus: habemus enim in animo, eos libros interpretari, si uita suppetet, & nostra uoletudinis infirmitas id patietur, interim persequamur illa, quæ magis attingunt eā disputationem, quæ nobis à principio instituta est: cūmq; aperte docuerimus, substantiā aliquam immobilem esse

atque eternam, in qua nihil admistum insit concretum
ue: nunc, quod reliquum est, quæramus, unāne existat hu
ius generis, an plures: & si plures, quot numero sint po
nenda. Sed operæpretium est, aliorū quoque dicta me
minisse, & commemorare, quanquam nemo ferè ante
Aristotelem quicquam suspicatus est de substantiis cor
pore uacantibus, præter idearum inuentores, qui tamen
ipsi ad hanc nostram quæstionem explicandam nihil
omnino definiti, aut perspicui suppeditare possunt. ete
nim ideas esse numeros uolunt, de numerorū autem co
pia nihil habent planè, quod liqueat: modo enim infi
nitam eorū multitudinē introducunt, modo tantam pau
citatem, ut eos ultra decem procedere nō putēt: neq; ta
men, cur ita definiant numeros doceant, aut argumentum
aliquod graue, & necessarium ad fidem facien
dam adhibent. Nobis autem ea, quæ disputata sunt
adhuc, uiam facilem & compendariam aperire uidē
tur, qua possimus ad ueritatē huius quæstionis perueni
re. Docuimus enim unū esse principiū uniuerſi, quod ip
sum planè immobile manens, motum primum cieret, e
undemque unum ac sempiternū. cum uerò omnia, quæ
mouentur, ab aliquo moueantur, & principium mouē
di immobile esse, & sempiternum motū à sempiterno,
unūq; ab uno manare sit necesse: cumq; præter conuer
sionē illam simplicem, qua prima mens immobilis uni
uersum æthera ab ortu ad occasum immutabili ratione
in orbē contorquet, uideamus alias item æternas arcū
uectiones earum stellarum, quæ errare dicuntur: cor
pus enim uolubile, ac rotundum & immortalī est natu
ra, & semper in motu est, ut in physicis explicatū fuit.

hac omnia cum uideamus ita se habere, quid potest esse iam causæ, cur dubitemus, suam cuique sphaera substantiam immobilem, aternamque attribuere, quæ motionē illā perpetuā & continētem ceter! Etenim cū natura stellarū, sempiterna quædā substantia sit, talem item esse quāq; uim mouētē necesse est: id enim quod mouet, prius est moto: & quod prius est substantia, substantiā esse cōfiteādū est, cū nihil aliud sine huius generis adminiculo possit consistere. Itaque si unus simplexq; motus, ab una & simplicia causa nascitur, ut demonstratum est ab Aristotele, concludendum uidetur, quot stellarum sint cursus, conuersionesque globorum, totidem substantias mouentes esse natura sempiterna, planēque immobili, quæ non sensu, sed intelligentia continentur, cum sint corporis expertes: neq; secari, aut diuidi possint, propterea quod uim habeant infinitam, ut supra diximus, nullāq; uis talis in aliqua magnitudine existat. Quod igitur quærebamus, unāne substantia immobilis esset, an plures, quotq; numero essent, id iam inuestigatum nobis, comperitūque est: itēque illud apparere potest, ut quisque globus ordine antecedit aut sequatur, ita quamque substantiam aut priorem aut posteriorem esse, quod astrorum mentiūque suarum unus idēque sit ordo atque descriptio. Neque uerō sumus nescii, quid homini christiano de numero earum & natura sit sentiendum, sed nunc Aristotelem interpretamur, deinceps fauente Deo theologiæ nostræ oracula sancta explicaturi. Itam itaque mentē præstantissimā, quæ uniuersam ætheris molē concitatissima arcūuectione cōuersat, primū locū obtinere, & reliquis substantiis immobilibus natura

et dignitate antequam, uel globi eius præstātia, cui præpo-
sita est, apertissime nobis indicare potest: uidemus enim
reliquos orbes ad illius motum, et conuersionē dirigere
suos cursus tanq̃ ad finem, idēque altissimā nactus est
regionem, atque à nostris domiciliis longissime distan-
tē, qualem obtinere decebat principem orbium reliquorū,
mundique præcipuum moderatorem. Amplitudo uerò
eius est tanta, ut cætera contineat atque arceat complexu
suo, à nullo contineatur ipse. Quid loquar de innumera-
bili multitudine stellarum, quæ in eo infixæ splendore
suo, et admirabili pulchritudine insatiabile spectaculū
mortalibus præbent, et cunctis naturis uitalē uim lar-
guntur et maxime salutarē, cum reliquæ sphaera unius
tantum syderis candore colliceant: Quid mobilitas: non-
ne tam rapida, tamque incitata est, ut cum inferiora sy-
dera multū temporis consumant in lustrādis minoribus
circuitis, ipse uno circuitu diem, noctēque conficiat: Ita-
que mens tam nobile, tamq̃ præclarū animans corpus,
sine dubitatione cæteris mentibus diuinis non loco solū,
sed natura etiā prior esse, atq̃ honore ac dignitate plu-
rimū antecellere putanda est. Quinetiā ut quæq̃ sphae-
ra superiorem locū tenet, ita superiore ac potiore cōdi-
tione est, ut quorundam Aristotelicorū est sententia: do-
cent enim cōtinētia corpora uim formæ maiorem ob-
tinere, et ob eam causam perfectiora esse, multoq̃ an-
testare, atque ad ea, quæ cōtineantur, eandem habere
proportionem cōparationēque quā totum ad partem
habet: itaque stellas altiores efficiētia in sese cohibere
potiorē, quæq̃ in omnes partes latius patere uideatur:
cūq̃ altissimum globum æternitatis parentē, atq̃ effe-

etorē esse constet, inde fieri dicunt, ut quo stella quæ
 que uiciniorē illi orbem teneat, hoc effectus pariat di
 uturniores: & cum tres primæ superiores ad natu
 ras rerum caducarum stabiliendas, optimeq; temperan
 das, & tuēdas uim habeant admirabilem, reliquas infe
 riores ad motū, & uarietates efficiēdas plurimū uale
 re cōfirmāt, eoq; in genere pulcherrimā Solis stellā prin
 cipatū obtinere, potentiāq; illius in rebus immutandis
 maxime insignem atque illustrem existere: unde fortas
 se factum est, ut homines docti illam duce[m] appellarēt,
 ac principem, & moderatricem luminum reliquorum,
 mundi; mentem, & temperationem: quāquam id ma
 gis eos impulsisse uidetur ad hæc dicenda, q[uod] uiderēt glo
 bum Solis & splendore, & magnitudine longe præsta
 re, & reliquorū syderum motionibus uagis moderari.
 quæ quidē consideratio tātū momenti habet, ut non mul
 ti Peripatetici nobiles existimārint, non absurdam eam
 opinionem fore. si quis dicat, mentem illam, quæ cursum
 temperat Solis, nobilitate proximam esse ab altissima,
 primāq; eius p[ro]geniem existere, unde postea mens stel
 læ Saturniæ propagetur. Quod si quæ sphaera altitudi
 ne præstant & capacitate, eadem præstant dignitate,
 excellentiaque natura, idem profectō euenire necesse est
 in mentes illas diuinas, quarū illæ opera uolubilitate sem
 piterne uersantur. Sed quærat aliquis, cur errantium
 syderū ea, quæ propius à terra absunt, celeritate uigēt,
 suōsq; citius cōficiant & peragrent orbēs, q[uam] superiora?
 Ecquid accidere id dicendum est, q[uod] in mentibus earum
 maior insit uis, atq; præstantia: at hoc repugnat iis, quæ
 dicta sunt modo. An potius hæc minores ambitus lux

strant, altiora autem magnitudine corporū tardiora esse
uidentur, cum tamen uelocissime moueantur: Quod su-
perest, quando accurata ueritatis inquisitione ad eam
scientiam peruentum est, ut iam compertum explora-
tūque planè habeamus, substantias immobiles, quæ
mentes singulares appellantur, plures una existere, res
profectò postulare uidetur, ut de procreatione illarum,
& perfectione nonnulla differamus de sententia Peri-
pateticorum, idq; breuiter & summatim: uenit enim no-
bis in mentem aliquando uereri, ne cui nostræ hæc dispu-
tationes ultra, quàm satis est, procedere uideātur: quā-
quam res grauissima, maximèque difficiles neque octu-
patis hominibus scribuntur, neque delicatis. quòd si quis
amore philosophiæ incensus sese in literas abdidit, &
omne suum studium ueritatis indagationi dicauit, huic
certe nulla oratio aut longior, aut curiosior uideri pos-
sit, quæ de rebus maximis, & ad cognitionem pul-
cherrimis habeatur. Principio aiunt Peripatetici, unam
quaque mentem singularem seipsam intelligere, idq; pla-
num fieri ex eo, quod menti nostræ contingere uidea-
mus, quæ percipiendis iis, quæ sub intelligentiam ca-
dunt, seipsam soleat cognoscere, cum eius essentia sit ea-
dem, quæ rerum animo comprehensarum. quòd si
mens hominis, propterea quia materiæ nō est affixa, tã-
etsi ex ea pendere uideatur, præclaram illam uim con-
secuta est, ut sese cōuertat in formam eius quod intelligit,
& unum ac idem efficiatur atq; illud: quid quæso dicē-
dum est de mentibus illis solutis, ac liberis, & ab omni
cōcretionē seiunctis, planèq; integris, atq; sinceris: quis in
quā dubitet, in eo genere intelligentē, atq; id, quod intelli-

gitur, magis unum effici, quàm efficiatur in nobis: Expli-
 catum est autē in libris de anima, id, quod intelligitur,
 intelligentis esse formam, & perfectionem, ut considen-
 dum esse uideatur, quod percipiant mentes singulares
 prater semetipsas, id causam quodāmodo efficiētem, &
 formā, & finem ipsarū existere: & quæ sic procreata
 sint, necessario procreatores suos intelligentia comprehē-
 dere: atque ista reciprocari, ut quod intelligit mens præ-
 ter semetipsam, id eam fingat & format: & quod mentē
 fingit & format, id ab ea intelligatur, planēq; noscatur.
 neq; enim fieri potest, ut effectus aliquis scientiā sui cōse-
 quatur, quin idē causam norit unde manat & gignitur:
 atqui mens quæq; seipsam intelligit, igitur causam quoq;
 suā intelligit. Cū autē mens una prima existat, quæ seip-
 sam cōprehendat, reliquas autem omnes comprehensa
 progignat, idemq; sit in eo maxime genere intelligens intel-
 lectumq;, & ob eam causam illarum quæque sit una,
 non tamen hinc effici putandum est, eadem mentes om-
 nes simplicitate præditas esse: hoc enim posito, tolletur
 omne præstantiæ perfectionisque discrimen, & ultima
 primis esse paria, concedendum erit: neque iam unus exi-
 stet princeps, qui sit omnīū pfectissimus, atque optimus,
 maximeq; simplex. & cunctarū rerum æternarū cadu-
 carumq; potestate dignissimus. Itaq; in rebus celestibus
 hanc simplicitatis & cognitionis rationem atque ordi-
 nē esse uolūt philosophi ab Aristotele profecti, perfecte
 enim simplicē, atq; unū esse iudicant summum Deū, qui
 semetipsum intelligat, nullo aduēticio, externoq; adiumen-
 to ad id munus præstantissimum fungendū utens. Ad e-
 ius autē perfectionem proxime accedere sentiūt secūda

mentem , quæ ex illius intelligentia nascatur , eoque solo ,
atque uno ad se noscendum egeat. Tertium gradum te-
nere dicunt secundam procreationē , eius uerò iam du-
plicem causam esse: primum dico principium , & secun-
dum , quorum illa cognitione consistat , eoque minus sim-
plicem , minusque indiuiduā existere: & quo longius ab
altissima mente substantiæ recesserint , eo plus concretio-
nis & copulationis in sese cōtinere , q̃ earū intelligentia
plura principia cōplectatur , à quibus formā , uim , essen-
tiā accipiat. q̃ si quæq; illarū debeat una existere , neces-
se est profectò , ut quod uenit in cuiusque intelligentiam ,
existat & ipsum unum: id autē una ratione fieri potest ,
si plura illa principia , quibus intelligendis unaquæque o-
ritur , atque cōsistit , ad unum omnia sese efferāt , aggre-
gentq; principii , quod est uere unum , & simplex , perfe-
ctumq; , causaq; salutaris , & præpotens , quamobrem
multa & sint & numerentur: & quo quicque propius ,
aut longius ab illo abesse contigerit , hoc magis aut minus
cum eo naturam simplicitatis & unius communicatam
esse , necesse est. quo fit ut mens humana , quæ infimum lo-
cum teneat , ante reliquas omnes mentes concreta &
multiplex esse uideatur . Hæc Peripatetici , sed ueri-
tas huius quæstionis à theologia Christiana petēda est ,
quæ delapsa de calo sola potest de hoc genere ueris-
sima sentire , & loqui : nos autem ad enucleandas
Aristotelis sententias iam reuertamur . Conclusum est
argumentis huius philosophi , tot substantias immo-
biles esse numerandas , quot essent conuersiones cæ-
lestium globorum. est autem numerus earum accipien-
dus ab astrologia , quæ ex disciplinis mathematicis

arctissimam cum philosophia societatem habet, quod ipsius inquisitio, contemplatioque ad substantiam spectet corpoream illam quidem, sed perennem, ac sempiternam: reliquæ autem omnes in iis, quæ ipsi substantiæ adiuncta sunt, uersari soleant, ut arithmetica, ac geometria scientia: quarum altera numeros, altera magnitudines considerat. Plures itaque motiones eorū corporum esse, quæ uoluntur in calo, uel iis apertum esse debet, qui scientiam syderum leuiter attigerūt: stellarum enim uagantium quæque non una, sed multiplici conuersione circunfertur, quæ quidem de re sic explicant astrologi doctores, syderū triplicem esse motionem: quarum una ab uniuerfis mortalibus aspectu oculorum comprehendatur, eā dico, quæ sydera ab oriente commeant ad occidentem: alteram autem à uulgari intelligentia remotam esse, quam Mathematici obseruando notent, nonnullis operibus manu factis ad eam inuestigationem usit atque id quidem motionis genus bipartitum esse docēt, quod nonnulla breui tempore, quædam uix longinqua obseruatione animaduerti soleant, quales fortasse errantium stellarum lapsus numerare possimus, quos antiquiorum nemo percepit, at uagantium syderum cursus, non ita longo tempore ad obseruandum egent: lustratio enim Solis annum spatium, lunæ non amplius mensurum requirit. Tertiū motionis genus nulla uel immēse temporis animaduersione notari potest, nam sola rationis, & cogitationis uia ad illius scientiam peruenitur: siquidem plures errantium cursus ad sensum & speciem sunt uniusmodi & simplices, quos ratio docet copulatos esse & multiformes. uideas enim illas tū uelocius labi,

tum tardius: tum anteuersus celerare, tum retrorsum ue-
hi: tum ad celi uerticem australem conuertere curricu-
lum, tum ad aquilonalē. atqui repugnat id natura cor-
poris ætherij, cuius agitationem omnē & simplicem, &
ab omni temeritate atque inconstantia remotissimā esse
oportet, ut ab Aristotele in libris de motu apertissimē
demonstratum est. Quæ cū diligentius animaduernerent
Mathematici, necesse habuerunt introducere multiplices
motus, quibus isti errores, & quasi fortuitæ cōuersiones
ad ordinem adducerentur. de numero autē eorū expone-
mus breuiter sentētiās quorundā astrologorū, quo defi-
nitam aliquā summā possimus in animis nostris habere
informatam: neque tamen hac simplici expositione cōtē-
ti esse debemus, aut satis esse putare ea, quæ à superio-
ris ætatis hominibus reperta sint, sed quædā nos inuesti-
gare cōueniet, quædā item ab iis perdiscere, qui omne tē-
pus inquirendo, & scrutādo in rerū celestium cognitio-
ne consumūt: qui siquid eorū, quæ dicuntur, minus appro-
barint, aut noui aliquid ipsi suo præstanti ingenio pepe-
rerint, maxima certe gratiæ & iis, & ueteribus habē-
dæ atque agenda erunt, quorū opera ad perceptionem,
cognitionemq; rerum pulcherrimarū adiuti fuerimus:
eā uerò sententiā tenebimus, quæ ad similitudinem ueri
uideatur esse propensior. Hæc præfatus Aristoteles ad
explicandas opiniones Eudoxi, & Callippi de numero
sphaerarū aggreditur, summā totius rei breuiter expo-
nēs, q̄ earum rerū tractatio diligens ad astrologiæ po-
tius, q̄ primæ philosophiæ munus spectare uideatur:
quāobrem nec nos quidē in iis explanādis quicquā com-
morati sumus, cū præsertim sciremus, Hieronymū Fra-

Frastorium hanc partem eleganter, & enucleatè interpretatum esse in suis *Homocentricis*, quem librum ille hoc anno misit ad *PAVLVM IIII. Pont. Max.* Etenim cum *Hipparchus*, & qui secuti sunt eum, naturalem *astrologiæ* cum philosophia societatem diremiserunt, easque disciplinas interpositis nescio quibus circulis commenticiis & fictis ita distraxissent, ut nulla amplius ratione coire posse uiderentur, extitit aliquando *Ioannes baptista Turrianus* eximium seculi nostri decus, qui duarum grauissimarum artium dissensionem ac dissidium molestissimè ferret: itaque magnitudine fretus ingenij, & doctrinæ, quibus rebus, ut cæteris omnibus uirtutibus, mirabiliter florebat, instituerat eas reconciliare, atque ad pristinam reuocare concordiam: iamque huius pulcherrimi conatus præclara fundamenta iecerat, cum subito eae uis mortifera morbi hominem immortalitate dignum inuasit, qua ille consumptus ad ea sydera migrauit, quæ dies ac noctes cogitatione peragrabat, *Italiam* sua clarissima luce orbatam, & grauissimo mœrore confectam relinquens. Agenda sunt igitur immortales gratiæ *Hieronymo Fracastorio*, uiro omni liberali doctrina politissimo atque perfecto, qui cum à *Turriano* homine sibi amicissimo nonnulla semina eius disputationis accepisset, ex iis pulcherrimos atque uberrimos foetus propagauit, edito libro diuino & planè caelesti, in quo eorum omnium, quæ in curvis stellarum admirabilia, & quasi contra rationem accidere uidentur in calo, tam luculentè, tamque subtiliter causas persecutus est omnes, ut ex iis locis uenisse, non ut eas ipse reperisse uideatur, ita omnia

quasi ante oculos ponit, ita nihil usquam occurrit, quod cum physicis rationibus, & primariis ac progressionibus naturæ non mirabiliter consentiat. Itaque magni huius uiri admirabile ingenium, & excellentissima doctrina astrologiæ, philosophiæq; disciplinas multam secula graues inimicitias inter se gerentes felicissime reconciliauit, easq; tam arcto necessitudinis uinculo conglutinauit, ut nullius ingenij calliditas unquam futura sit tanta, quæ possit amplius earum amicitiam dissociare. Quocirca si sententias Eudoxi, & Callipi, atque iis etiam longe meliora de numero globorum cælestium, deq; disparibus eorū motionibus intelligere aueas, ostendimus tibi fontem, unde possis uberrimam omnium earum rerum haurire scientiam, & honestissimam sitim admirabili cum uoluptate restringere: nobis autem hoc loco sit satis, ea, quæ simpliciter exposta sunt ab Aristotele iis de rebus, totidē penē uerbis subscribere de graeco expressa, ne quis forte in nostro hoc opusculo requirerat hanc partem. Eudoxus itaque Solis & Lunæ conuersionem, trinis utramque sphaeris contineri existimabat: quarum prima quidem foret ea, quæ syderum inerrantium esset: secundam uerò sentiebat per eum circulum tendere, qui per medium signiferum orbem duceretur: tertiam per eum ferri, qui obliquus esset in ipsa latitudine signorum. Ampliorem autem latitudinem esse eam, in qua circulus ille obliquus foret, per quem lunæ cursus laberetur, quam is, per quem solis stella celeraret. Errantium autem syderū cuique quaternas sphaeras assignabat, atque earum primam & secundam eandem uolebat esse, quam illarum: etenim quæ inerrantium

foret, eam ipsam esse, quæ omnes circumueheret: illam item cunctis existere communem, quæ sub prima collocata per circulum eum uolueretur, qui per media signa ductus esset: tertiam uero omnium sphaeram suos axes in eodem, quem modo diximus, circulo infixos habere: at quartæ conuersionem per transuersum ad medium circuli eius incitari. Esse autem tertię sphaeræ axes cæteris quidem stellis suis cuique proprios, at Veneris & Mercurij eosdem esse. Callipus autem in globorum descriptione ab Eudoxo nihil discrepabat, nam idem planè utrique ordo, eademq; interualla placebant, totidemq; Saturniæ stellæ, ac benefico Iouis fulguri sphaeras attribuebant: at Solis & Lunæ cursibus duas præterea addendas ipse censebat, si quis earum rerum, quæ in calo apparerent, causas eleganter explicare uellet, cæteris autem errantibus unam cuique adiungebat. Iam uerò si cuncta simul ea deberent efficere, quæ cernerentur, omnino singulis errantibus totidem alteras sphaeras una minus sentiebat adhibendas esse, quæ uersarent retro, & primum globum inferioris astri ad eundem continenter situm reuocarent, hac enim una ratione stellarum uagantium motus eas omnes uarietates efficere posse, quæ aspectu oculorum sentirentur. Cum igitur cæ sphaeræ, in quibus ipsæ conuertuntur, aliæ sint octo, aliæ uiginti quinque, atque infimas solas retro uersari nihil attineat, eas dico, in quibus stella collocata est, sequitur, illas quæ Saturni & Iouis globos retrorsum uoluant, sex esse, X V I autem, quæ id ipsum in iis quatuor efficiant, quæ deinceps cõsequitur. Sphaerarum igitur, quæ ante, retròque uolunt, numerus est L V. quòd si neque

Soli, neque Luna motiones illae adiungantur, quae antea dictae sunt nobis, sphaerae omnes erunt nouem et quadraginta. Summa itaque sphaerarum haec sit, quod obrem etiam substantias ipsas, et principia tum ea quae sunt immobilia, tum etiam quae sub aspectum ueniunt, et motu sempiterno praedita sunt, totidem numero esse, probabile est. Quod si quis rationes illas mathematicorum certas et necessarias requirit, ad eos adeat, censo, qui in isto genere plus nobis ualent. Illud autem scire oportet, nullam sphaerarum conuersionem existere, quae non aliquam stellam uehat. in rerum enim natura nihil inane, nihil est superuacaneum, nihil, quod aliquem usum non habeat. Nulla item substantia incompatibilis, et suapte ui consistens non optima est, maximeque optabilis, et praestantissimi finis rationem obtinens. quae si ita sese habent, facile intellectu est, nullam aliam naturam immobilem incompatibilemque; esse praeter eas quae dictae sunt a nobis. si quae enim aliae sint, moueant certe, cum lationis quaeque finis existat. At fateri necesse est, numerum lationum eundem esse, atque motionum, quae notantur in stellis, idque in promptu erit ea corpora consideranti, quae feruntur. cum enim ita ratio sit comparata naturae, ut omne quod defert, eius corporis causa moueatur, quod defertur, nullaque omnino sit latio, quam non esse oporteat propriam alicuius, quod feratur: concludi uerissime potest, nullam plane lationem sui ipsius gratia, aut lationis alterius existere, sed ipsarum stellarum uectionibus quamque attributam esse. nam si latio gratia lationis existat, cum eadem omnes specie contineantur, quid afferri poterit, cur non illius finem esse alteram itidem lationem concedendum

sit! aut igitur in infinitum progrediendum erit nobis, aut
 si id vitiosum, contraque naturam est, cogemur assevera-
 re, cuique lationi finem esse propositum aliquod eorum
 corporum diuiniorum, quæ tanquam lumina quædam
 accensa mortalibus collucet, perque cæli sanctissima
 templa uolubilitate sempiterna uersantur. Sed quoniam
 ratione conclusum est, mentes singulares eundem nume-
 rum conficere, quem sphaeras, possit aliquis hoc loco in-
 stare, atque urgere, non unum esse mundum, quandoqui-
 dem fuerunt physici non obscuri, qui etiam innumera-
 bilitatem mundorum approbarent: itaque sphaeras, ea-
 rumque mentes ad numerum illorum multiplicandas ef-
 se. Sed huius quæstionis facilis est, atque adeo prompta
 responsio: errat enim apertissime, qui mundos esse plu-
 res suspicatur, quod uel hoc uno argumento confirmari
 potest: si enim mundus specie sit unus, numero multiplex,
 quæ uel inuiti dicere coguntur ñ, qui multitudinem illo-
 rum introducunt, quæ de re copiose disputatum est in li-
 bris de cælo, nimirum quot mundi erunt, totidem e-
 runt prima principia, quæ specie sint eadem, numero
 distinguantur. Atqui materia semper huius distinctionis
 est causa, siquidem una, atque eadẽ est ratio hominum
 cunctorum, neque ullum est in formis eorum discrimen,
 aut dissimilitudo: facit autem materia copulatio, ut inter
 Socratem intersit & Platonem, & quæ ratione sunt
 unum, plura numerari, seiungique possint. qui ergo
 multa sentit esse prima principia, quæ specie sint ea-
 dem, numero distinguantur, idem illa necessario cum ma-
 teria facit esse coniuncta, quod non absurdum modo,
 sed etiam dictu est nefas, nõsque in his commentariis

apertissime iam ostendimus, primum rerum principium,
primamq; formam esse actum simplicem, & ab omni
materiæ contagione purum, atque sincerum. Vna est igitur
ratione, ac numero mens illa, quæ immobilis manens
primum motum regit, ac tuetur: & id ergo, quod perenni,
continuatq; motu dicitur, unum esse fatendum est, id
autem est cælum, ut antea demonstratum est nobis: cælum
itaque, seu mundum esse unum, ac singularem, nemo,
qui sapiat, dubitare unquam possit. Opinio autem
de Diis immortalibus, inquit Aristoteles, à prisca illis,
& ueteribus uirg tradita posteritati peruenit ad nostram
ætatem uariis fabularum tegumentis inuoluta, diuinitatem
scilicet in naturis cælestibus positam esse, & uniuer-
sitatē rerum Augusto Deorum numine contineri:
reliqua uero omnia opinionum commentis sunt referta,
atque ad uulgus, & imperitorum multitudinem per-
suadendam accommodata, prout legum, & utilitatis ra-
tio postulare uidebatur. nam Deos non humana specie
tantum effingere, sed deteriorum etiam animalium for-
mis induere audent, omniaque illorum traducunt ad
similitudinem naturæ mortalis, uescentes enim inducun-
tur, & potantes, & uenerearum uoluptatum illecebris
seruientes, omnibus denique animorum, & corporum
morbis implicati, quibus imbecillitas humana uexatur:
quæ quidem certe, & Deorum maiestate indigna, &
plena sunt futilitatis, impiæq; superstitionis. Hæc igitur
si abiiciantur, primumq; illud tantummodo retineatur,
homines antiquos primis substantiis tribuisse diuinitatem,
nihil profecto aut sapientius, aut diuinius esse di-
ctum, uideri possit. Quid autem uetat suspicari, hanc

præclaram de Diis immortalibus opinionem ante plu-
 rimas seculorum ætates incorruptam, & castam florui-
 se: quem deinde paulatim longinquitas temporum obli-
 terarit, iuxta ut eius obscura quædam uestigia remaneant,
 & illa quidē puerilibus fabulis oblita, & uiolata: cre-
 dibile est enim, philosophiā, & reliquas artes iterū, &
 sapius inuētās esse, & quoad facultas hominum ferret,
 absolutas fuisse, ac perfectas, iterumq; bellorum, aut e-
 luuionum impetu obrutas interisse: quibus de rebus in
 libris Meteoron explicatum est. De numero mentiu sem-
 piternaru satis fermè dictum uidetur, nūc, si placet, ad
 summi Dei cōsiderationē reuertamur. dictum est enim,
 in mentibus diuinis unā esse præclarissimā, quæ sit om-
 nium rerū dominā, quāq; naturæ cunctæ mortales,
 immortalesq; uenerentur, & colāt: inquiramus igitur, si
 fas est, quid illa agat, quid moliat, quāmuē colēs uitā
 tanto principatu sit digna. Etenim si facultatem illa ha-
 beat intelligendi, neque tamen ea utatur, cernere nō pos-
 sumus, quid excellentiæ, aut diuinitatis in ipsis natura
 possit inesse, quin potius illam dormienti comparare co-
 gemur: qui enim somno consopitus iacet, habet ille qui-
 dem obeundi uitæ munera potestatem, cessat tamen, &
 perinde quasi non uiuat, nihil omnino rerum gerit: ut
 recte dixerit Aristoteles in libro de moribus, homines
 beatos, tādū dum dormiūt, miseris nihilo meliores, aut
 beatiore esse. At si continenter intelligit, neque ullo mi-
 nimo temporis puncto id præstabile munus intermittit,
 quærendum restat, quidnam sit illud, quod intelligit: si-
 qua enim externa res illam ciet, & segnem, ac cæsan-
 tem ad agendum excitat, non iam substantia eius est in-

telligendi actus, sed facultas, falsumq; erit, quod saepe as-
firmauimus, illam esse naturam optimam, omniumque
rerum praestantissimam. quicquid enim habet excellen-
tia, ab intelligendi munere habet, quo circa naturam il-
lam, quae mentem primam intellecta intelligentem facit,
& rudem inchoatamq; reddit absolutam atque per-
fectam, longe perfectiorem esse diuiniorēq; fatendum
erit. Iam uero siue intelligendi facultas est ipsis substan-
tia, siue actus, quidnam quāso intelligit? aut enim semet-
ipsam, aut externum aliquid: q; si externū maius, idē-
ne semper, an aliud alio tempore intelligit? Postremo
num quicquam referre existimandum est, utrum bona
& praeclara intelligat, an mala contemptaq;: Atqui ne
hominem quidem probum & sapientem, deceat omni
discrimine remoto quāuis scire uelle, atque perāpere:
& si actio quāque tantidem est, quanti quāque earum
rerum, in quibus ipsa uersatur, nefas uideri possit existi-
mare, Deum rerum intelligendarum nullum habere de-
lectum, sed quadam temeritate in res fuitiles, & cogni-
tione indignas suam operam studiumq; conferre. Nemo
itaque nobis uel grauissimus author persuaserit, Deum
quicquam intelligere, nisi quod est omnium rerum opti-
mum, pulcherrimum, maximēque diuinum: neque illa
de tanto numine probanda est opinio, ipsum uarietate
cognitionis duci, atque adeo curiosum esse, ut multis ē
rebus scientiam carpat, delibētque. quid enim potest
esse causa, cur sapientiae fons à scientia naturae perfe-
ctissimae ad cognitionem deteriore delabatur, cum
praesertim istuc ipsum motione uacare non possit: mens
enim ab intelligendi facultate traducitur ad actum, &

cum omnis motio uim mouentem necessario requirat,
 moueri oportebit, patique ab alio naturam illam, quam
 nos certissimis argumentis antea concluimus, primi qui-
 dem motus efficientem esse, ipsam uero immobilem im-
 patibilemque persistere. Itaque ad ea, quae proposita sunt,
 sine cunctatione dicendum est, diuinam mentem non in-
 telligendi uim existere, sed intellectionem. neque enim a-
 liter intelligendi munus perpetuare possit sine labore ope-
 roso, ac permolesto: scilicet omnis ferè facultas pariter,
 æqualiterque res contrarias capit, & nihil potestatem
 existendi habet, quin idem uideatur posse non existe-
 re. quocirca si mens prima tantum ad intellectionem ua-
 let, quantum ad actum facultas, profectò non ui sua, sed
 aliena continenter intelliget: & cum omne, quod extra-
 neum est & aduentitium, laboriosum esse soleat, diffici-
 le factu erit existimare, continenti ipsius intelligentiæ nul-
 lum laborem intercedere. Existit tamen hoc loco quaestio
 satis obscura, quid enim animi nostri, cū dissolutis cor-
 poribus euolauerunt: nonne continuato, perenniisque in-
 telligendi munere sine ulla defatigatione funguntur, quā-
 quam eā uim non habent, quā requirimus in Deo: quid
 uerò ipsa defatigatio, nonne omnis ex materia grauitate
 ac pōdere existit: cum scilicet uires animales nimia cor-
 poris, aut animi contentione remollescunt: quid igitur la-
 bori cū mēte corporis & materiae omnis experte: postre-
 mo cæli substantiam nemo motum esse dixerit, & cælū
 tamen semper uiget, seque in orbem perpetua, celerrimāque
 replicatione cōtorquet. His plerique disciplinæ Peripateti-
 cæ doctores argumētis adducti esse rationem Aristoteli-
 telis ex probabili genere dixerūt: qui uerò illā necessariā

innumerare solent, unamq; ex iis, quæ redargui, conuelliq;
non possunt, aiunt intelligendi modum esse distinguen-
dum: aut enim acies mentis cuncta simul quasi uno oculo
eorum coniectu conuertitur, aut singula separatim, atque
aliud ex alio comprehendit. primam itaque rationem co-
gnoscenti, delectationem habere dicunt puram, liqui-
damq; , & nulla molestia laboris admixtam: alterã au-
tem sentiendi usum maximopere desiderare, unde uisa,
atque imagines cogitationi suppeditentur, quæ tum hæc,
tum illa menti cõsiderãda proponant. oportet igitur hæc
intelligendi uiam esse difficilem, & laboriosam, pro-
pterea quòd sensus, & quicquid cum materia aptum,
connexumq; est perfacile debilitatur, & frangitur. ita-
que affirmant Deum, si hoc genere cognitionis utatur,
aut laborem grauissimum sentire, aut considerandi nu-
mus intermittere, quippe quem uti ad eam rem ministe-
rio sensuum oportet, ac totam uim Aristotelici argumẽ-
ti in hac sententia positam esse contendunt. sin autẽ mēs
diuina simplici intelligentia comprehendit uniuersa, non
illam quidem defatigari aiunt eo munere ac officio cõ-
tinuando, sed naturam habere uariam & multiformem,
ẽque naturis etiã deterrimis temperatam. Est ita-
que dicẽdum etiã atque etiam, uim diuinam esse germa-
nam intellectiõnem, quæ seipsam tantummodo contem-
pletur: siquid enim extrinsecus illa percipiat, cuiuscunq;
modi illud sit, certe præstantius est Deo, quippe quod fa-
cultatem eius perducatur ad actum, & intelligentiam sup-
peditet intellectum. quin etiam hoc posito, & concessõ,
cum una, atque eadem sit rerum contrariarum facultas,
conficitur, Deum nihilo magis optimarum rerum intel-

ligentem esse quàm deterrimarum : atqui talium rerum
 scientia sordida est , atque homine libero indigna , ne-
 dum Deo: quandoquidem etiam turpissima quæque nõ
 cernere satius est , quàm cernere. Aut igitur intelligentia
 maximi numinis non est optima, aut si nihil hoc absur-
 dius dici, atque existimari potest , certe Deus seipsum in-
 telligit, præterea nihil, eademq; planè in illo est natura
 intelligens, & intellecta. Sed hic locus difficillimas quæ-
 stiones habet de sciētia Dei, in quibus pertractandis A-
 ristotelici in duas factiones aduersissimas distrahuntur.
 nam qui rectè sentiūt ac pie, contendunt omnes nervos,
 ut rationibus persuadeant, Deum explicatam omnium
 naturarum habere cognitionem, & tangi cura rerū hu-
 manarum, neque solum uniuersis, sed etiam singulis ho-
 minibus cōsulere, & providere: concedunt itaq; Deum
 nihil externū scire, à quo mens eius perfectior, & quasi
 expolitior reddatur : quæ enim ad perfectissimā eius
 absolutionem & præstantiam excellentissimā fieri pos-
 sit accessio: nõ tamen ex eo effici concedūt, ut Deus præter
 Deum intelligat nihil , nam se intelligendo cætera omnia
 comprehendit. Nimirum cum intellectio Dei sit idem
 atque Deus, Deus autem optimus, & perfectissimus sit;
 sequitur, intellectionem eius optimam, perfectissimamq;
 existere: acerrimè igitur intelligit seipsum Deus. At quo
 principia quæque cernuntur acrius, hoc apparent liqui-
 dius omnia, quæ progignūtur ex illis: cognitio enim cau-
 sarum, cognitionem efficit euentorum. itaque si Deus est
 uniuersa naturæ procreator & parens , profectò seip-
 sum cognoscendo cognoscat uniuersa , neque scientia re-
 rum uel leuissimarum potest uiolare , atque imminuerè

diuinam maiestatem, quæ reliquis intelligendis neque à
cōtemplatione sui aberrat, neq; aliqua ex parte cōmuta-
tur, neq; acquirere potest quicq; aut amittere. Et profe-
ctò cū uideamus omnia naturali quodam appetitu inci-
tata ad suas metas dirigere cursum, nisi temerè ac fortui-
tò id fieri existimamus, cōcedendū uidetur, mentem ali-
quam superiorem existere, quæ ceteris cuique generi fines
præscripserit, atque ad eos capeffendos propensionem,
et uim accommodatam ingemuerit: quod nulla unquam
ratione assequi potuisset, nisi naturas omnium rerū non
confuse modo, sed etiā discretè cognitās perceptasq; te-
neret. Deinde si summi Dei cognitio nō progreditur ul-
tra, quàm ut res quasq; p̄cipiat, quoad entia sunt, sine
dubitatione quippiam illi abest, neque in Deo sunt om-
nia omnibus numeris absoluta atque perfectā: quinc-
tiam naturam beatissimam insipientem esse necesse est,
cuius intelligentia non aspires ad ea, quæ mortales no-
runt, et illa quidem præclara, cognitaq; minime indi-
gna. Illud autem in primis scire oportet, intelligentē ea-
tenus ab intellectu perfici, quo eius similitudo imprimatur
in mentes. omnis enim perfectio in re perfecta inest, non
autem res intellecta, sed species eius in natura intelligēte
inest. Similitudo autem eius, quod p̄cipitur, aut est ip-
sa p̄cipientis essentia, aut ab illa diuersa est: et si di-
uersa sit, uel effectricem esse oportet eius rei, cuius est si-
militudo, uel effectum illius. prioris generis exemplum
est forma ædificij in animo insidens architecti, quam
ille sibi in opere faciēdo proponit exemplar: alterius
generis sunt species illa omni materia spoliata, quæ mē-
tis agitatione eliciuntur è rebus. Itaque siquid animus

comprehendat per eam similitudinem, quæ non sit ipsius essentia, dubitari non potest, quin ille perficiatur extrinsecus, neque tamen eodem semper modo. si enim similitudo ipsa sit efficiens cogniti, ab ea sola perficitur mens: sin autem effectus sit, tum ab ea, tum ab exemplari ipsius, idque mentem consummat efficienter, imago autem eius ut forma. Quod si rei perceptæ similitudo sit propria intelligentis essentia, intelligenti certe nulla perfectio foris accedit, nisi forte manat aliunde ipsa eius essentia. His rebus expositis, facile (ut opinor) intelligi potest, uerum esse, quod initio quæstionis huius est dictum, summum rectorem & dominum uniuersi, intelligentem quidem esse omnium rerum, ab iis tamen neque perfici, neque præstantiæ quicquam sibi comparare: neque enim scientiam à rebus ipsis profectam habet, neque similitudo rerum, per quam cognoscit illas, alia est atque sua ipsius essentia: quæ quidem tantum abest, ut principium ducat aliunde, ut ipsa omnium rerum & fons, & propria communisque ratio existat, quippe quam natura cunctæ pro sua quæque facultate nituntur exprimere, ut nihil cuiusquam proprium sit, quod ad similitudinem illius exemplaris æterni non effingatur, cuius imitatio uaria, diuersaque multiplices efficit naturas rerum: ex quo etiam concludi potest, essentiam diuinam explicatam, propriamque rerum omnium tenere scientiam, propterea quod ipsa propria natura cuiusque ratio existit. Hæc, & multa alia dicuntur ab iis philosophis qui rectam, & piam tuebantur opinionem de scientia Dei: sed exoriuntur ex alia parte aduersarij, qui omnes adhibeant machinas ad

rationes eorum labefactandas, quique omnia comminiscantur, & conentur, quo Deum spolient cognitione rerum propria, discretâq; differantq; illius intelligentiam non ultra procedere, quàm ut res quasque comprehendat, quoad entia sunt. quod genus disputationis nos ex omni hominum memoria exterminandum existimamus, quippe quod religionē apertissime oppugnat, & omnē sanctitatem, omnem uirtutem, omnem officiorum rationem funditus tollit. Etenim, si hæc pestilentissima opinio per aures, atque animos hominū peruasit, Deum humana omnia ignorare, nullum apud eius numen delectū esse piorum, impiorumq; nulla post mortem præmia recte factis, nulla supplicia flagitiis esse proposita, quæq; de providentia Dei habeatur opinio, eam uulgarem, ac futilem, atque à recondita sapientiarum disciplina remotissimam esse, quotus quisque erit, qui pure, & caste, non fictè, ac simulate maiestati diuinæ cultus, honores, præces adhibeat? qui iustitiam, fidem, iusiurandum colat? qui denique societatis humanæ ullam rationem ducat? itaque satis mirari non possum quorundam philosophorum imprudentiam & temeritatem, qui has nefarias disputationes non solum introducere soleant in scholas, sed eas etiam sæpenumero in medijs templis, in maxima populi corona explicare audeant, non sapientiæ magistri, sed impietatis. quasi uerò philosophia non det ingentes, ac penè immensos campos, in quibus sine scelere excurrere ingenia, cognoscique possint, atque ad laudem, & gloriam cum maxima humani generis utilitate contendere. Quòd si quæ debuerat, pietas floreret in principibus christianis, aut

certo nemo de his rebus uerbum facere auderet, aut im-
 pia loquacitatis poenas grauissimas daret. Sed nostra
 disputatio ad eum locum reuertatur, unde aberrauit.
 Ostendimus naturam summi Dei intellectiōem esse,
 quæ seipsam comprehenderet, ex quo existit illud, ut
 intellectio sit intellectiōis intellectio. Atqui neque scien-
 tia, neque sensus, neque opinio uidentur in se uersari,
 sed aliud semper habere propositum, quod persequan-
 tur. Vt enim medicina ualitudinis est intelligentia, sic re-
 rum tractabiliū cognitio est tactus: accedit tamen in
 omnibus iis ad perceptionem externarum, quasi appen-
 dix, sui quoque perceptio, propterea quod iis compre-
 hendens efficitur species comprehensa. Agg uerò, cum
 aliud sit ipsum intelligere, aliud intelligi, eademq; natu-
 ra Dei sit intelligens, intellectūque, ex utro præstantia il-
 lius existit: ut enim intelligentia, & intellectum possint
 esse unum idemq; re, cognitione profectō rationeq; nō
 possunt. Harum quæstionum una est, neque illa quidem
 ita difficilis explicatio: cum enim duo sint genera scien-
 tiarum, unum in contemplatione totum, & rerum co-
 gnitione constitutum: alterum ad efficiendi uim, ratio-
 nemq; pertinens, in utroque scientia est idem atque il-
 lud quod ipsa comprehendit: neque multis exemplis o-
 portet hoc facere longius, constat enim, fabricant nihil a-
 liud esse, quàm domum ipsam, non illam quidem ex li-
 gnis, & lapidibus adificatam, sed quæ ab omni mate-
 ria seiuncta in mente ipsius insidet architecti, quam ille
 contemplans ad eius similitudinem eam omnem adifica-
 tionem dirigit, quæ sub aspectum uenit. Et quibus in sci-
 tiis sola cognitio perquiritur, in iis rei definitio semper

ipsaque res, eiusque intelligentia sunt idem: atque ut una
comprehensione omnia complectamur, in iis naturis,
quæ materia carent, nunquam ab intelligente differt in-
tellectum. cum igitur mens diuina sit ante cetera omnia
simplex & uniusmodi, perspicuum esse debet, in ea ma-
xime nihil omnino interesse inter naturam cognoscentē,
cognitāque, & percepta rei, ipsiusq; perceptionis can-
dem planē perceptionem esse. Reliqua est illa quæstio,
utrum mens diuina sese contemplans naturam simpli-
cem, & solitariam contempletur, an duplicem copu-
latāque. Nōne igitur absurdum sit existimare, quic-
quā in Deo concretū esse aut coagmentatum: primum e-
nim mutabitur, alias ex aliis partes intelligens sui, idq;
muneris non sine aliquo temporis interuallo fungens: de-
inde si quæ materia uacant, omnibus item partibus ua-
cant, neque secari, aut diuidi possunt, quī possit in Deo
quicquam esse concretum, aut diuiduum: Sed quoniam
rerum inferiorum gradibus ascendi solet ad scientiam
superiorum, si norimus qua ratione percipiant homines
summum bonum, ex ea re coniecturam facile capiemus
quomodo item summum bonum seipsum percipiat &
comprehendat. Itaque mens hominis, seu maioris natu-
ra concreta, cum in optimarū rerum studiis exercitata
ad eam excellentiam diuinitatēque peruenit, ut uni-
uersa natura contempletur initium, non profectō in alia
atque alia temporis parte aliam atque aliam partem cō-
prehendit illius formæ pulcherrimæ, quæ ab illa diuer-
sa est, tantōque præstantior, ut ne cogitari quidem pos-
sit, quantum intersit, sed uno temporis puncto illam col-
lustrat uniuersam seq; totam simul conuertit in totam.

quo igitur modo mens humana aliquo tempore sese habet immortalium uitam adæquans, ad eundem modum mens diuina sempiternis seculorum ætatibus affecta est, seipsam percipiens, intelligensque sine ullo partium aut temporis intervallo. Quæstio de principiis rerum, quæ nobis proposita erat ad explicandum, uniuersa profli-gata iam uidetur, & nisi nos fallit amor Aristotelis, omni ex parte absoluta, egregieque ad exitum perdu-cta fuerit, si de summo bono uniuersi aliquid explica-tum erit. Nempe cum sine dubio mundus boni natura, & illius quidem summi præditus sit, non tamen satis apertum exploratumque esse uidetur, quænam ea uis præstantissima existat, utrum scilicet in apta partium e-ius compositione constet, an potius aliqua causa exter-na sit, quò referant sese, cursusq; suos dirigant uniuersa. Nunquid igitur, si maxima cum paruis comparare li-cet, mundus similitudinem exercitus habet: quem utro-que illo genere boni præditum cernimus: habet enim or-dinem, in cuius conseruatione magna pars salutis uictoriaq; posita est: habet alterũ præterea bonũ multis par-tibus maius longeq; præstantius, imperatorem dico, cuius procuratione castra, acies, machinæ disponun-tur, atque omnis ratio bellica recte atque ordine ad-ministratur, quo ille uictoriam de hostibus obtineat. ex quo facile intelligi potest, tanto intervallo excellentiam ducis antecedere ordini, quanto efficientem causam re-bus effectis, & finem iis quæ referuntur ad ipsum, ante-ire necesse est. Hunc igitur ducem in uniuersitate re-rum intelligimus esse summum Deum, cuius numine præpotenti, ac infinita prouidentia facta & constituta

sunt omnia, & ad secula innumerabilia reguntur, atque
que conseruantur: in quibus uniuersis, & singulis separa-
tim tam admirabilis ordo conspiciatur, tamque artificio-
sa, & solers, aptaque descriptio. ut qui tantorum ope-
rum laudem fortunæ ac temeritati tribuendam censet,
non ingratus in Deum modo, atque impius, sed stupi-
dus etiam, & bardus, & pulcherrimi cæli aspectu in-
dignissimus esse uideatur. Omnia adeo, quæcunque ocu-
lis, atque animo cernuntur, una ui, atque uno societatis
uinculo continentur, & quendam admirabilem efficiunt
inter se copulata concentum, ut si quis naturam rerum
intueri possit, catenam illam auream Iouis Homeriæ è
summo cæli demissam cernat ad infimam usque tellurē
pertinere. nam ut mentes illæ sempiternæ cælo uitæ mo-
tumque suppeditant, ita cæli motus quatuor inferiores na-
turas corporum gignit, ex quibus cætera omnia forman-
tur, atque consistunt. Quin etiam ut terra parens arbuta,
fruges, atque alios fructus uberrimos ad usum anima-
lium fundit, ac gignit: sic animalia, quæque terram atque
aquam, quæque regiones aerias tenent, omnia ferè com-
modis, & opportunitatibus hominum seruiunt: homi-
nes porro ad sanctitatem generati sunt, & contempla-
tionem Dei, utque inter naturam caducam, & immorta-
lem interiecti utramque aptissimo, atque pulcherrimo
uinculo copularent, cum fragili quidē, & infirmo cor-
pore induti forent, animum uerò diuinum in sese posside-
rent, qui non sensu tantummodo moueretur, sed etiam
præterita meminisset, futuræque prouideret, & cū præ-
sentibus utraque compararet, cursumque uiuendi ad me-
tas summi boni dirigeret, neque uetustatem longinquam,

aut ulla mortis fata pertimesceret, ad immortalitatem nat-
 tus & factus. Sed quanquam nullum est genus rerum,
 quod ad ordinem, & aptam uniuersi coagmentationem
 non conferat aliquid, haud quaquam tamen ob eam cau-
 sam existimandum est, unam esse cunctorum rationem,
 eandemque fortunam. Vt enim in domo recte constitu-
 ta homines liberi educantur ad laudem & uirtutem,
 docenturque iudicio & ratione cuncta administrare,
 & omnes in primis actiones ad decus atque emolumen-
 tum societatis domesticae dirigere: serui autem neque li-
 teris ullis imbuti, neque moribus ingenuis expoliti, maxi-
 mamque uitae partem in operibus sordidis occupati, non
 ita multum utilitatis in medium conferre ualent, mul-
 taque potius per ignorantiam & libidinem animi teme-
 re committunt, quae rectam administrandae domus ra-
 tionem perturbare uideantur. Haud aliter profecto fit
 in hac amplissima familia naturae, quae domicilio mundi
 magnificentissimo continetur, quae enim supra quartam
 regionem habitant, nihil non recte, non ordine, non sa-
 pienter gerunt, nihil denique quod ad salutem & pul-
 chritudinem uniuersi non mirabiliter cōducit: ast infra
 Lunam fortuna & casus magni imperium habent,
 & natura materiae mutabilis non morborum tantum
 & mortalitatis est effectrix, sed etiam perturbationem
 ordinis, atque inconstantiam rebus natiuis importat, ut
 multa fortuito & temere, nullaque ratione administra-
 ri necessitas cogat. Illud itaque in summa dicendum uide-
 tur, naturas rerum esse illas quidem dissimiles, uarietasque
 distinctas, habere tamen quandam inter se conuenien-
 tiam, nonnullaque cum omnibus esse communia, quip-

pe cum omnia conspirare cernantur ad structuram, & elegantem compositionem uniuersi. Hæc habuimus, quæ secuti Aristotelem diceremus de principiis rerum. Reliquum est, ut aliorum eadem de re sententias exponamus, quibus cognitio persacile intelligi poterit, Aristotelis ingenio & doctrina sic reliquorum philosophorum inuenta obscurata esse, ut in eius quasi radiis uix illa cernantur. Neque uerò in iis explicandis eam copiam, quam possumus, persequemur, sed breuiter quæque attigisse contenti erimus, propterea quòd in libris rerum naturalium de his rebus accuratissimè disputatum est. Omnes itaque ex contrariis & pugnantibus faciunt omnia, sed nostro iudicio multa in hoc peccant: neque enim omnia sunt aliquo generata ortu, neque quibusque aliquid aduersatur: neque non explicandum erit, quonam modo ex contrariis natua gignerentur. haud enim contrarium ab contrario pati potest, neque albus color efficiatur ater, sed altero adueniente alter in nihilum abit. Quæ cum animaduertetet Aristoteles, tertiam naturam adiunxit, materiam dico, quæ subiceretur contrariis, illaque uicissim susceperet, abicereturque, unde omnia orirentur, eodemque interirent. Sed nonnulli aduersorum alterum materiam fecerunt, ut Platonicus, qui inæquale, aut multa (sic enim materiam uocant) alteri aduerso, id est æquali, aut uni subiecerunt, formam per quandam significationem ita nuncupantes. sed isti non uiderunt materiam, quæ una omnibus substerneretur contrariis, ipsam nequire alicui aduersam esse, neque pugnare cū forma, cuius ab amplexibus nunquā auellatur, quàmque amore adeo feruēti amet,

ut nihil fieri possit ardetius. Quid! cū adē materiā malū
 esse dicant, nonne fateri coguntur, extra unam formam,
 quam bonum appellant, omnia cum natura mali permi-
 sta esse! Cateri uerò neque bonum, neque malum in prin-
 cipiis numerarunt: atqui principium in quaque re, præci-
 puum est bonum. quocirca probandi sunt, qui hoc es-
 se principium dicant: in eo tamen non probandi, quòd
 bon definiunt quæ ratione natura boni sit initium, u-
 trum ut finis, an ut efficiens uis, an uti forma: his
 enim tribus notio boni, perfectique continetur: mate-
 ria autem suapte natura rudis inchoatæque est, &
 formæ adiumento ad absolutionem sui egens. Empedo-
 cles uerò plurima turbans, in ratione etiam principio-
 rum grauius peccat: existimat enim bonum esse pacem,
 quæ uniuersa corpora in unam speciem informem mi-
 scet atque confundit, quam rerum congregationem ipse
 sphaeram appellare consuevit, eandemq; pacem illius
 amplissimi corporis partem facit, ut illa uim efficientis
 causa materiaq; simul obtineat. sed ut concedamus e-
 andem naturam & materiam esse, & uim mouen-
 tem, ratione tamen isthæc duo genera distincta esse neces-
 se est: neque accidere unquam possit, ut idem eiusdem
 utroque modo sit causa. utro igitur duorum est pax! il-
 lud item absurdum esse uidetur, quòd idem discordiā
 introducit immortalē, quæ sit ipsius mali natura. doceat
 igitur oportet, cum pax uniuersa cogens & coaceruans
 sphaeram effecerit, ubi discordiæ sit quicquam loci, ni-
 si fortè aut illam cum pace foedus amoris ferire credi-
 mus, atq; in partem congregationis admitti: aut naturam
 aliquam pestiferam, & uiolentam ad infinitum tempus

manere posse existimamus. Anaxagoras autem ipsum bonum principium mouendi statuit, mens enim apud eum omnia mouet, & descriptionem uniuersi designat, & cōficiat: sed is non docet, quorsum illa motio pertineat, cū tamē nihil moueat, quin ob aliquam causam moueat. quamobrem illi faciendum planē erat, ut alterum principium statueret, quod mentem ad mouendum incitaret, nisi forte ita, ut nos, sentit: multis enim locis iam commemorauimus, in rebus materia uacatibus idem esse intelligens intellectumq; finemq; ac uim efficientem. ut ualendo, nisi cum corporibus confusa & permista foret, eadem omnino esset atque medicina scientia, & utrāque uim haberet finis uidelicet ac efficientis. Neque illud eiusdem Anaxagoræ alicui fortē uacare culpa uideatur, quòd cum mentem assereret bonum esse, & ea sit natura contrariorum, ut alterum absque altero constare non possit, malum tamen non opposuerit bono. Nos autem illud admirari satis non possumus quid causa sit, quamobrem nemo eorum qui contraria principia posuerunt, contrariis utatur ad causas rerum naturalium explicandas. Præterea cum physici omnes ex initio posito generent uniuersa, ut Thales Milesius ex humore cælum, terram, spirabilemq; naturam, dicendum profectò omnibus erat, cur rerum alia dissolubiles & caducæ forent, alia immortales ac sempiternæ, quod tamen nemo laborauit. Quid commemorem ueteres theologos & poetas, qui nihilum peperisse omnia cecinerunt: aut illos, qui ne in scopulis huius opinionis alliderentur, in alia sententia naufragum fecerunt, dum omnia unum esse comminiscuntur: cuius opinionis principes fuerunt


Melissus, & Parmenides. Quid! quòd ortus rerum cū-
 etarum neglectus est à cunctis, neque ex monumentis
 cuiusquam accipere possumus, cur generatio ab infini-
 to tempore fluat ad tempus infinitum, quæ ue causa sit
 tanti muneris effectrix. Sed qui duo principia aduersa
 faciunt, ij causas rerum si diligentius cōtemplarētur, per-
 facile uiderent, addendam esse tertiam naturam, in qua
 sit maior uis, maiorq; præstantia: alioqui quomodo pos-
 sint probabile aliquid asserre, quāobrem quicq; fiat: in
 quo eodem similiter reprehenduntur idearum patroni:
 quandoquidē si participādis ideis omnia gignūtur, quo-
 modo sine ui aliqua ciente aut quicquā ex earum fonte
 in materia receptaculum influit, aut materia fluxionem
 illam animalem recipit? Iā uerò si principia rerū sine
 contraria, cōfiteri necesse est, sapientiæ, præstantissimæq;
 omnium sciētiæ aliquid esse contrariū. sapientia enim
 de primo principio differit, ut initio huius operis expli-
 catum est dilucidē. Nobis autē plaga hæc infligi nequa-
 quam potest, qui primam mentem simplicem & solita-
 riam, materiāque uacantem esse demonstramus, ut nihil
 illi contrarium esse queat. contraria enim omnia concre-
 ta, & cū materia confusa, & facultate eadē sunt: quā-
 doquidem amarum facultate dulce est. q. si principio ni-
 hil sese opponit, nec sapientiæ quidem, quæ in ipso uer-
 satur, ignorantia est opposita. quæ si è regione huius sci-
 entia foret, id certe quod subiiceretur: quasi materia
 ignorantia, primo principio contrariū esset. In eo autē
 pleriq; omnes turpissime labūtur, quòd nullas substāti-
 as ne suspicantur quidē præter corporeas, sensibilesq; subie-
 ctas: quo posito neq; primū principium existit, neq; ordo,

neque rerum ortus, cunctâque caelestia dissolui atque in
nihilum interire necesse est, neque iam principium aliquod
existet, quod non gignatur aliunde. itaque innumerabi-
litas causarum introducenda erit, atque initia alia aliis cõte-
nuata seriem efficiunt, quæ infinite protendatur: quam
plagam theologi ueteres, et physici omnes accipere con-
guntur, qui nulla principia cognorunt præter ea, quæ
sub oculis cadunt. Extiterunt autem Pythagorei qui nu-
meros, et Platonicæ qui species dicere esse naturas il-
las, quæ sine ullo corpore constaret, ceterasque naturas
omnes ex sese progignerent. Nos autem uidere non pos-
sumus, quæ possint esse uel numeri, uel species rerum cau-
sæ: et ut possint, illud certe nunquam obtinebunt, ut sint
alicuius motionis causæ. Quomodo autem ex naturis in-
diuiduis omnique magnitudine uacantibus, magnitudo
aut aliqua natura continua poterit existere? numerus e-
nim neque ut mouens, neque ut forma continui efficiet
quicquam. Neque uerò contraria uis aliqua, efficiendi et
mouendi principium statui potest. contraria enim om-
nia possunt esse pariter, atque non esse: cumque facul-
tas actum antecedit, tempus fuisset, cum principium
cessabat, et nullum opus efficere moliebatur: non igitur
aut motus, aut rerum generatio sempiterna esset:
quod quidem repugnat iis, quæ supra demonstrauimus:
falsum est igitur, contrariorum alterum mouendi princi-
pium esse: facultatem autem in uno atque in eodem esse
priorem actu, antea dictum est. Præterea quid effi-
ciat, ut numeri, aut anima, et corpus, et uniuersæ for-
ma et materia sint unum, nemo quicquam dicit, ne-
que dicere quidem potest, nisi sententiam Aristotelis am-

plexetur, qui docuit in octauo libro huius operis, formas ipsas sponte sua non constare, sed ex materia facultate ui mouentis excudi. Illa autem opinio Pythagoræ & Platonis omnino explodenda uidetur, quæ numerum mathematicum in rebus primū facit, & post eum reliquas naturas ordinatim collocat, sua cuique principia separatim assignans. hæc enim sententia primum coherentiam uniuersæ naturæ funditus tollit, neque uult alicui quicquam esse cum altero commune, ut nihil cuiquam laborandum esse uideatur, utrum sint cætera, nec ne sint. deinde multa principia introducit, quæ sint paria, neque ad unum omnia principium referantur: male igitur uniuersum regi necesse est, cum multorum principatus perturbationem ordinis, & magnam confusionem semper habeat: & profectò nulla gubernandi ratio, cum regia potestate & dominatu eò parari potest. Itaque si nihil æque pulchrum atque perfectum, nihil tanto consilio dispositum aut administratum cogitari potest, quanto uniuersitas rerum, profectò unus est princeps, unūque principium mundi Deus optimus max. de cuius potentissimo imperio, & sapientissima administratione nihil attinet loqui, quando Aristoteles in illo libro aureolo, quem ad Alexandrum de mundo misit, tam luculentè, tam copiosè, tamque diuinè tractauit hunc locum, ut nihil ab eloquentia uel summa uberius dici possit, aut magnificentius. Hæc quidem ex fontibus philosophorū hausta delibataq; sunt nobis, ad naturā & uim rerum diuinā explicandā. At tu maxime Princeps uniuersæ naturæ, & omnium rerum, quæcunque sensu atque intelligentia continen-

tur , optime creator & parens illustra mentem atque
animum meū radiis tuæ diuinitatis indiuiduè partitis,
diuiduèque coniunctis, ut ultra cognitionem sensus &
naturæ penetrans magnitudinem , atque admirabilita-
tem tuam , operumque tuorum possim aliqua ex parte
contueri, deque tuo numine sempiterno , atque ui & nu-
mero mentium beatarum ea deinceps commemorem,
quæ tua sancta oracula nobis prodiderunt : quæ qui-
dem certe tanto meliora, tantoque præstantiora sunt iis,
quæ continentur hoc libro , quantum diuina humanis
præstare necesse est.

F I N I S.



ADIECIMVS CANDIDE LECTOR

(ne aliquot pagina uacarent) eiusdem authoris hymnos duos: reliquos, cum primum in manus nostras peruenerint, simul edituri.

Hymnus in bonam Valetudinem.

Diua funestis inimica morbis,
Cui uigor mentis, solidumq; robur,
Et iocæ dulces, animiq; semper
Gaudia cordi.

Te uoluptatis canimus parentem,
Candidam blandæ Veneris sodalem,
Vnicum uitæ decus, & malorum
Dulce leuamen.

Quam colunt sanctæ iuuenes senesq;
Quam sibi cuncti cupiunt suisque.
Nam simul coetus hominum caducos
Alma reuifis,

I licet morbi fugiunt proterui,
Occidit febris truculenta, dirus
Occidit pallor, fera mors profundo
Exulat Orco.

At domus florent pueris, senesque
Induunt fortem uirides iuuentam,
Et Venus terras colit, & Lyæus
Et bonus Hymen.

O quies rerum, ô hominum benigna
Mater, ô cunctis ueneranda, nanque
Quid potest gratum sine te, quid ulli

Dulce uideri!

Huc ades nostrum miserans laborem,
Siue te cæli tenet aula, siue
Insulis molles choreas beatis

Lata frequentas.

Huc ades tandem bona diua, & artus
Languidos aura refoue salubri,
Ne meam tabes edat immerentem
Atra iuuentam.

Hymnus in Dianam.

At te quis tacitam sinat
O castissima Coelitum,
Cultrix ô Erymanthij
Cynthijq; recessus,

Te chori & citharæ iuuant,
Te iuuat strepitus canum
Audire, & celeres feras
Acri figere cornu.

At cum sol abit aureus
Tu perfusa liquentibus
Vndis Oceanum uago
Lustras athera curru,

Curru luada sydera
Sectantur pede candido,
Lasciuas meditantia